

AZ.

BIBLIOTECA NAZ.

Vittorio Emanuele III

LX

A

28

NAPOLI













ACTA  
SOCIETATIS  
REGIAE  
IN  
ANGLIA.

AMSTELÆDAMI,  
apud  
HENRICUM et THEODORUM  
BOOM 1674

Ronyrie Hugle



A C T A  
PHILOSOPHICA

Societatis Regiæ in Anglia,

ANNI M. DC. LXV.

*Auctore*

HENRICO OLDENBURGIO,

*Soc. Reg. Secr. Anglicè conscripta,*

*&*

*In Latinum versâ Interprete*

C. S.



AMSTELODAMI

Apud HENRICUM & THEODORUM

BOON, 1674.



2174041-5115





# R E G I Æ S O C I E T A T I.

**R***uſtra addiderim a-  
lia Attributa om-  
nia offuſcanti Titulo,  
cui omnem ſplendoris  
Plenitudinem conciliat Ra-  
dians Nomen ſuæ Majeſtatis.*

*Ex his Rudibus Colleſtio-  
nibus, quæ non ſunt niſi vin-  
demiæ privatarum mearum di-  
greſſionum horis ſubciſiſvis fa-  
ctarum, apparet, multas  
Men-*

## DEDICATIO

*Mentes & Manus multis in locis fuisse diligenter adhibitas, Vestro Favore, Vestroque Exemplo, in prosecutione horum Excellentium. Institutorum, quæ à vestris Heroicis Consiliis diriguntur.*

*Horum aliqua non sunt nisi Intimationes amplarum Compilationum. Ac quædam Vestræ Societatis Membra Excellentia, Rempublicam Literariam sibi devinxerunt Incomparabilibus Voluminibus, quorum hic non fit mentio, quia fuerant absoluta, & ubique magni æstimata, antequam hoc Pensum aggrederer. Neque pauci his magni momenti Productionibus sunt additi*



# A U T O R I S.

*dicti, quarum debita Maturitas & Tempus, & Auxiliare requirit. Adeò ut nemo his Radiis exactè metiri possit Vestros Effectus, Vestrasve Prosecutiones; sed quilibet fortassis ex his fragmentis recipiat quoddam beneficium, quæ non judicavi à vestro Proposito esse aliena.*

*Cura mihi fuit, non enim decebat me esse infidelem in Consiliis illis, quæ Fidei meæ commisistis, neutiquam inutiliter perdere tota minuta ocii mihi à vobis concessi. Itaque, quædam eorum optimis, quas imaginari poteram, rebus impendi: Spargendo Incitationes, Quæstiones, Instructiones,*

\* 4

nes,

# A U T O R I S

*nes, & Exemplaria, quæ possint animare, & erigere Universalialia subsidia.*

*Deus Altissimus prosperet Nobilissima vestra studia spargendi veram gloriam Operum ejus magnificorum, & felices inventiones, quibus homines in toto orbe devinciuntur Universali humani generis commendo: Ita animatus precatur.*

Vester humillimus & obedientissimus Minister

HENRICUS OLDENBURGIUS.

PRÆ-

P R Æ F A T I O  
I N T E R P R E T I S  
A D  
L E C T O R E M.



**I**N Rebus Naturalibus  
Philosophia Experimenta-  
li, superstructa Hi-  
storiæ rerum particula-  
rium ipsis sensibus Vi-  
rorum fide dignorum comprobata-  
rum, nihil vel utilius, vel certius  
esse, alii demonstrarunt. Mihi qui-  
dem veritas illa tanta esse videtur,  
ut nulla probatione opus sit adver-  
sus illos, qui tenebras præferunt  
luci, maluntque in ipsa luce meri-  
diana cæcutire, quàm ingenuè pro-  
fiteri se secutos errores magistro-  
rum suorum, cæco affectu homine  
indigno. Nimis diu orbis Christia-

## P R Æ F A T I O

nus veneratur Aristotelem veterem, pauci ejurata Aristotelis auctoritate temere in verba Cartesii junioris jurare; hi in Democritum, illi in Epicurum, alii in alios, incertum casu an consilio, studio feruntur. Et quem suæ quisque delegerit sententiæ patronum, eum admiratur, eum omnibus anteponebat, eum maximè diligit, ei se mancipat, alios fastidit, nec audire dignatur. Cùm se homunculi illi sentiunt mole argumentorum premi, convitia evomendo, obmoliendoque auctoritatem obtusum contra adversarium telum, magistri sui, caput extollunt. Sic Clericellius Cartesianus præfixit operi suo nomen Cartesii, quo Fermatum uti fateatur majori auctoritate refutaret, eo ipso prodens causam suam, cui rationum momenta desint, nisi accedat auctoritas hominis fallibilis. Aded multi laudant illud: *Ami-*

## INTERPRETIS.

*is Plato, Amicus Aristoteles, sed  
magis amica veritas, cæterum cor-  
le premunt τὸ Ἀντὸς ἔφα.* Interea  
erunt per Scholas lites æternas de  
Notionibus, Universalibus, Mate-  
ria, Forma, Loco, Vacuo, Motu,  
Quiete; Specialia superbo silentio  
aspernantur: quasi non sit Philoso-  
phus, nisi qui sciat ex principiis  
suis, sæpe falsis,nectere nodos  
Gordios conclusionum inextricabi-  
lium, quos scindi necesse est, quan-  
do solvi nequeant. Iis de rebus di-  
sputant ad ravim usque, & ingenia  
sua nequicquam fatigant. Quæstio-  
nes ineptas fingunt, argumenta  
ineptiora ineptissimi comminiscun-  
tur. Nec finem faciunt difficulta-  
tum, quæstionibus quæstiones cu-  
mulando, quæ per se corruerent  
principiis eorum, ceu fundamen-  
tis collapsis. Pretium unicum la-  
borum est perpetua contentio, con-  
tentionis lassitudo. Atenim quan-  
tum

## P R Æ F A T I O.

tum commodi sperandum sit generi humano, quantaque utilitas redundet ex promotione Scientiæ Medicæ, Anatomicæ, Chymicæ, item Artium Mechanicarum, Navigationis. aliarumque rerum utilissimarum, nemo non videt.

Cæterum ego considerans præstantiam hujus operis, tanquam utilissimi ad Promotionem Philosophiæ Experimentalis, impulsu Bibliopolæ suscepi laborem vertendi illud ex Sermone Anglico in Latinum, ut intentio Autoris eo magis finem suum consequeretur, & latius propagaretur, quanto amplius in Erudito orbe pater Sermo Latinus præ Anglico. Difficultatem principio sensi hujus operis, arbitror etiam sensurum, quicumque idem facturum fuerit; difficultatem enim illam pariunt tot, tantæque scientiæ & artes, quarum omnium non perfunctoriè peritum oportet esse

# INTERPRETIS

Te interpretem. Multum etiam  
 difficultatis contribuunt huic operi  
 inventiones novæ, voces peregrinæ,  
 peregrinarumque, & antiquis inco-  
 gnitarum, seu recens inventarum  
 rerum, quarum non exigua pars in  
 his terris, Latinis ignotis inveni-  
 tur. Vocibus popularibus audacter  
 quando usus sum: *Malo enim*  
*ut utar verbis Augustini) ut me re-*  
*prehendant Grammatici, quam ut*  
*non intelligant populi. Quamobrem*  
*ad benevolentiam tua Lector perite ob-*  
*nolescerim, ut sicubi Latini Sermonis*  
*semitas (verba sunt Lupi in vita*  
*Wigberti) hominum, (rerum) loco-*  
*rumve nominibus peregrinæ linguæ*  
*serenaevulis asperatur, modicè feras,*  
*et memineris non carmen me scribere,*  
*sed poetica licentia nonnunquam no-*  
*mina mutulantur, atque ad sonorita-*  
*tem Romani diriguntur eloquii, vel*  
*semitas immutantur, sed historiam,*  
*et se obscurari colorum obliquitati-*  
*bus*

# P R Æ F A T I O

*bus vetuit.* Non affectamus omnes esse Cicerones, cum lingua latina nec nobis, nec cuiquam alii abhinc mille annos sit vernacula.

Ubi vorum, phrasiumque sensus vel æquivocus, vel non satis perspectus fuit, addidi Parenthesibus inclusa verba Anglica, ne incertum pro certo supponerem, neve linguæ Anglicanæ peritiores, qui fortè certi quid ex verbis Anglicis eruere valeant, gravarentur seu parando, seu evolvendo Exemplari Anglico. Quando mihi fuerunt nonnulli illorum librorum Latinorum, quorum Relationes in his Actis eduntur, studui non meis, sed ipsius Auctoris verbis sensum exprimere. Errores commissos in versione vel Gallica, vel Latina Ephem. Erudit. amicè adnotavi, ne imputarentur vel Domino Henrico Oldenburgio, vel Autoribus illis, quorum Relationes ille transcripsit: idque eo candore  
& ani-



## INTERPRETIS.

animo , quo non renuo errores  
eos mihi indicari. Interim Te,  
ector benevole , rogo , ut erro-  
s illos, siqui sunt , difficultati ope-  
s potiùs , atque festinationi Biblio-  
læ , quàm negligentia & vitio  
eo imputes. Habes quidem hac  
ce tantummodo, quæ primo quin-  
ennio , ab Illustri Societate pera-  
a sunt ; sed Bibliopolæ animus est  
opediem sequentium annorum se-  
em hac eadem Lingua exhibere,  
uibus vertendis non minorem quo-  
e diligentiam impendere cona-  
mur. *Vale.*

ARI-

# ARISTOTELES

## LIB. II.

Analytic. cap. xxviii.

*Ex ipsa experientia profici-  
scuntur omnis artis & scientiæ  
principia: Artis quidem, si ad  
eas res pertineant quæ oriun-  
tur & occidunt: scientiæ au-  
tem, si ad ea, quæ eadem sem-  
per sine ulla mutatione perma-  
nent.*

ACTA

A C T A

# HILOSOPHICA.

Die Luna, Martii 6. 1664. N. 1.

## Contenta.

I. *Introductio in hunc Tractatum.*

*Relatio de perfectione Telescopio-*

*m Romæ. III. De Observatione*

*Etâ in Anglia, de maculâ quadam*

*aliqua Striarum Planetæ Jovis.*

*IV. De motu ultimi Cometæ prædicto.*

*V. Capita multarum novarum obser-*

*vationum & experimentorum, secun-*

*dam experimentalem Historiam Fri-*

*oris; unâ cum quibusdam Ther-*

*ometricis Discursibus & experi-*

*entis. VI. Relatio de Monstro-*

*simo Vitulo. VII. De peculiari*

*minera Plumbi in Germania, u-*

*tilissimâ experimentis. VIII. De*

*ungarico quodam Bolo ejusdem*

*virtutis cum Bolo Armeno. IX. De*

A

Bala-

novâ Americanarum Balenarum  
capturâ, circa Bermudas. X. Nar-  
ratio concernens successum Horolo-  
giorum Pendulorum Mari pro Lon-  
gitudinibus; & concessum Privile-  
gium Diplomate pro eâ re. XI. Cata-  
logus Philosophicorum librorum edi-  
torum per Dominum de Fermat, Con-  
siliarium, vel Senatorem Tholosa-  
num, nuper mortuum.

---

### I. Introductio.



Um nihil sit magis necessarium  
promovendæ perfectioni rerum  
Philosophicarum, quàm tali-  
bus communicare, qui studia  
& consilia sua eò dirigunt, ta-  
lia quæ sunt inventa aut usu probata ab aliis;  
utique conveniens duximus *Prælo* uti, tan-  
quam aptissimo medio gratificandi iis, quo-  
rum occupatio in ejusmodi Studiis, & de-  
lectatio in progressibus doctarum & fru-  
ctuosarum inventionum, eos perducere po-  
test ad scientiam eorum, quæ Regnum hoc,  
aliæque mundi partes, successivè proferunt,  
tam de progressu studiorum, laborum, &  
tenta-

entaminum curiosorum & talium rerum  
eritorum, quàm de completis eorundem  
ventionibus & experimentis: eo fine ut  
is productionibus clarè & fideliter commu-  
icatis, desideria solidæ & fructuosæ scien-  
iæ ulterius foveantur, ingeniosa studia &  
nstituta diligantur, & addicti, versantes-  
ue in talibus rebus, invitentur & animen-  
ur ad perscrutandas, probandas, & inve-  
iendas novas res, ad communicandam in-  
icem scientiam suam, & ad contribuen-  
um quantum fieri potest magno instituto  
xcolendi naturalem scientiam, & ad per-  
ectionem perducendi omnes *Philosophicas*  
*Artes*, & *Scientias*. Omnia in Dei gloriam,  
onorem & utilitatem horum regnorum,  
& commune bonum generis humani.

*I. Relatio de perfectione Telesco-  
piorum.*

Nuper *Lutetia* missa fuerat Relatio, con-  
cernens perfectionem *Telescopiorum*,  
non ita pridem attentatam *Romæ* per Domi-  
num *Iosephum Campanum*, & ab eodem  
enarratam in libro, cui titulus, *Raguaglio*  
*di nuove osservazioni*: i. e. Relatio novarum  
observationum, nuper impresso in dictâ  
civitate, sed nondum in has Oras transmis-  
so; in quo sequentia particularia, secun-

dùm notificationem huc missam, continebantur.

*Primò* agitur de excellentiâ longorum *Telescopiorum*, factorum à dicto *Campano*, qui profitetur se invenisse modum efficiendi magna *Telescopia* torno seu instrumento versatili, sine modulo: & cùm hætenus experienciâ compertum fuerit, *parva* *Telescopia* secundum proportionem meliora esse, ad visendum in terram, quàm *magna*; hic Author asserit, sua æquè bona esse pro terrâ, atque pro observationibus faciendis in coelis. Præterea, utitur tribus lentibus pro suis magnis *Telescopiis*, sine inventione variarum *Iridum*, quæ assolent vulgò apparere in ordinariis *Telescopiis*, & impedimento esse observationibus.

*Secundò* tractatur de *Annulo Saturni*, in quo nihil reperit, nisi quod confirmat Domini *Christiani Hugonii de Zulichem* Systema dicti Planetæ, editum à viro isto nobili & spectabili, anno 1659.

*Tertiò* agitur de *Iove*, in quo *Campanus* asserit se invenisse virtute *Telescopiorum* suorum, quasdam *extuberationes* & *elevationes* vel *prominentias* & *inaequalitates*, multò majores hætenus in eo observatis. Addit se nunc observare, utrum hæ protuberantiæ dicti *Planeta* non mutant situm suum, quod si accidere comperiatur, ipse judicat tum dicendum Jovem circa *Axem* suum moveri; quod

quod ipsum, ut arbitratur, multum confirmaret sententiam Copernici. Præterea scribit se observasse in *Striis Iovis*, umbras *satellitum* vel *Lunularum Iovialium*, easque infectatum esse, & tandem vidisse extra Discum ejus emergere.

### III. *Macula in quadam Striarum Jovis.*

**I**ngeniosus Magister *Hook*, intimavit ab hinc menses aliquot, amico suo, se egregio quodam duodecim pedum Telescopio observasse aliquot diebus antequam eâ de re loqueretur (*scilicet* nono Maji, 1664. sub nonam horam noctis) parvam Maculam in maxima trium obscuriorum *Striarum Jovis*, eamque intra duarum horarum spatium, continuâ observatione comperisse, motam ab Oriente Occidentem versus, intervallo circiter dimidium diametrum Jovis longo.

### IV. *Motus nuperi Cometa prædictus.*

**N**uper missus fuerat alicui *Secretariorum Regiæ Societatis* fasciculus exemplarium quorundam tractatus impressi, & inscripti, *Ephemerides Cometa*, compolitæ per eundem,

dem, qui mittebat, dictum *Dominum Auxout*, Nobilem *Gallum*, non vulgari doctrinâ celebrem, qui gestiebat, duo exemplaria commendari dictæ *Societati*, & unum ejus Præsidi, aliumque suæ Celsitudini Principi *Ruperto*, atque residua offerri aliis personis nominatis in Epistolâ, quæ comitata fuerat hoc munus, & in exteris regionibus famosis propter suas singulares qualitates & scientias in rebus Philosophicis. Scopus communicationis harum Chartarum erat hic, ut scilicet, motu nuperrimè visi *Cometa* prædicto per memoratum *Dominum Auxout*, postquam eundem (ut ipse asserit) tantum tribus, quatuorve vicibus observasset: *Virtuosi Anglicani*, unâ cum aliis, conferrent simul suas observationes cum ejus *Ephemeridibus*, seu ad confirmandam *Hypothesin*, quâ Author antea calculasset viam stellæ hujus, seu ad corrigendum eum, si forte versatur in errore. Dictus Author dedicavit has suas conceptiones Regi Christianissimo, addito sermone, se ista offerre ei proposito tali, quo hætenus nemo *Astronomorum* fuerit usus, cùm totus orbis usque in præsentem diem fuerit persuasus, motus *Cometarum* adeò esse irregulares, ut non possint reduci sub certas leges, & homines contenti fuerint, exactè observare loca, per quæ vagarentur; sed neminem ait, quantum sciat, eo processisse, ut ausus fue-



fuerit prædicere loca, per quæ transitori, & ubi disparituri essent: Hic itaque exhibet *Ephemerides* determinantes de die in diem, in quo loco cœli *Cometa* ille esset futurus, quâ horâ esset in *Meridiano* suo, quaque occideret; nisi ejus nimia remotio, aut appropinquatio ad Solem ab oculis nostris eum absconderet. Descendens ad particularia, dicit, quod hæc stella, libera existens à radiis solis, potuisset observari, si conjecturæ ejus valerent, semper à tempore quo fuit 17. aut 18. grad. *Latitudinis Australis*, & quidem circa medium *Novembris* proximè elapsi, vel citiùs, nisi fuisse nimis parvus: quod quomodocunque visus fuerit in *Hollandiâ*, post 2. *Decembris* novissimi, quo tempore, secundum ejus computum, motus diurnus *Comete* jam pertingeret ad 17. aut 18. minuta. Comperit, hanc stellam moveri *satis exactè* in *Plano Circuli Maximi*, qui inclinatur ad *Æquatorem* circiter 30. grad. & ad *Eclipticam* circiter 49. aut 49½. gr. secans *Æquatorem* circiter 45½. gr. & *Eclipticam* 28. gr. *Arietis*, aut paulò amplius. Dicit *satis exactè*, quia censet fortassis esse quandam *parallaxin*, quam optat posse determinari.

Hinc, (*pergit*) quilibet pro libitu posset videre, designando cursum *Comete* in *Globo*, per quas aut juxta quas stellas motus, aut movendus esset: addens, nec causam

mirandi esse , postquam descenderit circiter 6. grad. ultra *Tropicum Capricorni*, eum rursus ascendisse , & continuaturum ita moveri, donec superet *Æquatorem*, & forsitan processurum usque ad 15. gradus *Declinationis Borealis*, nisi ante tempus illud dispareat, propter nimiam distantiam: neque credendi, duos fuisse *Cometas*, quòd revisus fuerit 31. *Decembris*; siquidem, ut opinatur, illud debebat fieri, si continuabat moveri in *Circulo Maximo*.

Deinde, monstrato, quomodo motus sit delineandus in *Globo*, comperit, quòd secundum Calculum suum, cometa esset transiturus *Tropicum Capricorni* circa 16. *Decembris* & cum intrasset in signum *Virginis* vigesimo Mensis ejus, cumque fuisset in *Quadrato* cum *Sole*, adhuc descensurus, usque ad 26. *Decembris* manè, & deinde ingressurus in *Leonem*; quodque cum intrasset 28. ejusdem Mensis, in *Cancrum*, & paulò post maximè inclinasset ad *Eclipticam*, scil. in 28. gr. *Leonis*, rediturus esset per *Tropicum Australem*, è regione *Canis Minoris*, 29. *Decembris* circa 9. aut 10. horam matutinam, postquam oppositus fuisset *Soli* 2. aut 3. horis ante tempus istud; & quòd 29. *Decembris* vesperi futurus esset in *Geminis*, & initio *Novi anni*, ingressurus in *Taurum*.

Postea, Author noster invenit, hunc  
Come-

*Cometam*, secundum ejus computum, transiturum *Æquatorem*, 4. Januarii ante meridiem, & perventurum circa 5. aut 6. horam pomeridianam in mandibulam *Ceti*, & 9. ejusdem, horâ 6. appropinquaturum parvæ stellæ *Ceti*, paulò intra viam ejus sitæ. Tandem invenit intraturum in *Arietem* 12. Januarii, & secturum *Eclipticam* 16. ejusdem mensis circa meridiem, quo tempore rursus esset in *Quadrato* cum *Sole*, hinc arbitrabatur eum paulò supra Septentrionalem Nodum Lini Piscium progredientem, dispariturum paulò ultra locum illum, neque perventurum usque ad medium *Arietis*, nisi fortè ejus nimia distantia citiùs faciat eum disparere.

Pergit dicens, hunc *Cometam* non perventurum ad locum è regione Nodi Lini Piscium usque ad 10. Februarii, & tum Diurnum ejus motum non excessurum 8. minuta, nec 5. minuta circa 20. ejusdem mensis: & principio Martii, si tamdiu videbitur, dictum motum non excessurum 4. minuta, & ita semper diminuentum; nisi *Cometa* fiat *Retrogradus*, quod ceu magni momenti rem, ipse quidem observasset; ut etiam, utrum ejus motus in fine sit futurus celerior aut tardior, quàm ipse calculaverat.

Subjungit, Maximum motum diurnum, i. e. maximam viam, quam hæc

A 5

stella.

stella spacio 24. horarum permeare posset, fuisse 13. gr. 25. min. & spacio unius horæ 34. min. & putans probabile esse, quòd circa id temporis, quo percurreret tantæ longitudinis viam, fuerit proxima Terræ, concludit ejus motum diurnum, i. e. spatii 24. horarum esse debere, ad minimam distantiam à Terrâ, ut circiter 3. ad 14. aut 1. ad 4 $\frac{2}{3}$ . ejusque motum horæ unius secundùm eandem minimam distantiam, ut circiter 1. ad 102 $\frac{1}{2}$ .

Sed quod ipsi maximè observandum videtur, hoc est, quòd invenerit per computationem suam, dictam minimam distantiam debere esse 29. Decembris, quando Cometa sit oppositus soli; quam rem ait se ignorare, annon inferviat decidendæ magnæ quæstioni de Motu Terræ.

Porrò observat, Caudam Comete Occidentem versus inclinantem Septentrionem versus, usque ad 29. Decembris, quo tempore ait opponendum Soli, & tum dictam Caudam directè intentam Septentrioni; sed postea Caudam movendam Orientem versus, & in illo situ permanсурam, donec dispereat; & paulisper inclinaturam Septentrionem versus, usque ad 8. aut 10. Februarii, quo tempore ait Caudam fore parallelam Æquatori, & si adhuc quodam tempore continuaverit apparere Cometa, Caudam paulò inferiùs progressu-

gressuram *Austrum* versus, sed diminuen-  
dam.

Invenit per hanc *Hypothesin*, hanc stellam,  
2. *Decembris*, quo die facta fuerit prima  
observatio, de quâ ipse audiverit, septies  
remotiorum fuisse à *Terrâ*, quàm cùm esset  
in *Perigeo* suo; eandemque denuò æquè  
distantem futuram à *Terrâ* 27. *Ianuarii*, a-  
deò ut sentiat, si hic Cometa non fuerit  
visus ante 2. *Decembris*, eundem nec vi-  
dendum amplius post 27. *Ianuarii*.

Ante omnia optat ut exactissimè obser-  
vetur, quo Angulo cursus *Cometae* secet  
*Æquatorem*, & maximè *Eclipticam*, ut  
sic possit videri, utrum non fuerit *Paral-  
laxis* aliqua in *Circulo* motus ejus; nec non,  
ut quædam observationes infimi ejus des-  
census ultra *Tropicum Capricorni* possint  
haberi in partibus *Australioribus*, ubi di-  
cit fuisse sine *Refractionibus*; præterea de  
tempore; quando fuerit in *Quadrato* cum  
*Sole* circa 20. *Decembris*; & ut accura-  
tissima observatio habeatur temporis, quo  
denuò in *Quadrato* cum *Sole* futura sit,  
quod, secundum ejus sententiam accidere  
debebat *Ianuarii* 16.

Optat etiam, ut quidam in *Madagascar*  
hanc stellam observassent; considerans,  
quòd coeperit apparere supra medium  
dictæ *insulae*, & quòd bis supra capi-  
ta eorum transierit; putat eos citius  
nobis.

nobis vidisse Cometam. Tandem etiam optat, ut essent in *Guiana* quidam periti, qui observarent Cometam, considerans, quòd secundum suum calculum, intra paucos dies, supra capita eorum transiturus esset, neque removendus inde longius, quàm 8. aut 10. gr. Septentrionem versus, ubi ait disparitum; improbable ducens, posse apparere, postquam *Sol* præterierit ipsum.

Hæc Relatio data est 2. *Januarii* st. n. 1665. & Author ejus addit hanc notam, quòd, videns non posse eam tam citò imprimi nec distribui, quàm desideraret, habuerit occasionem confirmandi eam quibusdam observationibus, à quibus minimè sensibilem differentiam ait se advertisse; aut, si talis fuerit, quòd processerit duntaxat ex eo, quòd stellæ progressæ fuerint medio tempore constructionis *Globi* sui. Concludit, si ista continuent, & priores observationes similiter conveniant, aut differentiæ accidant intra tempora à se conjecta, quòd speret se determinaturum & *Distantiam* & *Magnitudinem* hujus *Cometa*; & quòd fortassis inde decilio quæstionis de *motu terre* expectanda sit. Interea affirmat, se non immutasse vel minimum numerum in suis calculationibus, & *Dominum Hugenum*, diversosque Gallos Nobiles, quibus ait se eas jam pridem dedisse, testes esse posse ipsum ita fecisse; ut & multos alios ejus amicos, qui inspexerant  
in

Globo ejus aliquot diebus antè, viam *cometæ* de die in diem.

Hæc de *Parisiacâ Relatione* de *Cometâ* dicta funto, quam hic fusiùs inferuimus, ut intelligentes & curiosi in *Angliâ* conferant eum illâ suas observationes, seu ad confirmandum has *Predictiones*, seu ad monstrandum earum discrimen; quod fuit (ut etiam antè diximus) propositum hujus *Philosophiæ Prophetæ* in dispersione horum conceptuum, qui declarat se paratum esse, si in computo aberraverit, addiscendo aliam *Hypothesin*, quâ hæc miranda Phænomena explicet.

## V. *Experimentalis Historia* *Frigoris.*

Sub Prælo defudat *Novus Tractatus*, appellatus, *Novæ observationes & experimenta secundum Experimentalem Historiam Frigoris*, inceptus à Nobili Philosopho, M. Roberto Boyleo, & maximam partem jam absolutus; Nuper obligantissimè offerebat *Regiæ Societati* quædam Exemplaria, quousque fuerant impressa, desiderans socios aliquos occupari perlegendo libro, & seligendis ex eo, ad probationem, talium Experimentorum indigationibus, quæ *Author* ibi optat adhuc aut fieri aut continuari. Capita ejus sunt.

1. Experimenta circa Corpora, quæ possunt efficere ut alia congelent.

2. Experimenta & Observationes circa Corpora, quæ possunt Congelare.

3. Experimenta circa Corpora, quæ non possunt Congelare.

4. Experimenta & Observationes circa Gradus Frigoris in diversis Corporibus.

5. Experimenta circa Tendentiam Frigoris, Sursum vel Deorsum.

6. Experimenta & Observationes circa Præservationem & Destructionem Corporum (Ovorum, Pomorum & aliorum) Frigore.

7. Experimenta circa Expansionem Aquæ & Aquosorum Liqueurum per Congelationem.

8. Experimenta circa Contractionem Liqueurum Frigore.

9. Experimenta in Societate, circa Bullas, à quibus Levitas Glaciei supponitur procedere.

10. Experimenta circa mensuram Expansionis aut Contractionis Liqueurum Frigore.

11. Experimenta circa Expansivam Virtutem Aquæ Congelatæ.

12. Experimenta circa Novum modum æstimandi Expansivam virtutem Congelationis, & multum comprimendi aëra, sine Machinis.

13. Experimenta & Observationes circa sphaeram Activitatis Frigoris.



14. Experimenta circa diversa Medià, per  
æ Frigus possit diffundi.
15. Experimenta & Observationes circa  
laciem.
16. Experimenta & Observationes circa  
rationem Glaciei & Nivis, & destructio-  
em earum per aërem & quosdam liquores.
17. Considerationes & Experimenta circa  
*imum Frigidum..*
18. Experimenta & Observationes circa  
rigus & Temperamentum Aëris:
19. De mirandis Effectibus Frigoris.
20. Experimenta circa pondus Corporum  
ongelatorum & incongelatorum.
21. Promiscua Experimenta & Observa-  
ones circa Frigus. Hic Tractatus absolutus  
est brevi, & hoc citius absolutus fuisset, nisi  
atensissimum Frigus nuperum remora-  
um fuisset Prælum. Adjuncti erunt illi qui-  
dam Discursus ejusdem *Authoris*, circa No-  
va *Thermometrica Experimenta & Consilia*,  
ec non, Exercitatio de *Doctrinâ Antiperi-*  
*las*: in prioribus *primò* propositum est hoc  
*Paradoxum*, quod non tantum sensus nostri,  
ed & communia Thermoscopia, nos deci-  
dere possint circa determinationem Frigoris.  
Deinde, continentur in his, Novæ Observa-  
iones circa defectus Thermoscopiorum,  
inà cum quibusdam considerationibus circa  
Nova & *Hermetica* Thermoscopia. Tandem  
exponitur aliud *Paradoxum*, de causâ con-  
den-

denfationis Aëris, & Ascensionis Aquæ per frigus in communibus Thermoscopiis. Posterior pars hujus Operis continet Examen *Antiperistasis*, uti solet *doceri & probari*; quorum omnium plenior fortassis Relatio communicabitur quam primum.

## V I. *Relatio de Monstruosissimo Vitulo.*

**I**dem Nobilis vir nuper communicavit *Regia Societati* Relationem de monstruosissimo Foetu nato Limmingtoniæ in comitatu vulgò dicto *Hampshire*, ubi lanus Vaccam, postquam curâisset eam (quæ anno præterito pepererat Vitulum suum) tegi, ut cò citiùs pinguesceret, mactabat jam pinguem existentem, & aperiens matricem, quam admirandæ gravitatis comperiebat, videbat in eâ Vitulum, cui pili cœperant innasci; hujus tibix posteriores carebant juncturis, lingua erat, ut *Cerbero*, tripla, ab utraque parte Oris una, & una in medio: inter pedes anteriores & posteriores erat magnus Lapis, cui insidebat Vitulus: *Sternum*, aut illa pars pectoris, ubi sitæ sunt costæ, etiam lapis perfectus erat; & lapis, cui insidebat Vitulus, pendebat viginti libras & dimidiam; facies exterior lapidis erat colore viridi, sed parvis quibusdam partibus defractis, similis apparebat perfecto lapidi scëtili, dicto *Cano*. Lapis est, secundum Epistolam M. *Davidis Tho-*

*Comæ*, qui misit hanc Relationem M. Boyleo, nes Doctorem *Haughteyn Salisburiensem*: quem etiam illum pro pleniore Informatione remittit.

## II. De peculiari minera Plumbi in Germaniâ, ejusque usu.

Non ita pridem huc Curioso Medico ex Germaniâ trans mittebatur Catalogus quorundam mineralium & terrarum illius regionis, & *Hungariæ*, addito specimine angulorum: inter quæ erat species miræ Plumbi, majore præ omnibus aliis consideratione digna, propter suum singularem usum pro probationibus in Catino, eodè nulli alii metallo misceri velit. Repertur in *Palatinatu superiore*, in loco dicto *Reyung*, suntque ejus duo genera, quorum unum est species Lapidis ChrySTALLINI, & ferè omne bonum plumbum; aliud minus abundans plumbo, & magis farinarium. Secundum informationem, quæ simul missa est, non extrahuntur ex interioribus terræ, sed, quia Fodinæ ejus loci propter bella *Germanica* & diluvia aquarum longo tempore quievere otiosæ, homines illius loci acciunt ex illis, quæ progenitores eorum exposuerant, quæque longo tempore Aëri exposita fuerant. Cum verò usus ejus supra dictus sit magni esse momenti, postulatum fuit à viro,

viro, qui miserat, ut referret quantum illius mineræ haberi possit, si fortè occasio offerretur mittendi pro acquisitione ejus.

### VIII *De Hungarico quodam Bolo ejusdem virtutis cum Bolo Armenò.*

**I**dem etiam notum fecit, quòd præter *Bolum Armenum*, & *Terram Silesiacam*, reperiatur Terra in *Hungariâ*, circa Fluvium *Tockay*, inde dicta *Bolus Tockaviensis* non minoribus virtutibus *medicinalibus* pollens, quam priores duæ terræ, & propter suam bonitatem tantum hîc locorum per experientiam probatus, quantum per *Sennertum* ex *Cratone*.

### IX. *De Novâ Americanâ Balanarum Capturâ circa Bermudas.*

**N**unc sequitur Relatio aliquanto jucundior relationibus præcedentibus; de novâ *Balanarum Capturâ* in *India Occidentali* circa *Bermudas*, sicut ea fuit tradita à perito & audace Nautâ, qui affirmabat semet ipsum cooperatum esse capiendis & occidendis Balænis istis. Relatio ejus, in quantum memoriâ tenebatur hæc erat. Diu tentatum est, licet inutiliter, ut vinci tandem queant Balænæ istius Oceani, quarum piscatio propter

per furorem velocitatemque bestiarum plane singularem jam plane intermissa fuit. Verum non ita pridem incepta iterum est cum accessu, per tales viros selectos, & ad opus illud missos, quibus certum erat monstro marino non terreri. Cum itaque septies decies in altum ivissent, prope *Bermudas*, & duodecies arma sua præparassent, ceperunt tandem duas balænas foeminas vetulas, tresque balænas mares juniores.

Altera Balænarum foeminarum vetularum 88. pedes à capite usque ad caudam longa erat, cauda verò 23. pedes lata, pinnæ 6. & branchiæ tres pedes longæ erant. Alebat ea promissas barbas ab inferiore nasi parte usque ad umbilicum, circa extremum ventris posteriorum partium cristam habebat in ergo. In corporis internâ parte repleta erat lipe, succidiæ porcinae simili.

Altera 60. circiter pedes longa fuit. Balænarum verò mascularum una 33. pedes, quævis verò reliquarum duarum 25. aut 26. pedes circiter longa fuit.

Genus hoc piscium acutissimæ circa posteriora figuræ est, haud absimilis summitati cæti alicujus domus. Ad laterales capitis partes plurimi videntur tumores; tergum omnem nigrum apparet, venter verò albus.

Agilitatem & celeritatem horum piscium imperceptibilem dicit. Cum enim harpagonem

nem uni infixisset, ipsum abripuisse navem, ex quâ detentus fuit, ultra sex aut septem leucas trium horæ quadrantium tempore.

Læxæ hæ balænæ horrendum edunt clamorem, eisque omnes aliæ, quæ percipere possunt clamantem, accurrunt, seque in illo loco ubi moratur, sistunt, nemini verò quidquam damni interunt.

Aliquando quædam confixa est, quæ prout judicatum est 100. pedes longa fuit. Balænis quæ *Iubartes* appellantur maxime accedere creditur hoc piscium genus, Dentibus destituuntur planè. Gronlandicis Balænis longiores quidem sunt, sed minùs crassæ.

Herbis in fundo maris crescentibus nutriuntur, quod probatum est ex sectione sacci ipsarum magni, sive stomachi, in quorum aliquo duæ tresve corbes viridis herbidæque materiæ sunt inventæ.

Septem fere aut octo olei dolia ex balænis his grandioribus extrahi posse creditur, quanquam ex illis omnibus, quæ tum captæ fuerint, undecim saltem dolia fuerunt completa; quòd verò exinde accidit, quia gnarus ibi viator non adfuit, qui ligare benè & munire novisset dolia. Balænæ masculæ paucissimum habent olei, idque simile potius est Mucilagini, quàm oleo. Balænarum verò fœminarum vetularum oleum figitur perinde atque adeps suilla, & haud parum  
aptum

tum est ad alendam flammam. Quod ex  
pe educitur tam liquidum est, ac tenue  
que ferum, quod verò ex macie intra lar-  
m extrahitur, durefcit ut sebum, & cre-  
at accensum. Illud quod ex succidiâ con-  
solet, cum adipe porcinâ convenit.

Oleum hoc, uti quidem asserit, mira,  
tamen credibili præditum est virtute.  
m licet maximè ebulliat, manus tamen  
e uftione illi immergi potest. Medetur  
um vulneribus, aliisque plurimis malo-  
n generibus, si parti affectæ applicetur.

De illo, quod principio dictum est,  
ænarum piscationem à Martio mense  
nto initio, durare ad finem usque  
ji, interrogatus ubi reliquo temporis  
io commorentur, cùm in illo mari præ-  
illud tempus non offenderentur, respon-

Communem esse opinionem, conferre  
estias illas in antra herbida sinus Florida-  
cùm sit observatum, supra ipsarum  
nas caudasque multùm hæere materiæ  
osæ & glutinosæ, vel, Concharum ana-  
arum aut Bernicularum, in quibus  
cerent Zizania petrina, vel algæ aut  
marini, quin & inventas ibi esse testas  
adiiores ostreorum testis, quarum multæ  
niantur intra palos septi Præfecti Ber-  
larum, similes.

X. Narratio concernens successum  
*Horologiorum Pendulorum Ma-*  
*ri pro longitudinibus.*

**R**elatio non ita pridem communicata à *Navarcho Holmio* concernens successum *Horologiorum pendulorum Mari* (quorum duo curæ & observationi ejus in novissimo illius itinere *Guineensi*. à quibusdam nostrorum eminentium *Virtuosorum*, & magnis promotoribus navigationis, fuerant commissa,) se habet, ut sequitur.

Cùm dictus *Navarchus* oram illam reliquisset, & venisset ad insulam *S. Thomæ* sub *Æquatore*, comitatus quatuor navibus, præparatis ibidem Horologiis suis, altum petiit, & Occidentem versus cursum suum direxit ad septingentas aut octingentas Leucas, haud mutato cursu; postea, nactus ventum secundum, versus latera *Africæ* flante. Boreâ navigavit. Sed postquam navigasset super hac *Linea* circiter ducentas aut trecentas Leucas, gubernatores aliarum navium, sub ipsius directione, timentes ne aqua eos ante deficeret, quam dictam oram attigissent, proponebant ei, ut cursum dirigeret *Barbadas* versus, ut ibi de aquâ sibi prospicerent. Quo facto, dictus *Navarchus* convocans gubernatorem & nauceros, & curans produci  
 Dia-



Diaria & calculationes eorum, in quibus distare se juxta calculum suum alter 80 milliaribus, alter 100. alter verò 120. à Navarchi calculo offenderunt; sed Navarchus judicans per sua *Horologia pendula*, se tantum triginta Leucis, aut paulò amplius, distare ab insula del *Fuego*, quæ est una insularum *promontorii Hesperii*, & posse illuc pertinere die proximo, multumque fretus dictis Horologiis, constituebat cursum illuc dirigere, cumque illud in mandatis dedisset, cœpit proximo die circa Meridiem dicta insula *Fuego* apparere, compertumque fuit cursum rectà eò dirigi, & sic tandem à meridie eò perveniebant, ut dictum fuerat. Hæc Horologia primò inventa ab excellente Domino *Christiano Hugenio de Zulichem*, deinde adaptata usui Marino à maximè honorando Comite *Kincardinensi*, utrisque sociis *Collegii Regii*, nunc novâ additione ad mirandam perfectionem perducta sunt. Cùm dictus Dominus *Hugenius* benè instructus esset de successu experimenti, facti per Navarchum *Holmes*, scripsit Luteiam de hac re amico epistolam.

*Holmius Navarchus* utilitatem pendulorum globulorum, spem atque desiderium suum superantem, post reditum suum narravit. Non putassem sanè, primæ hujus constructionis horologia tam bene esse responsura eventui, ita ut spem potiore in  
nova

e semper convenire ea monstrarint. Quòd  
ad figuram novi mei horologii impri-  
ndam attinet, rem per aliquod tempo-  
intervallum differendam adhuc censui;  
odibit autem quamprimùm cum omni-  
s demonstrationibus suis & tractatu quo-  
m de globis pendulis, quem hisce diebus  
inscripsi, quique subtilissimâ speculatione  
nstat.

*XI. Character nuper editus ultra-  
re, Excellentis Viri, non ita pri-  
m defuncti Tolosæ, ubi fuit Par-  
menti Consiliarius: vel, Supremæ  
ria Senator.*

**M**erito suo celebris ille est *Dominus de  
Fermat*, qui fuit (inquit Author lite-  
rum) ex numero Excellentissimorum &  
gacissimorum virorum hujus seculi; *Inge-  
um* ejus adeò vastum, & tam amplæ ex-  
nionis, ut, nisi Doctissimi & Literatissi-  
i quique viri testimonia perhibuissent ex-  
ordinariorum ejus meritorum de studio  
crario, vix credibilia forent, quæ de eo  
rissimè dici possent, nisi quid detrahen-  
um esset ipsius laudibus. Commercio ei  
it constans literarum cum plurimis Illu-  
rissimis *Europæ* Mathematicis, ipse excel-  
it in omnibus partibus scientiæ Mathe-

maticæ : cujus rei Testimonium post se in Monumentis sequentium librorum reliquit.

Methodus Quadraturæ Parabolarum, quorumcunque graduum.

Liber de maximis & minimis, qui non tantum utilis est determinationi Problematum de *Planis* & *Solidis*, sed & inventioni *Tangentium*, & *Linearum Curvarum*, ut & *Centrorum* Gravitatis in *Solidis*; & similiter *Quæstionum*, *Numericorum* vel *Arithmeti-  
corum*.

Introductio ad Doctrinam *Planorum* & *Solidorum*, quæ est Tractatus *Analyticus*, concernens solutionem *Planorum* & *Solidorum*, quæ fuit in luce publicâ (ut Author affirmat) antequam Dominus *Cartesius* quicquam de hac materiâ edidisset.

Tractatus de *Contactibus Sphericis*, in quo ipse demonstravit in *Solidis*, quod Dominus *Vieta*, Magister libellorum supplicum, tantum demonstraverat in *Planis*.

Alius Tractatus, in quo stabilit & demonstrat ambos libros *Apollonii Pergæi*, de *Planis*.

Et Generalis Methodus dimetiendi *Lineas Curvas*, &c. Præterea, pollens perfectâ cognitione Antiquitatis, consultus fuit undique super difficultatibus in eâ emergentibus : explicavit magnam copiam Obscurorum locorum, in Antiquis repertorum, Nuper impressæ sunt quædam Observationes ejus in *Athenæum*; & ipse, qui interpre-  
tatus,

tatus, est *Benedictum Castellum*, de Mensurâ aquarum fluentium, inde excerptit quandam in suo opere super Epistolam Synesii, quæ tantæ difficultatis erat, ut Jesuita *Peta-vius*, qui Commentatus est super hunc auctorem, confessus fuerit, se eam non intelligere. Composuit etiam multas Observationes in *Theonem Smyrnæum*, aliosque veteres Scriptores: sed illarum plurimæ non reperiuntur nisi dispersæ in ejus Epistolis, nam non plura scripsit de hujus generis rebus, quàm quæ sufficerent desiderio amicorum suorum.

Omnia verò hæc Opera Mathematica, & cuncta hæc curiosa scrutinia Antiquitatis, non impediabant magnum hunc *Virtuosum*, quin magnâ assiduitate fungeretur muniis suis, officioque debito, tantâque promptitudine, ut in numero maximorum *Politiorum* hujus seculi haberetur.

Sed maximè plurimos in admirationem apit, quòd præter Virtutem Ingenii illam, quæ requirebatur ad sustentationem harum qualitaturn minimè vulgarium, jam memoratarum, tam polito & suavi genere dicendi et stilo polleret, ut cuderet versus *Latinos, Gallicos, & Hispanicos*, non minoris elegantie, quàm si vixisset temporibus *Augusti*, maximamque vitæ suæ partem trivisset in *illis Galliae & Hispaniae*.

Plura specialia de Operibus Viri hujus

Eminentissimi fortassis enarrabuntur, cum omnia, quæ edidit, fuerint recuperata, cumque ab Honorabili ejus filio fuerit concessa libertas communicandi orbi residua ejus scripta hætenus inedita.

A C T A  
PHILOSOPHICA.

*Die Luna, Aprilis 3. 1665. N. 2.*

Contenta.

- I. *Excerptum ex Epistola missa Româ, de nūpero Cometâ, & alio Novo.*  
 II. *Excerptum alia ex Epistola missæ Lutetiâ, continentis quasdam observationes in priorem Epistolam Romanam.* III. *Observatio concernens quædam specialia, ulterius consideranda in Monstro, cujus mentio facta fuit in primis horum Philosophicorum Actorum chartis.* IV. *Excerptum ex Epistola missa Venetiis, concernentis Mercurii Fodinas in Foro Julii.*  
 V. *Quædam observationes factæ in dispositione Bombycum.* VI. *Relatio*  
 M.

*J. Hookii Micrographiæ, aut Phyl-  
logicarum descriptionum Minuto-  
rum Corporum, inventarum ope  
telescopiorum.*

---

*Excerptum ex Epistola missa Româ,  
concernente nuperum Cometam,  
& alium Novum.*

Non possum satis mirari miram conve-  
nientiam conceptuum subtilis illius  
obilis Galli, Domini *Auzout*, in *Hypo-*  
*thesi* motus Cometæ, & meorum; & spe-  
cialiter consensum *Tabularum*. Eadem me-  
thodo, quâ inveni motum hujus Cometæ,  
facile reperi Principium *Ephimeridum* Au-  
ris illius, quod ipse tum non commodum  
dicavit declarari; estque hoc, quòd hic  
Cometa moveatur circa *Canem Majorem*,  
in tam magno Circulo, ut illa portio, quæ  
est descripta, minima sit respectu totius  
peripheriæ ejus, & vix à nobis discerni  
possit à lineâ rectâ.

Quod attinet ad Novum Cometam, cu-  
jus mentionem facis, vidi eum 11. *Februarii*,  
circa 24. gr. *Arietis*, Latitudinis Borealis  
4. gr. 40. min. Nubila tempestas nondum  
mihi permisit videre eum in *Andromedâ*,  
ubi alii se eum vidisse asserunt.

II. *Excerptum ex alia Epistola, missa Lutetiâ, continente quasdam observationes in partem præcedentis Epistolæ Romanæ.*

**Q**UOD concernit *Hypothesin Georgii* (re-  
ctius *Iohannis*) *Dominici Cassini*, de  
Motu *Cometæ* circa *Canem majorem* in Cir-  
culo, cujus Centrum est in lineâ rectâ  
ductâ à Terrâ per dictam stellam, aliàs  
appellatam *Sirium*. Credo brevi fore ut  
imprimatur, tanquam conceptus, in  
quem incidi discurrendo cum quodam  
Amico meo, qui sustinebat, moveri eum  
circa Centrum, quia *Perigeum* ejus fue-  
rit è regione *Canis Majoris*, veluti nota-  
veram in *Ephimeridibus* meis. Hoc speciale  
jam pridem declaravi multis familiari-  
bus meis, quorum aliqui vel alii certò mihi  
jus illud tribuent, ut id Orbi Prælo notum  
faciant. Addidi *Observationem*, quam non  
comperio factam à Domino *Cassino*, scil.  
quòd esset ratio sentiendi *Cometam* Anni  
1652. eundem esse cum moderno, conside-  
rato præter parem celeritatem motus ejus,  
*Perigeum* illius quoque fuisse è regione *Ca-  
nis Majoris*, nisi forte fallunt *Observa-  
tiones* de illo factæ. Verùm, ut absolvam,  
quòd fundamentum horum conceptuum ha-

ouerim, dicebam, quod si illæ essent ve-  
, Cometam necessariò absoluturum suam  
volutionem singulis 12. annis, plus mi-  
ns. Sed videns non constare ex Historiis,  
quòd Cometa fuerit visus secundùm hæc  
eterminata intervalla temporis, nec quòd  
regione *Perigei* omnium aliorum Come-  
arum, quorum speciales Observaciones  
unt monimentis proditæ, semper repertæ  
fuerint stellæ primæ Magnitudinis, aut aliæ  
tales, maximi momenti, ut taceam de aliis  
rationibus, quæ possent objici, non perse-  
quar hanc speculationem; sed potiùs sug-  
geram quod observavi in contemplationi-  
bus meis priorum Cometarum, nempe  
plures eorum intrare nostrum Systema  
juxta signum *Libræ*, & circa *Spicam Vir-*  
*ginis*, quàm juxta alias omnes partes Cœli.  
Nam & modernus Cometa, & multi  
alii memorati in Historiis, eâ viâ intrâ-  
runt, & consequenter exierunt per si-  
gnum *Arietis*, per quod etiam multi in-  
trarunt.

Confirmabam *Hypothesin* meam tantùm  
tribus Observationibus, scil. factis 22. 26.  
& 31. *Decembris*. Neque verò feci, ut qui-  
dam de me commenti sunt, qui potuerunt  
observare Cometam, 27. 28. 29. 30. & 31.  
*Decembris*, & videre diminutionem mo-  
tûs ejus, judicantes, me tantùm deter-  
minasse diminutionem illam pro tempore.



futuro , secundùm conformitatem incrementi ejus tempore præterito usque ad 29. Decembris. Nam 1. *Ianuarii* ( quo die composui *Ephimerides* meas ) non cognoscebam ( nec quisquam alius hîc loci ) motum Cometæ diminui ; sed è contrario plurimi credebant , non esse eundem Cometam. Sed Dominus *Cassinus* bene novit , illud non fuisse necessarium , cùm duabus portionibus *Tangentis* , *Angulisque* illis respondentibus , datis , facile sit invenire situm & magnitudinem Circuli illius. In ratione , quam veram censeo , diminutionis motus ejus in Longitudine , ejusque Retrogradationis , quam conjeci in *Ephemeridibus* meis , incipiebam confirmari 10. Febr. Nam usque ad sextum , Cometa semper progressus fuerat , ut Dominus *Cassinus* etiam optimè animadvertit : sed post illum diem reperi ejus Latitudinem continuè denuò augeri. Idque constanter observavi , usque ad *Martii* 8. in medio multarum stellarum , quas necesse est easdem esse cum iis quas memoravit Cassinus , quarum tanta erat copia , ut crediderim , me vidisse *Martii* 6. unâ *Aperturâ* Vitri mei , ultra 40. aut 50. & inprimis , supra caput *Arietis* ; sed non specialiter observavi situm plurium duodecim , aut quindecim ; quas inter observavi positionem Cometæ à die 28. *Ianuarii* , singulis diebus , cœlo permittente , scil. 29.

*Januarii*, 3. 6. 10. 17. 19. 24. 26. 27. *Februarii*, & 6. 7. 8. *Martii*. Reliqui cum *Martii* 8. in 18. cornu *Arietis*, potissimum in eadem latitudine; & facile crediderim, eclipsim passurum; quam optem me posse observare hac vespere, nisi jam facta esset.

Si Dominus *Cassinus* observavit his diebus, quod ego observavi, lætus inveniet conformitatem observationum nostrarum. Unicè addam, nos *Februarii* 3. fuisse admittione correptos; cum videremus denuò cometam illum, & quidem multo lucidorem solito, & spectabili caudâ. Quam credebant, eum rursus nobis appropinquare. Sed cum eum observassem *Telescopio*, statim dicebam, ei esse adjunctas duas parvas stellas, quarum altera egregiè lucida erat, & à me jam visâ fuerat 28. & 29. *Februarii*. Et hæc conjunctio tribueat *Cometæ* splendorem illum, sicut solet evenire in omnibus ferè stellis quintæ & sextæ magnitudinis, si duæ, aut tres vel plures fuerint conjunctæ, & fortè eo modo angulæ debili saltem lumine apparerent, nisi propinquitas illarum mutua faceret, eas videri quasi unam stellam. Inde factum, ut amicis meis hîc promitterem, sequenti-  
bus diebus, non tam lucidum appariturum cometam, quoniam noveram, nullas in illâ occurrere parvas, & ita radiantes

stellas , quâ progressurum per priores Obser-  
vationes meas conjeceram,

III. *Observatio communicata No-  
bili M. Boyle , à M. Davide Tho-  
mâ , concernens quædam specialia ,  
ulteriùs considerata in Monstro , cu-  
jus mentio facta in primis horum  
Actorum Philosophicorum Char-  
tis.*

**A** Ccuratissimâ inquisitione factâ, didici  
ex quodam, qui viderat Monstruosum  
Vitulum & lapidem, intra quatuor horas,  
post ejus exsectionem ex ventre Vaccæ; Pe-  
ctus Vituli non fuisse lapidem (ut scripse-  
ram) sed cutem Pectoris, & eam quæ in-  
terjacet pedibus, ut & Cervicis (quæ par-  
tes sitæ sunt ad minorem extremitatem la-  
pidis) plurimùm crassiorem fuisse, quàm  
in aliâ quacunque parte, & pedes Vituli  
ita fuisse fissos, ut non dissimiles unguum  
caninorum viderentur. Postea ipse vidi la-  
pidem; major est alia ejus extremitas aliâ;  
superficies est inæqualis & impleta parvis  
Cavitatibus. Lapis confractus plenus est  
parvis silicibus figuræ Ovalis: color ejus est  
fuscus sicut lapidis sectilis, sed distinctus  
venis flavis & nigris. Precibus pro te obti-  
nui

ui à D. Haughten particulam ejus, quam  
nisi Oxonium, quò exactior Relatio mit-  
etur à dicto Viro.

IV. *Excerptum ex Epistola nu-  
per missa Venetiis, per Eruditum  
Doctorem Gualterum Pope, ad Re-  
verendum Diaconum Ripponensem,  
Doctorem Johannem Wilkins, con-  
cernente Mercurii Fodinas in Foro  
Julii; & modum producendi Ventum  
per delapsum Aquæ.*

**M***ercurii fodinæ in Foro Julii, Territo-  
rio jurisdictionis Veneta, absunt cir-  
citer sesquidiei iter Goritiâ Septentrio-  
nem versus, in loco dicto Idria, sito  
in Valle Alpium Iuliarum. Fuerunt, ut  
accepi, abhinc 160. annos in possessione  
Imperatoris, omnesque Incolæ loquun-  
tur Sclavonicè. Cùm eò tenderemus, pro-  
ficiscebamur aliquot horas in Silvâ, quâ  
meliolem nec ante nec post id temporis vi-  
di, refertissima Abietibus, Quercubus, &  
Betulis, non vulgaris crassitie, rectitudi-  
nis, & altitudinis. Urbs ipsa est structa  
more in Alpibus usitato, tota ex ligno,  
Templo excepto, aliâque domo, in quâ  
inspector habitat. Cùm essem ibi, præte-*

rito *Augusto*, tam Vallis, quàm Montana, ex quibuseffoditur *Mercurius*; frondescente viriditate, non secus ac medio vere, ridebant, quòd ibi attribuitur humori *Mercurii*; quàm rectè, non disputo. Fodina illa, quam intrabamus, omnium optima & maxima foecunditate, dedicata erat S. *Barbaræ*, ut aliæ Fodinæ aliis Sanctis, profunditas ejus erat 125. passuum, singulos autem passus illius Regionis audivimus excedere quinque nostræ Regionis pedes. Duplex datur descensus; brevior perpendicularis via est, quâ Minerale magnis situlis protrahitur, & quâ sæpè operariorum aliqui ascendunt & descendunt: Alia via magis trita, principio non est difficilis, ceu parum declivis; maxima difficultas est, quòd in quibusdam locis non possumus erecti stare: sed illud non diu durat, antequam perveniatur ad verum descensum per scalas perpendiculares, super quibus pondus corporis alicujus est maximè sensibile. Ad extremitatem cujusvis scalæ sunt asseres in crucem positi, ubi liceat paululum respirare. Scalæ, ut diximus, erant perpendiculares, sed si concipiuntur esse productæ, non unam utique constituunt scalam, sed diversas parallelas. In fundo ipso nihil novi videbamus, præter locum unde Minerale proveniebat. Tota via descensus, & fundus, ubi sunt in Montanis quidam viculi excisi, crant  
mu-

munita vel subducta & fulta magnis segmen-  
tis abiegnis, quæ arctissimè & densissimè  
erant adaptata vel conjuncta. Effodiunt mi-  
nerale vel fossile sarculis, persequentes ve-  
nas, quod ut plurimum durum est veluti  
lapis, sed ponderosius; colore fulvo, vel  
quo est *Crocus Metallorum*. Spero me tibi  
brevis quædam monstraturum. Est etiam ibi  
quædam mollior terra, in quâ perfectè vi-  
dentur parvæ particulæ *Mercurii* purissimi.  
Præterea in his fodinis sæpe reperiuntur la-  
pides rotundi, quasi filices, diversæ magni-  
tudinis, simillimi his globis pilosis, quos  
non rarò in *Angliâ* vidi eximi ex boum ven-  
tribus. Sunt etiam ibi diversæ *Marchasitæ* &  
lapides, qui videntur continere maculas au-  
reas; sed experimento factò dicunt nihil  
auri in iis reperiri. Horum rotundorum la-  
pidum quidam sunt ponderosissimi, & be-  
nè prægnantes *Mercurio*; alii leviores, pa-  
rum aut nihil ejus continent. Modus ac-  
quirendi *Mercurium*, talis est: Accipiunt  
Terram extractam situlis, eamque impo-  
nunt Cribro, cujus rete est contextum filis  
æneis, ea distantia, ut Spacium interme-  
dium digitum recipere valeat: Defertur  
deinde Terra ad Fluvium aquæ fluentis, &  
tam diu lavatur donec nulla materia per Cri-  
brum transeat. Terra illa, quæ non transiit,  
seponitur in peculiarem Cumulum; quæ  
verò transiit, continetur in Cavitate, G. in  
Fig.

Fig. 1. & eximitur per Virum adiutorem, & sic porrò proceditur in opere, circiter per decem aut duodecim cribra proportionaliter arctiora. Sæpè autem accidit ut in primæ cav-  
 itatis, unde Vir adjutor Terram suam exi-  
 mit, fundo sit *Mercurius*; sed remotiorem ex-  
 tremitatem versùs, ubi intervalla filorum sunt  
 arctiora, reperitur in maximâ proportionē.  
 Terra seposita tunditur, eademque operatio  
 repetitur. Paucum illud tenuis Terræ, postea  
 remanens; & ex quo ampliùs non possunt  
 eluere *Mercurium*, imponitur Retortis ferreis,  
 & obthuramento detinetur, ne cadat in Re-  
 cipientes luto adstrictos. Ita ignis violentia  
 compellit *Mercurium* in Recipientes. Officia-  
 rius vel Inspector dislutabat eorum quosdam,  
 ut nobis rationem ostenderet; In singulis  
 observavi primò effusum perfectum flui-  
 dumque *Mercurium*, eique successisse nigrum  
 pulverem, qui aquâ humectatus, se ipsum  
*Mercurium* prodebat, alteri similem. Porrò  
*caput mortuum* rursus contundunt, & reite-  
 rant operationem, idque tamdiu donec nihil  
*Mercurii* ampliùs ex eo extrahere possunt.

Hic est modus producendi *Mercurium*, di-  
 ctum *Vulgarem*, quem excedit ille qui acqui-  
 situs est dilutione, in maxima proportionē,  
 uti percipies ex relatione subjunctâ. Omnis  
*Mercurius* acquisitus sine ope ignis, sive dilu-  
 tione; sive inventionē in Fodinis (nam in fo-  
 dendo, quædam particulæ concurrunt, sic ut  
 in quibusdam locis possis excipere duo triave  
 coch-

cochlearia plena puri *Mercurii*) ab eis appellatur *Mercurius Virgineus*, & præ illo magni æstimatur. Quæsiui ex Offic. quâ virtute præ alio polleret; ipse verò narrabat quòd, si fiat *Amalgama* ex Auro & *Mercurio Virgineo*, & imponatur igni, *Mercurium* istum secum ablaturû omne aurum, quod *Mercurius Vulgaris* non faciat.

Machinæ, quibus utuntur in his Fodinis, sunt miræ; Rotis illis alias majores per vitam meam non vidi; quilibet facilè secum rationem inire poterit, quanta moles tantæ materiæ sit sufficiens: omnia moventur impetu aquæ, eò derivatæ per Aquæductum non magnorum sumptuum, ex Monte, tria milliaria inde distante: aqua exantlata ex fundo Fodinæ 52. antliis, à quâvis parte 26. disposita est ad movēdas alias rotas, pro aliis diversis institutis.

Operarii laborant pro *Fulio* (moneta Italica, non excedens pretium 6. aut 7. denariorum Anglicorum, vulgò dictorum *Pence*,) integrum diem, sed non diu perseverant; nam quanquam nemo illorum maneat in fodinâ ultra sex horas; omnes tamen brevi (alii tamen seriùs, alii citiùs) fiunt *paralytici*, & moriuntur *hectici*. Vidimus ibi Virum, qui spacium saltem semestre fuerat addictus fodinis, tam plenum *Mercurio*, ut si imponeret frustum *Æris* in os suum, aut fricaret digitis suis, extemplo illud redderet album instar argenti, quasi cum ipso *Mercurio* fricatum fuisset. Erat præterea adeò paralyticus, ut non posset ambabus manibus suis vitrû, ad medietatem



Vino plenum, admoveere ori suo, sine profusione. quanquam Vinum carius habebat, quàm ut effundendum judicaret.

Postea didici etiam, quòd qui *Venetis* operantur in superficie aversâ speculorum illinendâ, maximè sint obnoxii *Apoplexiæ*. Non observabam eos habere dentes nigros; quare forsitan immeritò incusamus *Mercurium* corruptionis dentium, cùm præscribitur in morbis *Venereis*. Confiteor mihi istud non in mentem venisse, cùm essem in loco, attamen, cùm nigri dentes rarissimi sint in illa regione, arbitror me non potuisse non observare illud, si ipsorum dentes nigri fuerant.

Utuntur maximâ copiâ Ligni, in faciendis & reparandis Machinis, & in Fornacibus (quarum sunt 16. singulæ habentes 24. Retortas:) sed præsertim in Fodinis, quæ continuâ reparatione opus habent, cùm Abietes non diu durent sub terrâ. Modo sequente adducunt ligna sua: In loco quatuor circiter milliaria distante à Fodinis, ex lateribus duorum montium, arbores cædunt, easque deducunt in interjacentem vallem, altiùs in dictâ valle, sic ut arbores, secundùm delapsum aquæ sitæ sint eum inter & *Idriam*: magno sumptu & copiâ ligni faciunt Aggerem, qui prohibeat omnem aquæ transitum; postea expectant, donec satis sit aquæ, ut ejus impetu deducantur arbo-

arbores *Idriam*; nam, si non adfit fons, (cùm tamen communiter adfit,) pluvia, aut nix liquefacta tantum aquæ producent brevi tempore, ut possit fieri exundatio supra aggerem, quæ (foraminibus meatoriiis apertis) impetu magno omnes Arbores *Idriam* abducit, ubi pons est firmissimè constructus, & ad angulos obliquissimos oppositus fluxui aquæ, ut ibi detineantur, & ejiciantur in littus prope Fodinas.

Hæ Fodinæ constabant antehac *Imperatorii* 70000. aut 80000. *Florenis* in singulos annos, & minus *Mercurii* præbebant, quàm nunc, licèt ei tantùm 28000. *Florenis* nunc constant. Poteris videre, quantum sua Imperatoria Majestas accipiat ex sequentibus computationibus, ejus *Mercurii*, quem Fodinæ *Idriæ* præbuere tribus ultimis annis.

1661.	libras.
Vulgaris <i>Mercurii</i> .	198481.
Virginei <i>Mercurii</i> .	6194.
	<hr/>
	204675.
1662.	libras.
Vulgaris <i>Mercurii</i> .	225066.
Virginei <i>Mercurii</i> .	9612.
	<hr/>
	234678.
1663.	libras.
Vulgaris <i>Mercurii</i> .	244119.
Virginei <i>Mercurii</i> .	11862.
	<hr/>
	255981.
	Sem-

Semper operantur 280. Viri, secundum relationem quam accepi ab humanissimo Viro, qui me etiam instruebat omnibus aliis particularibus, quorum supra mentio facta: nomen illi erat *Achatio Kappenjagger*; Officium, *Contra-scrivano per sua Maestà Cesarea in Idria del Mercurio*.


Ad maiorem Illustrationem, accipe hoc Diagramma: *A.* est aqua, *C. B.* Vas, in quod delabitur. *DG. EH. FI.* sunt rivi continuè effluentes ex vase isto; *D. E. F.* tria cribra, quorum filorum in fundo distantia proportionaliter diminuitur, *G.* est locus, in quo terra, quæ transit per cribrum *D.* detinetur; unde excipitur à Viro adjutore; & quæ transit per cribrum *E.* detinetur in *H.* & sic de cæteris. *K.L.M.* aqua sordida, quæ in tantum imprægnata est *Mercurio*, ut medeatur pruriti scabiei, & sordidis Ulceribus. Vide Fig. 1.

Paulò ampliùs tibi molestus ero, describendo modum sufflandi ignem in *Officinis Æris Tiburtinis* prope *Romam*, (cùm mihi novus videatur,) ubi aqua sufflat ignem, non movendo folles, (quod vulgare est) sed procreando ventum. Vide Fig. II. Ubi *A.* est Fluvius, *B.* ejus delapsus, *C.* vas, vel cupa in quam illabitur, *LG.* tubulus vel canalis, *G.* orificium Tubuli, aut nasus Follium, *GK.* Focus, *E.* foramen in Tubulo, *F.* operculum, vel obthuramentum istius foraminis, *D.* locus subterraneus, per quem aqua diffluit. Obthurato foramine.









*fig. II.*

p. 42. 43.







ne *E.* continuus validus ventus procedit per *G.* & *G.* obthurato, ventus tam vehementer exit per *E.* ut credam posse Globum in altum impellere, sicut accidit in *Tusculano Frescati.*

*V. Excerptum ex Epistola, continente quasdam observationes, factas in dispositione Bombycum, communicatum per celebrem Virtuosum, M. Dudley Palmer, ab ingenioso M. Edwardo Digges.*

**H**isce offero vestræ Societati parvam portionem Serici mei *Virginienſis*. Quæ observavi contra receptam opinionem in dispositione Bombycum, hæc sunt.

1. Conservavi folia 24. horas post eorum collectionem, & superfudi iis aquam, quominus marcescerent; attamen cum (sine abstersione foliorum) nutreirem Bombyces, observavi, illa nil minus præstare recens collectis.

2. Nunquam observavi, odorem *Tabaci*, aut odores calidos, aliquâ ratione lædere Bombycem.

3. Nostra Regio *Virginie* maximè obnoxia est tonitru: & quidem excessivè tonuit, cum haberem vermes omnium generum, quasdam non pridem exclusas; quasdam in medio nutritionis; quasdam verò jam nentes sericum; verùm ne ullam quidem earum comperi tonitru motam, deserere negotium suum, sed nihilominus persequi agenda sua, quasi nihil tale accideret.

4. Feci

4. Feci varios fundos ex virgulis (in queis centenæ vermes fila trahebant) rusci silvestris; & tantum abest, ut offenderentur aculeis istarum, ut etiam ex ipsis illis aculeis primò coeperint facere fundos suos.

Speraveram insimul vos certos reddere, quòd retardatione excubationis ovorum, duo acervi ferici plures possint absolvi unâ Æstate; sed ministri mei fuere negligentes mandatorum meorum, quare cogor patientiam vestram implorare, usque in annum futurum.

**VI. Relatio Micrographiæ, aut Physiologicarum Descriptionum Minutorum corporum, inventarum ope Telescopiorum.**

**I**ngeniosus & Doctissimus Author hujus tractatus M. Robertus Hook, secum considerans, quanti momenti sit fidelis *Historia Naturæ* ad stabiliendum solidum Systema *Philosophiæ Naturalis*, & quâ prærogativâ gaudet *Experimentalis & Mechanica* scientia supra *Philosophiam discursivam & disputatoriam*, & secundum hæc principia, omni studio constantique curâ & diligentia annitens in vastum illum Thesaurum congerere quamcunque possit portionem, nuper edidit specimen eruditionis suæ in hoc genere studii,

studii, quod profectò acceptissimum est Literato & Curioso Orbi, tam quoad *Novas detectiones in Naturâ*, quam *Novas inventiones Artis*.

Quod attinet ad priores, Attentus Lector libri hujus comperiet, quòd cùm vix sit res quædam in tantum parva, ut ope *Microscopiorum*, effugiat inquisitionem nostram, his mediis novus visibilis Mundus detegatur, & Tellus nobis ostendat rem omnino novam, ita ut in quibusvis *minimis particulis* materiæ ejus, nunc observare liceat fere tantam varietatem creaturarum, quantam poteramus antehac enarrare in *Universo* ipso. Hic Author noster illud minimè improbabile præstat, quin potius ostendit, his auxiliis subtilitatem compositionis Corporum, constructionem, vel compagem partium eorum, varium contextum materiæ eorundem, instrumenta & modum motionum illorum intrinsecarum, & omnia alia rerum phænomena posse plenius detegi; unde emergere queant multa miranda commoda pro amplificatione *Præticæ & Mechanicæ* partis scientiæ, quia fortassis apti efficiamur discernendis secretis operationibus *Naturæ*, ferè eodem modo, quo distinguimus productiones *Artis*, quæ diriguntur *Rotis*, & *Machinis*, & *pennis resultantibus*, humano intellectu inventis. Eo fine, curiosissimè inspexit omnia corporum genera,

ra, initio facto ab *Acumine acus*, & procedendo ad *Microscopicam* inspectionem *Aciei Novacularum*, subtilissimæ telæ, *Holoferici*, undulati *Serici*, *Vitreorum Siphonum*, *Vitri lachrymarum*, *Scintillarum ignis*, *Phantasticorum Colorum*; *Metallicorum Collorum*, *Figurarum Arenæ*, *Calculosæ arenæ in Urinâ*, *ChrySTALLINORUM* aut *Adamantinorum Corporum* in *silicibus*, *Figurarum congelatarum*, *Lapidis Ketteringensis*, *Carbonum*, *Ligni aliorumque corporum petrifactorum*, *Pororum Suberis*, aliorumque *Subjectorum*, *Vegetabilium crescentium in foliis marcidis*, *Situs & Fungorum*, *Spongiarum*, aliorumque *fibrosorum Corporum*, *Algæ marinæ*, *superficierum quorundam*, *foliorum*, *pungentium spiculorum Urticæ*, *Phaseoli siliquæ hirsuta Surattensis*, *Aristarum bromi sterilis*, *speculi veneris*, ut & *thymi*, *papaveris*, *portulacæ*. Pergit describendo *Cri-nes*, *Squammas Piscis vulgò Solea dicti*, *aculeum Apis*, *pennas vel plumas in generali*, & specialiter *Pavonum*; *pedes muscarum*; aliorumque *Insectorum*; *alas & caput pulicis*; *dentes limacis*; *ova Bombycum*; *muscam cœruleam*; *insectum aquatile*; *Culicem cirratum* vel *verriculicornutum*, *Tineam argenteam*, vel *albam Phalanam*; *Opilionem*; *Araneum venatorem*; *Formicam*; *Errantem teredinem*; *insectum Cancris simile*, *Tineas* vel *Blattas*, *Pulicem*, *Pediculum*, *Teredines* vel *Midas*, *Acaros Vini*. Concludit acci-

accipiendo occasionem discurrendi de duabus tribusve consideratu dignissimis rebus ; scilic. De Inflexione Radiorum Lucis in Aëre ; de Stellis fixis ; & de Lunâ.

Repræsentando hæc particularia Lectorum oculis , Autor non tantum probavit singularem suam scientiam delineandi omnium generum corpora , ( cùm ipse propriâ manu depinxerit omnia Schemata horum 60. Microscopicorum objectorum ) & extraordinariam suam curam exactissimè sculpendi ea per artis illius peritos ; sed etiam suggessit diversis suis considerationibus super illis objectis factis, tales conjecturas, quæ dubio procul possint excitare & animare Philosophica capita , ad nobilissimas contemplationes. Hic sunt quæstiones de *Propagatione Lucis* per diversa media ; de *Gravitate* , de *Rotunditate Fructuum* , *Lapidum* , diversorumque corporum artificiarum ; de *Ebullitione* & *Tenacitate* ; de *Origine Fontium* ; de *Dissolutione Corporum in Liquores* ; de *Filtratione* , & ascensu Succorum in Vegetabilibus, usque *Pororum* eorum. Hic tentamen factum est solvendi mira *Phænomena Lachrymarum Vitri* ; Experimenta allegantur ad probandam *Expansionem Vitri* per calorem, & *Contractionem Vitri* calefacti per Frigus ; *Cartesii Hypothesis de Coloribus* examinatur : *causa Colorum*. Authori verissimillima

millima explicatur: Producentur rationes, *Reflectionem* non esse necessariam ad productionem *Colorum*, nec *duplicem Refractionem*: quædam memoratu dignæ *Hypotheses* offeruntur, pro explicatione Lucis per motum; pro productione omnium *Colorum* per *Refractionem*: pro reductione omnium colorum ad duos tantum, *Flavum* & *Cæruleum*; pro faciendo *Aërem* dissolvere omnia *Combustibilia Corpora*: & pro explicatione omnium figurarum regularium *Salis*, ubi allegat varia observatu digna exempla Mathematicarum rerum Naturæ, quæ etiam in rebus, quas nos habemus pro vilibus, rudibus, & vulgaribus, ostendit plurima admiranda, ut & excellentem *Geometriam* & *Mechanismum*. Et hic januam plurimarum quæstionum aperit, proponitque modos prosequendi eas, 1. Faciendo plenariam collectionem omnium diversorum generum Geometricè figuratorum Corporum: 2. Faciendo insimul exactam Historiam locorum illorum, ubi generentur vel reperiantur. 3. Faciendo plurima Experimenta Dissolvendi & Coagulandi diversa Crystallina Salia: 4. Faciendo Experimenta in Metallis, Mineralibus & Lapidibus, dissolutione eorum in varia *Menstrua*, & Crystallizatione eorum, ad observandum, quales Figure ex his diversis compositis producantur: 5. Componendo & coagulando diversa

verſa Salia in unam Maſſam, ad obſervandam Figuram Producti. 6. Inquirendo raritatem texturæ horum corporum, examinando pondus, refractionemque, &c. eorum. 7. Examinando quam operationem ignis exerceat in diverſa genera ſalium, quas mutationes inducat in figuris eorum, texturis, aut virtutibus. 8. Examinando modum diſſolutionis eorum, aut actionem in corpora per ea diſſolubilia; & texturam horum corporum ante & poſt proceſſum. 9. Conſiderando, quibus vel quot mediis, tales figuræ, actiones & effectus poſſint produci, & quodnam eorum ſit maximè probabile, &c.

Pergit offerendo ſuas meditationes ſuper Poris corporum, & *Specie Valvarum* in ligno; ſuper ſpontaneâ generatione quæ procedit ex Putrefactione corporum; ſuper naturâ Vegetationis terræ, Fungorum, Muſci, Spongiarum; quarum ſimile corpus in textura vix invenit. Addit, ex Naturali perfectione, quæ eſt in folio Urticæ, quomodo dolor ex pungendo oriatur, & inde capit anſam diſcurriendi de venenatis ſagittis efficiendis. Subjungit curioſam deſcriptionem figuræ, *Mechaniſmi* & uſus *aculei Apis*; & oſtendit admirandam Providentiam Naturæ in elaborandis & fabricandis *Pennis* pro Volaturâ. Expromit hæc particularia circa Figuram, partes & uſum capitis, pedum,



& alarum muscæ, quæ non sunt communia. Observat varios modos generationis Insectorum, & differit aptè de mediis, quibus videantur tam prudenter agere. Observat *Mechanicam* rationem Fabricæ *Araneæ*, & egregias facit animadversiones in *Ara-neum Venatorem*, aliosque *Araneos*, & telas eorum. Et quæ notat de Pulice, *Pediculo*, *Teredinibus* vel *Midis*, & *Acaris aceti*, non possunt non maximè arridere curioso Lectori.

Absolutis his Rebus, Autor offert meditationes suas in explicandis multis *Phænomenis* Aëris, ex *Inflexione*, aut *Multiplicatâ Refractione* radiorum Lucis in corpore *Atmosphæræ*, & non ex *Refractione* productâ per quandam supra terminatam *superficiem* Aëris, nec ex quâdam tali accuratè definitâ *superficie* in corpore *Atmosphæræ*: quam conclusionem confirmat eo, quòd *medium*, cujus partes sunt inæqualiter *spissæ*, & moventur variis motibus & mutuis transpositionibus, producere possit omnes has visibiles operationes in radios Lucis, sine ullâ aliâ *coëfficiente* causâ; tum etiam, quòd in Aëre aut *Atmosphærâ*, sit tanta varietas in ejus partibus constitutivis, tam quoad earum *spissitatem* & *raritatem*, quàm quoad earundem diversas mutationes & mutuos positus.

Concludit duabus *Cælestibus observationibus*;

*bus*; quarum *altera* refert, quanta multitudo Stellarum poſſit detegi *Teſcopio*, quæque ſit varietas magnitudinum earum: ſimul ſignificans, quòd, quò longiora ſint *Teſcopia*, quoque majores aperturas poſſint ſufferre, eo aptiora ſint hiſ detectionibus: *altera* expromit deſcriptionem *Vallis* cujuſdam in *Lunâ*, quæ comparatur cum eâ quæ prodiit autore *Hevelio* & *Ricciolo*; ubi Lector inveniet diverſas curioſas & gratas Annotationes, circa puteos *Lunæ*, & Montes Occultationeſque ejuſdem; ut & circa variationes in *Lunâ*, ejuſque principium *Gravitatis*, unâ cum uſu, qui poſſit fieri ex hoc exemplo gravitatis in *Lunâ*.

Quod attinet ad *Inventiones Artis*, deſcriptas in hoc libro, Lector curioſus in eo ſequentia reperiet.

1. *Baroſcopium*, aut inſtrumentum, ad oſtendendum omnes Minutas variationes *Preſſionis Aëris*: quo aſſerit ſe inveniſſe, ante & in ipſo tempore pluvioſo *Preſſionem Aëris* eſſe minorem; ſed tempeſtate ſiccâ, præſertim Vento *ab Oriente* flante (qui poſtquam pervagatus eſt vaſtos regionis tractus, terrenis particulis gravis eſt) multò majorem eſſe, quanquam hæ mutationes variæ ſunt ſecundum maximè inæquales Leges.

2. *Hygroſcopium*, vel inſtrumentum, quo vapores aquei, in aëre volatiles, diſcernuntur, quos Naſus ipſe non poteſt ſentire.

Quod ab eo plenariè describitur in operatione circa *aristam avena silvestris*, per media, quibus hoc instrumentum est elaboratum.

3. Instrumentum pro graduandis *Thermometris*, ut sint *Signa Caloris & Frigoris*.

4. *Nova Machina* pro conficiendis *Telescopiis*, cujus ope sperat, quascunque Sphæricas Lentes, cujuscunque longitudinis, posse cito confici: quod ipsi videtur facillimum, quia, si succedat, uno eodemque Instrumento possit confici *Lens Objectiva*, cujuscunque longitudinis aut latitudinis requisitæ, idque vel nullâ vel parvâ molestiâ aptandi *Machinam*, & sine magnâ cognitione vel peritiâ *Artificis*. Putat *Machinam* illam accuratissimam esse, quia ipso ultimo ictu lentem dirigat & rectificet *Instrumentum* ad ejus exactam Figuram: & quò longiùs aut ampliùs *Instrumentum* simul cum *Lente* elaboratur, eò accuratius utrumque erit ad Figuram requisitam. Porro asserit, motus *Lentis* & *Instrumenti* ita se mutuo interfecare, ut in neutrius superficie sit vel ullum punctum, quòd non habeat vel mille intersectiones transversas, sic ut nulla species *annuli* vel *canalis* possit confici, sive in *Instrumento*, sive in *Viro*.

5. *Novum Instrumentum*, quo *Refractio* omnium generum liquorum possit exacte mensurari, & eo ipso curiosis dari occasio fa-

faciendi ejus generis Experimenta, ad confirmandas *Leges Refractionis*, scilicet, utrum *Sinus Angulorum Refractionis sint respectivè proportionales ad Sinus Angulorum Incidentiæ*: cùm hoc Instrumentum sit aptissimum ut exactissime, & parvâ molestiâ, & in parvis quantitibus examinetur *Refraction* cujusunque Liquoris, non tantùm pro *unâ* inclinatione, sed pro *omnibus*; super quâ re possint confici accuratæ *Tabulæ*. Ejus etiam ope ait se verum comperisse, quòd, quam *proportionem* habeat *Sinus Anguli unius Inclinationis ad Sinum Anguli suæ Refractionis*, sibi respondentis, eandem proportionem habeant omnes alii *Sinus Inclinationis ad suos respectivè Sinus Refractionum*.

Tandem, hic Author non desperat, quin possint reperiri variæ *Mechanicæ inventiones*, ad excolendum sensus nostros *Auditus*, *Olfactus*, *Gustus*, *Tactus*, non secus atque excoluimus sensum *Visus* per *Telescopia*.

A C T A  
PHILOSOPHICA.*Die Luna, Maji 8. 1665. N. 3.*

## Contenta.

I. *Quædam Observationes & Experimenta circa Rorem Maji.* II. *Motus secundi Cometæ prædictus, per eundem qui prædixerat Motum prioris.* III. *Relatio de Consilio cujusdam Nobilis Galli, concernente Conjunctionem Oceani & Maris Mediterranei.* IV. *De modo occidendi serpentes sonoros, usitato in Virginia.* V. *Relatio de Hominibus interceptis per Vapores Subterraneos.* VI. *De Minerali Leodiensi, & Sulphur, & Vitriolum producente, & de modo illa inde extrahendi, usitato Leodii.* VII. *Relatio de M. Boyle Experimentalis Historiâ Frigoris.*

I. *Quæ-*

# I. *Quadam observationes & Experimenta circa Rorem Maji.*

**I**ngeniosus ille & curiosus Dominus *Thomas Henshaw* Eques, cùm multum *Roris Maji* ipsi impendendum esset, diversis fortuitis tentaminibus super eâ re, fecit sequentes observationes & experimenta, eademque obtulit *Societati Regiæ*.

Quòd ros recens collectus & colatus per linteum purum, sit subflavo colore, non multum differente à colore *Urinæ*, licet non sit purissimus.

Quòd tentata *Roris* hujus *Maji* putrefactio per immissionem variâ proportionem in plures alembicos cæcos, & collocationem in loca gradibus caloris differentia in finetum v. g. & balneum, voto tamen nunquam responderit; quoniam calor utut moderatus, clarum potius reddidit ipsum, eidemque servavit dulcedinem, vel duos continuos menses, cum putrefacere aut quandam partium separationem inducere eidem debuisset.

Quòd expositus soli per totam etiam æstatem in vitris (NB. vasis siccilibus, legit *Autor Ephim. Gall. 11. Jan. 1666.*) capientibus circiter duas mensuras, (Anglicè dictis *Gallons*) angustis orificiis, quæ possint obthurari subere, unica memoratu digna alteratio, quam

in eo accidere observarat, esset, quòd cumulus ille Viridis pulveris (qualis videri possit Æstate in fossis aut aquis stagnantibus) nataret in superficie, & quibusdam in locis adhæreret lateribus Vitri.

Quòd cùm infusæ essent in dimidium labrum ligneum quatuor aut quinque ejus mensuræ, (dictæ Gallons,) & opertæ telâ crassiore, ut tutæ essent à pulvere & insectis, cumque detentæ fuissent in quodam loco umbroso tres septimanas aut mensem unum; ros à se ipso putrescebat, & mirè foetebat, deseditque in fundo nigrum sedimentum cœni instar.

Quòd, cùm sæpè vidisset, quales Alterationes acciderent in putrefactione, observavit in principio, spacio viginti quatuor horarum, limosam pelliculam natari in superficie aquæ, eaque post aliquantum temporis delapsa in fundum, aliam similem pelliculam succedere.

Quòd, si Ros ponatur in longum & angustum Vas vitreum, cujusmodi ante fuerant usurpata pro Recipientibus in distillatione *Aquæ Fortis*, limus emerfurus sit ad tantam altitudinem, ut possit cochleari excipi; & quòd, cum imposuisset aliquammultum in calicem vitreum, & sic reliquisset totam noctem, cumque excolasset aquam, inversus staret erectus in figurâ Vitri, & materia ejus similis

milis effret cocto albo amylo, magis tamen  
transparens, nisi memoria (*ut ait*) fal-  
latur.

Quòd, cum aliquando accepisset ali-  
quammultum hujus coaguli, & imposuif-  
set in Alembicum capite cœco, collocaverit  
in lene balneum volens putrefacere illud,  
sed quod post paucos dies reperisset, caput  
non fuisse bene lutatum, & quòd, post  
exhalationem aliquam humiditatis, coa-  
gulum ferè siccum evasisset, & amplius  
*Fungus* ex eo in vitro excrevisset. Erat  
compositio dissoluta aquata, qualem vidi  
excrefcere ex ligno putrido.

Quòd, cum diversâ vasa repleta magnâ  
*Roris* quantitate: modo suprà dicto po-  
suisset ad putrefactionem, & effudisset  
omnem rorem ex uno Vase pro usu, re-  
pererit in aquâ magnum tuber, crassius  
pugno suo, ex insectis illis, quæ vulgò  
appellantur *Vermes Porcini* aut *Millepedæ*,  
adhærentibus sibi mutuò longis caudis,  
quarum singulæ prodibant ex singulis eo-  
rum corporibus, magnitudine pili equini  
circiter: Insecta omnia vivebant & move-  
bantur, postquam extracta fuissent.

Quòd, cum aliud Vas evacuasset, quod,  
ut videtur, Solis radiis aliquando fuerit  
subjectum, cumque invenisset, factâ ex-  
pressionem ejus per tenue lintecum, duo  
aut tria cochlearia viridis pulperis, utut



non tam crassi nec tam viridis , ut supra dictus fuerat repertus in vasis, quæ studio Soli exposita fuerant , imposuerit hunc viridem pulverem in vitrum , & chartam super illud expanderit , quodque cùm post aliquot dies venisset ad visendum , repererit totum ferè vitrum repletum innumerabili cohorte parvarum muscarum , quæ ferè totæ alæ erant , quales solent videri in magnis examinibus in Aëre vesperâ Æstivâ.

Quòd , cùm circiter unam mensuram (dictam Gallon) hujus Roris (quem ait , nisi fallitur , priùs fuisse putrefactum & excolatum) imposuisset in apertum vitrum Cylicum orificio amplo , & sive multas septimanas stare in fenestrâ australi , cui sol multum incubabat , sed cancelli tenebantur arctè clausi ; post aliquantum temporis veniens ad excipiendum Rorem suum , invenit plenissimum parvorum Insectorum magnis capitibus , & tenuis texturæ corporibus , similium nigris animalculis in aquis natantibus , quæ sunt ranarum foetus caudati , sed multò minorum. Illa , cùm accederet ad vitrum , fundum petebant , quasi se occultare vellent , cumque recederet , denuò enitebantur in superficiem aquæ. Cùm ita paulò longiùs ea liquisset , postea reperit spacium plenissimum culicibus , licet Janua & Fenestræ semper clausæ fuissent. Addit , se primo non suspicatum , hos culices aliquo modo

modo affines esse *Rori*, sed cum postea comperiret Culices multiplicatos, & aquatica animalcula multum diminutos numero, eorumque plurimas pelles vacuas supernatare *Rori* suo, non immeritò se persuasum putat, ut crederet hos Culices per regenerationem productos ex dictis Animalculis.

Quòd, cum fecisset evaporari plurimum sui putrefacti *Roris* in Vitreis, aliisque fictilibus & incrustatis tectorio vitreo vasis, tandem obtinuerit, uti recordatur, ultra duas libras *Subnigræ Terræ*, quam cum diluisset eodem *Rore* ex omnibus aliis Vasis accepto, unique per vices imposito, & fecisset ad siccitatem usque evaporari, reperit compositam in modum foliorum sibi mutuò super impositorum, sicut videre est in quadam specie fuscae chartæ, sed maximè friabilem.

Quòd, cum terram suam exprompsisset, & bene cum Marmore trivisset, addito igne violento, in vitreâ aliquâ Retortâ, citò liquerit, solutaque sit; & refrigeratam residisse tanquam placentam in fundo vasis, & quòd apparuerit similis Sali & Sulphuri certâ proportionem mixtis; sed, ut recordatur, neutiquam erat inflammabilis. Hanc rursus tritam cum Marmore, ait, produxisse claram aquam Fontanam purpurei coloris.

Quòd sæpè reiteratâ calcinatione & percolatione hujus *Terræ*, tandem extraxerit

circiter duas uncias tenuis *albi optimique Salis Volatilis*, quod inspectum bono *Microscopio*, videbatur habere Latera & Angulos, eodem numero & figura, quæ solent esse in quodam *Nitro* vel *Sale Petræ*, dicto Anglicè *Roch peeter*.

II. *Motus* secundi *Cometæ prædictus*, per eundem *Nobilem*, qui prædixerat motum prioris.

**I**dem ille Dominus *Auzout*, qui non ita pridem communicavit Orbi *Ephimerides* suas, de motu prioris *Cometæ*, & commendavit earum quædam Exemplaria *Regiæ Societati*, ut conferret suas *Observationes* cum *Authoris Relatione* & *Computo*, & simul vel confirmaret prædictiones ejus, aut monstraret in quo differrent, nuper misit alias *Ephimerides* concernentes Motum secundi *Cometæ*, eo fine quo priores miserat.

In illo *Traçtatu* observat, primò *Generaliter*, secundum hunc *Cometam* priori esse contrarium, in omnibus fermè particulis: videns priorem motum celerrimè, hunc tardissimè; illum contra *Signorum Seriem* ab Oriente ab Occidentem, hunc secundum *Signorum Seriem*, ab Occidente

te

te ad Orientem ; *illum* ab Austro Septentrionem versus , *hunc* à Septentrione Austrum versus , quantum quidem hætenus observatum audivimus ; *illum* , in parte Soli oppositâ , *hunc* in eâdem parte cum Sole : *illum* fuisse in suo *Perigeo* tempore suæ Oppositionis , *hunc* fuisse post suam Conjunctionem : ubi etiam observat hunc *Cometam* ab alio splendore differre , tam in corpore suo , quod est vividius & distinctius , quam in *Caudâ* suâ , cujus splendor major est , cùm magnis *Telescopiis* videri possit , quæ inutilia fuerunt in priore contemplando , propter ejus obscuritatem. Postea descendit ad specialia , nosquæ docet , se primò observasse hunc *Cometam* secundo *Aprilis* , & continuasse ejus Observationem aliquot diebus sequentibus , & simul ac fecisset tres quatuorve Observationes , instituisse experiri alias *Ephimerides* ; sed , cùm non habuisset satis accurata instrumenta , & *Cometa* fuerit in loco stellis destituto , & subjecto Refractionibus , veritum esse ne nimium consideret Observationibus , quæ se invicem tam citò fuerint infecutæ , quando in talibus rebus requiritur perfecta exactitudo , & optasse ut videret quasdam præcedentes Observationes , quibus dirigi possit : iisque acceptis , simul confirmavit quod inceperat , & instituit  
pro-

progredi in propositis *Ephimeridibus*, inprimis cùm urgeretur ab amicis suis, & devinctus esset priore suo studio, ut non existimaretur merus casus fortuitus, quo rem in priore acu tetigisset; & ut experiretur, utrum Methodus sua æquè in tardioribus, quàm in celerioribus Cometis, tam in propioribus Soli, quàm in oppositis eidem, succederet: eo fine, ut homines admoneantur de *determinatione* usus ejus, utrum non possit vel in quibusdam particularibus casibus inservire.

Quare refert, se absolvisse Novas has *Ephimerides* sexto *Aprilis*, & statim prælo subdidisse; quâ in re credit se minimè offendisse bonum publicum: considerato quòd, licèt disparitura esset hæc stella intra paucos dies, propter appropinquationem ejus ad Solem, tamen cùm sit repertum, eam semper in Ortu præcedere solem, & meliùs conspicandam, quando citiùs sit oritura, circa finem *Maji*, & principium *Iunii*, nisi claritas auroræ fuerit impedimento, operæ pretium putaret experiri veritatem *Ephemeridum* suarum.

Affirmat itaque, *Lineam* descriptam hujus Cometæ cursu videri *Circulum Maximum*, qualis compertus fuit in omnium aliorum Cometarum medio cursu. Reperit dictum *Circulum* inclinare ad *Eclipticam* circiter 26. grad. 30. & *Nodos*, in quibus eam secat, esse

esse versus initium *Geminorum* & *Sagittarii*; ab *Æquatore* declinare circiter 26. grad. & secare eum versus 11. grad. & consequenter maximam ejus *Latitudinem* fuisse versus *Pisces*, ubi debuit esse 24. *Martii*, ejusque maximam *Declinationem*, versus 25. grad. *Æquatoris*, ubi debuit fuisse 11. *Aprilis*.

Collocat eum in *Perigeo Martii* 27. circa horam tertiam pomeridianam, quando erat circa 15. grad. *Piscium*, paulò *Occidentalior Marcabo*, vel *Alà Pegasi*, & futuram in *Conjunctione* cum *Sole* censet 9. *Aprilis*. Ubi tamen notat, quòd juxta aliam *Calculationem*, *Perigeum* fuerit 27. *Martii*, propiùs noctem, ita ut *Cometa* paulò ampliùs progrediatur *Orientem versus*, & retardetur *Occidentem* versus; quod cùm non sit valde sensibile primis diebus, magis differat circa finem & principium; quod *Observationibus* dijudicandum relinquit.

Calculat maximum ejus *Motum Diurnum* fuisse 4. grad. & 8. vel 9. min. spacio unius horæ, circiter 10. min. & 25. sec. ita ut *Motus* ejus *Diurnus* paulò majorem rationem habeat ad distantiam ejus *Minimam* à *Terrâ*, quàm 1. ad 14. ejusque *Motus Horarius* se habeat ut 1. ad 330.

Miratur, quòd non citius fuerit visus; cùm primæ observationes, quas ipse viderit, factæ per alios fuerint 17. Maji. Cùm tamen invenerit, eum videri potuisse à  
men-

menſe *Ianuario*, ad minimum menſibus *Februario* & *Martio*, quando oriebatur horâ ſecundâ, & ante id temporis: quia ſit ſummè veriſimile, ut, conſideratâ ejus magnitudine & ſplendore, cùm eſſet prope *Perigeum* ſuum, fuerit viſibilis, quando circa finem *Februarii* non fuerat tribus intervallis, & circa finem *Ianuarii* haud quinque intervallis tam remotus à terrâ, quàm cùm eſſet in *Perigeo* ſuo.

Interea, ait, alium *Cometam* nudo oculo potuiſſe videri uſque ad 31. *Ianuarii*, quando erat plus quàm decies remotior *Perigeo* ſuo, quanquam multò obſcurior erat, nec cauda ipſius lucebat, ut hic apparuit.

Optat omnes mutationes, quibus obnoxius futurus ſit *Cometa*, exactè obſervari, quia propter ejus tarditatem, & motum terræ maximè ſenſibilem, niſi *Cometa* fuerit nimium remotus, plus lucis accepturi ſimus ex hac, quam ex priore ſtellâ, in magnâ quæſtione, utrum *Terra* moveatur, nec ne; cùm Author jam pridem ſpem conceperit fore, ut motus *Cometarum* evinceret, utrum *Terra* moveretur, nec ne; ipſeque arbitratur, huac ipſum *Cometam* propoſito apparuiſſe in illum finem, ſi majorem Latitudinem habuiſſet, & nos conſequenter eum videre potuiſſemus ante Ortum Solis. Præterea optat ut, ſi poſſibile ſit,

fit , accurate observetur , utrum non fit paululum declinaturus à Circulo suo Maximo *Austrum* versus ; sentiens , magni momenti veritatem inde posse deduci , ut & an motus ejus magis retardetur , quàm locus *Perrigei* ejus (quod accuratiùs sciri poterit , cùm omnes præteritæ observationes fuerint impetratæ) & ejus motus maximus requireret.

Veretur duntaxat , ne non possint ejus exactæ observationes fieri , quia tum oriri deberet ipso diluculo : sed vellet ad minimum eum investigari *Telescopiis* , cùm *Ephimerides* ejus demonstrent , ubi circiter esse deberet.

*Aprilis* 10. erat futurus è regione Cuspidis Trianguli , (quod aliis Sicilia dicitur ,) & quidem inde *Australior* plus quam duobus gradibus ; & 11. *Aprilis* è regione lucidæ stellæ *Arietis* , *Aprilis* 17. è regione stellarum *Musæ* , seu *Apis* , paulò *Australior* , & *Maji* 4. futurus erat è regione *Pleiadum* , & circa quartum aut quintum ejusdem mensis adhuc semel futurus erat in *Conjunctione* cum *Sole* ; post quod tempus *Sol* ab eo progressurus erat *Orientem* versus , eumque relicturus *Occidentem* versus ; quare denudò videre illum poterimus commodiore horâ , nisi claritas Auroræ nobis fuerit impedimento. Addit , hanc stellam debuisse tertiâ vice *conjugi* cum *Sole* , circa tempus , quo primùm apparere cœpit : &  
auspi-



auspicatur ex omnibus his specialibus varias notatu dignissimas consequentias posse deduci.

Secabit *Eclipticam* circa finem *Iulii*, stylo novo, paulò *Orientalius* Oculo Tauri; quo tempore nullum ejus vestigium apparebit, nisi fortè inquiretur Telescopio.

Circa finem *Aprilis*, stylo novo, erit bis, *Maji* quarto ter, *Maji* decimo octavo quater, *Iunii* primo quinquies, &c. remotior, quàm cùm esset in *Perigeo* suo.

Non mirum ait esse, fuisse tam brevi tempore duos *Cometas*, quando, ait, fuerunt quatuor, ad minimum tres, Anno 1618. aliisque annis fuere duo vel plures simul, vel eodem tempore. Quod addit de illorum portentis, relinquimus *Astrologis* cum eo ventilandum. Concludit petens sibi condonari, si fortè admisit errores, veniamque eo Magis consecuturum se sperat, ex consideratione brevis temporis, quod ipsi pro his Calculationibus suppetebat; vellet quoque ipse fecisse omnes observationes, cùm facile sit errare, quando aliis observationibus confidendum est, quarum exactitudinem ignoramus: cui rei in exemplum proponit, quod secundum suas observationes, Cometa progressurus esset propiùs *Eclipticam*, quam ipse annotaverit, etiam non habitâ magnâ ratione Refractionum: sed quòd se aliis submittendo, constituerit curri-

curriculum ejus paulò altiùs; quod paucis illis diebus, quibus observarit & scripserit, vix ita incurrerit in sensus, verùm quòd forsitan impofterum sensibile futurum sit: quo casu, asserit, *Cometam* citiùs secturum *Eclipticam* & *Æquatorem*, quàm ipse annotaverit, &c. Nihilo obstante; conveniens duxit antè edere communem Notionem ejus, quod de Cometâ *futurum* sit, ut homines præparentur ad notitiam omnium *Mutationum*, quæ de eo accidere possent: quod se aggressum præstare asserit, residuum facile esse correctu, simul ac obtentæ fuerint bonæ quædam observationes remotiùs factæ, considerato non requiri nisi duas exactissimas, aliquantum diffitas, stellâ tardiùs progrediente, ad delineationem viæ ejus; quanquam ad minimum necessariæ sunt tres, pro omnium aliorum inventionem. Verùm & illud vult considerari, quòd, licèt Methodus ejus accuratissima deprehenderetur, tamen, nisi ad manus essent satis magna Instrumenta, & satis accurati Globi, quibus confidere possimus, nihil perfectè possit præstari in hoc genere Prædictionum.

III. *Relatio de Consilio Domini Petiti, Normandiæ Munitionum Præfecti, concernente Conjunctionem Oceani cum Mari Mediterraneo.*

**E**Ruditus ille Nobilis, Dominus *Petitus*, consultus de conjunctione *Oceani* cum *Mari Mediterraneo*, primò exhibet Propositionem, deinde suas meditationes super eâ communicat.

Propositio est, ut, cùm sit circiter duabus leucis infra *Castresium Gallia Narbonensis* situs Rivulus, dictus *Sor*, pertingens usque ad *Revel*, possint ipsius ope committi duo *Maria*, conjunctione *Aquarum* hujus Rivuli per Canalem (qui semper possit aquâ repletus esse) cum *Aquis S. Papoul*, & aliis, quæ fluunt in *Frescillum* (aliud Rivulum) labentem in *Audam* infra *Carcassonam*, qui ambo simul *Narbonam* delabuntur, finitimam *Mari Mediterraneo*.

Datâ propositione, addit quædam Particularia, ad illustrandum eam, antequam sententiam suam super eâ declaret: nam refert, tantùm unam esse viam, post divisionem *Aquarum*, procedendi ad *Mare Mediterraneum*, scil. per Rivulum, dictum *Frescillum*, conjunctum *Audæ*: Sed, procedendi ad *Oceanum*, vias esse tres; primam per *Riege*, laben-

labentem in *Garumnā* supra *Tolosā*; secundam, per *Lers*, currentem à latere, & infra dictam urbem; tertiam, per *Sor*, labentem in fluvium *Agouſt* infra *Caſtres*, poſtea in *Tarne*, & inde profluit *Montem-Albanum*, & tandem in *Garumnā*. Et ut abſolvatur hoc propositum, omnes hos fluvios & rivulos debere primū reddi navium patientes usque ad cataractas suas; *Audenſem* & *Freſcillenſem* pro *Mari Mediterranco*, & quendam ex aliis, qui fuerit electus, pro *Oceano*. Addit, quod attinet ad diverſas vias ducentes ad *Oceanum*, ſingulas laudatas propter aptitudinem & convenientiam earum, & tres regiones iis vicinas, ſingularum declarando commoditates, *Regiones Caſtreſii* & *Montis-Albani* eſſe pro flumine *Agouſt*, & *Toloſanas* pro *Riege*; alias, pro *Lers*.

Jam quod concernit opinionem ejus ſuper hac Propositione, utique putat, omnia quæ in hanc rem fuere propoſita, nihil fere prodeſſe: conſiderans, rem præcipuam deeſſe, quæ eſt certitudo, & poſitiva certa que menſuratio altitudinis & quantitatis Aquarum, quas neceſſe eſt devolvi in utrumque Alveum, ſcil. & *Audæ* & *Garumnæ*: maximam earum abundantiam debere eſſe, ut ſemper, altiffimæ & primæ *Cataractæ* ſint aquis munitæ, cū quod ſemel inde effluxit, nunquam intra eas redeat; & niſi, poſt tranſitum quarundam Navium, ſufficiens aquarum  
ſup-

supplementum esset pro aliis sequentibus, sive descendentibus, sive ascendentibus, omnes fundo insisterent, & Mercatores cum suis commoditatibus, nimis diu uni loco inhærent expectantes supplementum pluviarum, cum magno suo detrimento. Quare concludit, nullum intelligentem & prudentem virum aptum esse, dando Responso Positivo ad ejusmodi quæstiones, nisi ante oculos habeat amplam & exactam Mappam Topographicam horum locorum, & scaturiginum omnium Rivulorum, unde aqua suppleri debeat ad caput prætensi Alvei, unâ cum plenariâ descriptione figuræ planæ & mensurationis omnium locorum, per quæ transeundum ei est; Naturæ Fundi, utrum sit saxosus, arenosus, scopulosus, &c. accurati Horizontis omnium locorum, in quibus confici debet, & diversarum eorum elevationum & depressionum, ut certus sit Aquam derivari posse ad maximum incrementum, & altissimam *Cataractam*; & tandem, Quantitatis, quæ haberi possit Aquâ summâ, mediâ, & imâ, ut semper sufficiens sit; his rebus prius absolutis, ait demum judicandum esse de rei possibilitate, & supputandas impensas ad operis executionem necessarias.

Cum adeò prudenter ventilâssset hanc propositionem Artifex ille, digreditur animi gratiâ

gratiâ ad considerationem diversarum aliarum ejus generis Propositionum, quas inter præcipuè duabus inhæret, quarum alia famosissima concernit *Ægyptum*, alia *Germaniam*. Et putat maximi momenti propositum fuisse committendi *Mare Erythraum* per *Nilum* cum *Mari Mediterraneo*, ceu quod concernit excellentissimam commoditatem navigandi in *Indiam Orientalem*, sine duplici circumnavigatione *Capitis Bonæ Spei*; quod tamen non potuit præstari per potentes Reges *Ægypti*, qui tot stupendas *Pyramides* erexerant; quanquam opinatur Rationes productas ab Historicis, ad excusandos eos propter instituti intermissionem, nullius esse valoris, nec posse esse, ut verebantur, *Mare Erythraum* altiùs *Nilo*, nec inde periculum inundationis *Ægypti* timendum fuisse.

Alia Propositio data fuerat *Carolo Magno*, Anno 793. concernens communicationem Aquarum *Ponti Euxini* & *Oceani*, per *Canalem*, qui eo fine fuerat inchoatus, & ei destinati 2000. passus in longitudinem, & 100. passus in latitudinem, inter fluvium *Altmull*, labentem in *Danubium* supra *Ratisbonam*, & fluvium *Rott*, currentem *Norimbergam*, & inde cadentem in *Manum*, & tandem in *Rhenum*. Sed & hoc propositum minimè successit, quanquam magna spes principio affulgebat.

## IV, De modo occidendi Serpentes Sonoros.

**Q**Uando nuper in Societate Regiâ occasione data quæsitum est de *Serpentibus Sonoris*, navis Præfectus *Silas Taylor* recensuit rationem, quâ occidi solent in Virginia, eamque postea consignatam dedit literis cum testimonio duorum fide dignissimorum, in quorum præsentia experimentum factum fuit. Ecce vobis ipsiusmet verba.

*Pulegium Sylvestre* vel *Nepeta* sive *Dictamnus Virginicus*, circitur unum pedem altus, folia *Pulegio* similia habet parvosque cirros cœruleos in locis iis, ubi rami conjunguntur cum caule, & licet folia sint coloris rubri accedentis nonnihil ad viridem, aqua tamen quæ destillatur exinde, jucundè flavida est, & vino adusto similis. Folia illa contrita & linguæ admota valdè sentiuntur calida & pungentia. Ex his foliis contritis sumitur nonnihil, & affigitur extremitati baculi alicujus magni fissi, & admovetur naso *Serpentis Sonori*, qui vires intendit omnes, ut se inde liberet. Odor verò, uti creditur, occidit illum, nondum hora plane dimidia præterlapsa.

Experimentum hoc habitum est mense Julio anni 1657. quo tempore animalium illorum venenum vehementissimum creditur.

tur. Eques ille afferuit præterea, nullibi locorum, ubi crescat Pulegium Sylvestre sive Dictamnus Virgineus, videri serpentes sonoros.

*V. Relatio de hominibus interemptis per Vapores subterraneos.*

**H**Æc Relatio similiter communicata fuit Regiæ Societati, per celebrem illum *Virtuosum*, Equitem *R. Morajum*, qui, ut desiderio Regiæ Societatis satisfaceret, eandem scripto obtulit ut sequitur.

In Fodina Carbonariâ possessâ à Domino *Sinclairio* in *Scotiâ*, in quo Carbo circiter 18. aut 20. pedes crassus est, quique jam olim in magnam profunditatem defecit, operarii ab aliquot hebdomadibus, laborant quàm profundè poterant, cumque vellent recedere in nova Spacia, (quæ *Rooms* vocant Anglicè) accipientes in receptu frustum Carbonum, quæ relictæ fuerant quasi columna fulcientes trabes, & superiùs sitam Terram, ita infirmabant eos, ut non diu post quam exiverant ex Fodina, columnis contractis Terra superior impleret totum spacium rudibus suis, in quo non ita pridem laboraverant Operarii. Cùm ita fossores Carbonarii labore essent destituti, aggressi sunt eorum quidam operarii in veteribus reliquiis vallorum, tam propè veteres fodinas, ut transverberantes



tes tenuem partem valli Carbonarii, distinguētis eas à loco, in quo solebant operari, statim animadverterent errorem suum, & timentes ne suffocarentur in infecto aëre, quem noverant inesse illis veteribus fodinis, habitâ ratione non tantum vaporum, quos istiusmodi fodinæ solent communiter gignere, sed & ignis, qui multos annos in fodinis illis extiterat, eaque repleverat suffocativis exhalationibus & vaporibus, extemplo se reciperent, & liberarent ab eruptionibus vaporum. Sed postridie simul ac circiter septem octove illorum descendissent de scalis, ducentibus ad locum intentum, in quo pridie fuerant, & vestigium fixissent in loco, ubi aër erat infectus, procidebant mortui, perinde ac si bombardâ icti fuissent: Et cum inter illos esset quidam, cujus uxor perceperat ipsum esse suffocatum in illo loco, mulier ista eo usque descendebat sine damno, ut videns prope se maritum suum, auderet proximè illum accedere, sed offensâ Vaporibus simul atque ei appropinquasset, concidebat penes ipsum mortua.

Hanc Historiam Eques *R. Morajus* ait se accepisse à Comite de *Weymes*, affine Domini *Sinelair*, sicut ad illum perscripta fuerat ex *Scotiâ*.

VI. De Minerali Leodienſi, & Sulphur & Vitriolum exhibente, & de modo illa inde extrahendi, Leodii uſitato.

**D**Eſcriptio hujus *Mineralis*, & ratio extractioniſtam *Sulphuris* quàm *Vitrioli*, procurata fuit Leodio, per jam mèmoratum Equitem *Robertum Morajum*, & ab eo communicata *Regiæ Societati*, ut ſequitur.

Unum idemque eſt *Minerale*, unde extrahuntur *Sulphur* & *Vitriolum*, idque non malè refert plumbaginem ſeu mineram Plumbi, ſæpè etiam admixtum habet non parum plumbi, quod pungendo (vel ſcalpendo, non deſculpando, ut habet *Interpr. Ephim. Gall. a. 1666. 1. Febr.*) ſeparatur. Fodinæ ſimiles ſunt noſtris Fodinis Carbonariis *Anglicanis*, effoſſæ ſecundùm profunditatem *Mineralis*, ad 15. 20. vel plures orgyas in profundum, prout vena ducit operarios, aut aquæ ſubterraneæ id permittunt, quæ æſtate adedò inundant Fodinas, ut aquæ ſuperiores, propter ſiccitatem, non valeant antliarum uſum reſtituere, adeoque labor ceſſat.

Quando *Sulphur* exinde extrahi debet, in fruſtula confringitur lapis ſeu minera, quæ in lutea crucibula 5. pedes longa, & pyramidalia, quorum apertura uni uſ pedis qua-

drati est, conjiciuntur. Disponuntur crucibula illa eâ ratione, ut sint inclinata & sibi mutuò super imposita, communiter octo in inferiori, septem autem in superiori serie collocatis, eumque in modum ordinatis, ut spaciū inter duo remaneat, quo ea ambire possit ignis, atque hac ratione omnia tangat. Sulphur violentiâ ignis liquefactum, destillat, perque extremitatem acuiorem Crucibuli exiens, in alveum plumbeum prolabitur omnibus dictis Crucibulis communem, per quem fluit indefinenter rivulus quidam aquæ frigidæ, qui ducitur eò per Canales, ut congelet Sulphur liquefactum, quod quatuor plerumque horarum spacio liquefieri potest. Quo facto hamulo ferreo extrahuntur cineres, & portantur in vehiculo ferreo extra Officinam, ponunturque acervatim, ac teguntur aliis aridis lixiviique cineribus possint, ut calidiores conserventur, quod toties fit, quoties Sulphur suppeditant.

Quod si verò *Chalcanthum* sive *Vitriolum* conficiendum est, nonnihil cinerum dictorum sumitur, idque in foramen quadratum in terrâ fossū, quatuor circiter pedes profundum, octo verò pedes latum & ubique tabulis ligneis benè junctis circumdatum & obductum injicitur. Postea à superiori parte nonnihil communis aquæ infunditur, donec superemineat, & 24. horarum spacio  
ibi

ibi relinquitur, vel etiam tamdiu donec innatet ovum, quod signo est, aquam satis esse spissam.

Quando igitur coquendum est, tunc derivatur per Canales in Cortinam, ibique adjicitur dimidia pars *Aquæ sæculentæ primigeniæ* seu *maternæ*, uti vocant, quæ illa aqua est, quæ remanet, confecto *Vitriolo*. Cortinæ ex plumbo sunt confectæ, quatuor cum dimidio pedes altæ, sex verò longæ & tres pedes latæ, craticulisque ferreis crassis impositæ. Liquor in Cortinis ingenti igne, ex Carbonibus suppositis excitato, 24. horas & ultra prout Lixivium vel spissum est, vel tenue, ebullire cogitur. Debita consistentia obtenta subtrahitur ignis, & paululum refrigeratur liquor coctus, & ex ahenis per foramina quæ infra à latere sunt, emittitur, perque Canales ligneos derivatur in Recipientes, pedes tres profundos, quatuor autem pedes longos confectos & dispositos in modum fossarum fulloniarum, ubi 14. aut 15. dies, aut etiam diutiùs detinetur, si opus est, tamdiu videlicet, donec *Vitriolum* ab aquâ seorsim eat, crystalli formam inducat, & induretur. Aqua residua extracto *Vitriolo* est illa, quæ appellatur *Aqua primigenia* aliàs *materna*, cineresque *Lixivii*, sunt *Caput mortuum*, vel sæces, quas sæces vel aqua, ex quâ *Vitriolum* est confectum, demittit, & relinquit in fundo foraminis contabulati.

VII. *Continuata Relatio de M. Boyle Experimentalis Historiâ Frigoris.*

**I**N primis foliis horum *Philosophicorum Actorum*, promissa fuit plenior Relatio, proximè communicanda, de *Experimentalis Historiâ Frigoris*, compositâ à M. Roberto Boyle: nam sperabamus fore, ut *Historia* illa jam tota impressâ esset tempore editionis *secundorum Foliorum* horum *Actorum*; sed cùm Prælum, huic operi addictum, fuerit præter spem diutius retardatum, dicta promissio non potuit citiùs solvi: quare nunc curiosi Orbis est observare, hanc materiam, uti hætenus fere totam neglectam, ita nunc ope hujus Excellentis Authoris, ita tractatam, & propemodum *Ducentis selectis Experimentis & Observationibus* exculatam, ut profecto *Curiosus & Prudens Lector* per ejus usum capiat causam mirandi tam fertilitatem subjecti, adedò apparenter sterilis, quàm Authoris peritiam excolendi eam ad tantum perfectionis fastigium.

Verùm ut succinctè repræsententur quædam specialia hujus *Historiæ*, & simul detur occasio *Philosophis*, magis considerandi hanc materiam, quàm hætenus factum fuerit; ingeniosus Lector hic videat.

I. Quòd

1. Quòd non tantùm omnis generis *Acida* & *Alcalizata* Salia, & Spiritus, imò & Spiritus Vini; sed Saccharum quoque, & Saccharum plumbi mixtum nivi, possint congelare alia corpora, & quâ ratione.

2. Quòd inter substantias, quæ possunt congelari, non tantùm sint omnis crassi generis corpora Salina, sed & tales quæ carent eorum crassis partibus, non exceptis Spiritu Urinæ, *Lixivio* Cinerum saponariorum, imò nec ipso Oleo Tartari, *per deliquium*.

3. Quòd multi spirituossimi liquores, liberati suis aquosis partibus, non possint congelari, nec naturaliter, nec artificialiter: Et hic occasione datâ mentio injicitur modi conservandi *Fossas* à transitu in frigidissimis regionibus, quarum mentio est apud *Olaum Magnum*.

4. Quænam sint rationes aptæ æstimando majora, minorave frigora Corporum; & quibus mediis possimus mensurare intensiorem Frigoris Artificialis, præter illud, quod Natura necesse habet impendere ad congelationem Aquæ; ut &, quâ proportionem aqua mediocris gradus frigoris, possit præparari, ut *contrahatur* Nive & Sale, antequam incipiat per Congelationem semet *expandere*; & deinde, quomodo mensurandum sit, per differentiam Ponderis & Spissitatis ejusdem portionis Aquæ, quæ

mutatio fuerit in illâ producta, inter calidissimam tempestatem *Æstatis*, & primò congelantem gradum *Frigoris*, & tandem summum, quem *Author noster Arte* producere potest: Ubi *Quæstio* est annexa, utrum *Experimenta* hujus generis facta, in aquis particularium fluminum & lacuum, possint proferre fructuosum aliquod commodum, an, & quantum, naves possint in his aquis facili negotio *Onerari* potius *Hyeme*, quàm *Æstate*. Quibus additur modus faciendi exactus detectiones differentium graduum *Frigoris* in diversis *Regionibus*, ope talium *Thermometrorum*, quæ non sunt obnoxia alterationibus *Atmosphære* gravitationis, aut congelationi.

5. Utrum in *Frigore*, diffusio ex corporibus frigidis, fiat validiùs deorsum, contra diffusionem corporum calidorum: Ubi exhibetur modus congelandi liquores sine periculo frangendi vasculum, initium faciendo congelationis eorum à fundo, non à superficie.

6. Utrum *Traditio* illa sit vera, quòd poma aut ova regelata per ignem, eo ipso corrumpantur, sed imposita *Aquæ frigida*, *Intrinsècum* frigus emittant, ut censetur, per frigus *Extrinsècum*; & *Corpora* congelata regelent sine detrimento? *Item*, Utrum *ferrum*, aliave metalla, vitrum, lapis,

lapis, caseus, &c. exposita aëri congelanti, aut detenta in nive, vel sale, post immersionem eorum in Aquam producant aliquid glaciei? *Item*, Quæ utilitates possint proferri ex accidentibus differentium modorum regelandi ova & poma, applicandi Observationem aliis corporibus, imò hominibus ipsis, periculosè læsis intensissimo frigore. Ubi non tantum additur memoratu digna Relatio, quomodo totum corpus Viri successivè fuerit regelatum & obductum glacie, cum eo modo fuisset tractatum, quo congelata ova & poma tractari solent; sed & claritas talium experimentorum: & similiter, quinam effectus Frigoris sint, quantum ad Conservationem aut Destructionem Texturæ Corporum attinet: & in specie, quomodo cibus & potus possint conservari, in frigidissimis regionibus, detentione eorum sub aquâ, sine congelatione, ut &, quomodo in frigidissimis Regionibus, Corpora mortuorum hominum & aliorum Animalium possint præservari plurimos annos integra & libera à putredine? Et præterea, quomodo talia Corpora, haud congelata, omnino appareant corrupta per intensissimum frigus? Ubi porro inquiritur, num Plantæ, aut alia Medicamenta specificâ virtute prædita, eam sint amissura, per totalem congelationem, & diversas regelationes? Nec non,



utrum congelatum & regelatum Cornu Cervi eandem copiam & virtutem Salis & & Spiritus Salis producat, quam non congelatum? *Item*, Utrum *Electrica* facultas *Ambrae*, & *Attractiva* vel *Directiva* Virtus *Magnetum* diminuatur aut quodammodo immutetur intenso Frigore? Hoc caput concluditur cum notandis observationibus, concernentibus operationem Frigoris in Ossa, Chalybem, Cuprum, Lignum, Lateres vel tegulas.

7. Quænam Corpora expandantur congelatione, & quomodo expansio illa evincatur? Et utrum ea producat intrusione Aëris? Nec non, utrum, quod continetur in glacialibus bullis, sit verus diffusivus Aër, nec ne.

8. Quæ corpora sint, quæ contrahantur Frigore, & quomodo Contractio illa evincatur? Ubi inquiritur, utrum *Chymica Olea*, sicut Olea expressa, contrahantur per congelationem, aut sicut aquarii liquores expandantur?

9. Quinam sint Modi *mensurandi Quantitatem* Expansionis & Contractionis Liqueorum per Frigus? Et quomodo Autoris relatio de hac re Conciliari queat cum eo, quod Navigantes in Climata frigida, recensent ex experienciâ, de frustis glaciei, altitudinem malorum navium suarum exæquantibus, cum tamen profunditas horum fru-

frustorum nullâ ratione videatur responde-  
re imaginationi nostrâ.

10. Quàm valida sit Expansio Aquæ con-  
gelatæ? Ubi enumerantur diversa genera  
Vasorum, quæ Aquâ repleta, & exposita  
frigido Aëri, disrumpuntur; ubi etiam ex-  
primitur pondus, quod adimetur per ex-  
pansivam virtutem Congelationis? Quibus  
subnectitur Quæstio; unde procedat prodi-  
giosa Vis, observata in Aquâ per Congela-  
tionem expansâ? Et num istud *Phænomenon*  
possit solvi sive per *Cartesianam*, sive per  
*Epicuream* Hypothesin?

11. Quænam sit *Sphæra Activitatis* Frî-  
goris, aut Spatium, ad cujus Extremitates  
undique Actio Corporis frigidi pertingere  
possit: ubi difficultate determinandi hos li-  
mites, ejusque causis magnâ circumspe-  
ctione productis, observatur, *Sphæram*  
*Activitatis* Frigoris esse nimis angustam,  
non tantum respectu Sphæræ Activitatis  
Caloris in igne; sed & respectu quasi *At-*  
*mosphære* variorum odoriferorum corpo-  
rum; imò & respectu *Sphære Activitatis*  
validissimorum Magnetum, adeò ut Au-  
thor dubitaverit, an Sensus possit discerne-  
re Frigidum corpus sine immediato Con-  
tactu. Ubi diversa Experimenta proponun-  
tur pro examinatione hujus materiæ. unâ  
cum curiosâ relatione modi usitati in *Persia*,  
quanquam calidissimo Climate, providendû

*Conservatoria* sua solidis frustis Glaciei satis magnæ crassitudinis: Quibus additur Observatio, ad quam profunditatem Terræ & Aquæ penetrare queat Gelu, & quibus rationibus profunditas Frigoris possit variari. Postea inculcatur cura habenda in examinatione, utrum frigus possit diffundi per omnia *Media* indefinitè, non faciendo Tentamina de *Mediis* nimix crassitiei: ubi demonstratum est, Frigus posse operari per Metallica Vasa, quod confirmatur pulcherrimo Experimento faciendi *potula glacialia*; cujus modus accuratè est descriptus. Deinde referuntur Tentamina, utrum, vel quomodo, Frigus diffundatur per *Medium*, quod *quidam* putarent *Vacuum*, & *aliis* videretur minùs dispositum ad promovendum diffusionem Frigoris ipso Comuni Aëre. Postea sequitur curiosum Experimentum, monstrans utrum Corpus Frigidum possit operari per *Medium* actu ipso calidum; cujusque calor continuè renovatur per fontem Caloris.

12. Quomodo æstimanda soliditas Corporis Glaciei, aut quàm valida sit mutua ejus partium adhæsiō? Et, annon differentes Gradus Frigoris variationem producant in Gradibus Compactionis Glaciei. Cumque Author noster, quantos poterat, Progressus fecisset in reductione potentix Glaciei ad certam rationem æstimanda-

mationis per diversa Experimenta, communicat informationem ejus, quam de hac re explorare peterat, inter Descriptiones datas nobis de frigidis Regionibus: & deinde refert ex Nautarum *diariis*, Observationes eorum circa Insuperatum resolutæ Glaciei factæ ex Aquâ Marinâ, & ejus prodigiosam magnitudinem, excrecentem in altitudinem vel ducentorum & quadraginta pedum supra Aquam, & longitudinem excedentem octo Leucas. Quibus addit quasdam promiscuas, sed memoratu dignissimas Observationes de Glacie, quæ non ita facilè reduci possint ad præcedentia Capita: *videlicet*, De ecerulco colore petrosorum frustorum Glaciei; & horribili crepitu edito per disruptionem Glaciei, simili fragori Fulminis aut Terræ motus, unâ cum Consideratione causæ, unde hæ sonoræ Disruptiones procedant.

13. Quomodo Glacies & Nix possint præparari, ut diu durent; & qui Liquor citius aliis dissolvat Glaciem, & juxta quam proportionem celeritatis fiant solutiones in diversis Liquoribus, ubi Authori oblata est occasio examinandi, utrum Motus creet Calorem in Glacie? Postea enarrat Experimentum *Calefaciendi* Liquorem *Frigidum* Glacie, quod ipse fecerit in præsentia Magni & Literati Nobilis, ejusque

que Conjugis, qui Vitrum, in quo Liqueor continebatur, adeò calidum experiebantur, ut manibus suis illud sustinere non possent. Deinde examinatur, utrum effectus Frigoris continuè dependeat ab actuali præsentia & influentiâ manifestarum Causarum Efficientium, sicut Lumen Aëris dependet à Sole, aut Igne, aut alio Lucido corpore. His subjungitur Relatio de *Italico* modo faciendi *Conservatoria* Glaciei & Nivis, sicut eam Author recepit ab ingenioso Viro, Domino *I. Evelino*.

Sed cùm temporis brevitatis prohibeat absolutionem propositi Relationis hujus pretiosi operis: residuum reservabitur occasione proximæ. Tantùm pro Conclusionem intimabitur, *Authorem* annexuisse huic *Traſſatu*, Examen Doctrinæ Domini *Hobbii* de *Frigore*; ubi *Maxima* Causa *Frigoris*, ejusque Effectuum adscribitur *Vento*, adeò ut affirmetur, communiter quamcunque Ventilationem & commotionem Aëris causari refrigerationem.

A C T A  
PHILOSOPHICA.*Die Luna , 5. Junii 1665. N. 4.*

## Contenta.

I. *Relatio quorundam extraordinariorum aestuum marinorum in Insulis Occidentalibus Scotiæ , per Dominum Robertum Morajum.* II. *Judicium Domini Auzouti , de Aperturis Lentium Objectivarum, eorumque proportionibus respectu diversarum longitudinum Telescopiorum ; unâ cum Tabula de eâ re.* III. *Animadversiones ejusdem Viri in Domini Hookii Novam Machinam , quâ Lentes Sphæricæ possint confici.* IV. *Ad eas Responso Domini Hookii.* V. *De modo illuminandi Objectum in proportionem capitâ ; & de distantiiis requisitis ad adustionem corporum per Solem.* VI. *Uterior Relatio*

*latio Domini Auzouti de Domini Campani Libro & Perfectionibus Telescopiorum. VII. Responsum Domini Campani ad eam; & Domini Auzouti Animadversiones in illud Responsum. VIII. Relatio de Domini Doctoris Loweri recens editâ Vindicatione Diatribæ de Febribus Doctoris Willisii.*

---

*I. Relatio quorundam extraordinariorum astuum marinorum in Insulis Occidentalibus Scotiæ, prout fuit communicata à Domino Roberto Morajo.*

**I**N illo *Insularum* Tractu, in parte Occidentali *Scotiæ*, appellato ab Incolis *Long-Island*, i. e. *Longa Insula*, ceu qui circiter in longitudinem 100. milliarium à *Septentrione* ad *Austrum* extenditur, est multitudo parvarum *Insularum*, sitarum in *Freto*, (*Frisb*,) quod est inter *Insulam Eust*, & *Herris*; quas inter una est appellata *Berneray*, tria circiter milliaria longa, & ultra milliare unum lata, longitudine vergente ab  
Occi-

*Occidente ad Occidentem*, prout *Fretum* situm est. In parte *Orientali* hujus *Insulae*, ubi ego commorabar circiter 16. aut 17: dies, *observavi* acerrimam Reciprocationem Fluxus & Refluxus Marini, & *audi*vi de aliâ, non minùs observatu dignâ.

In parte *Occidentali Longae Insulae*, *Æstus* Marini, venientes ab *Africo*, vergunt secundum littus *Septentrionem versus*; sic ut durante ordinario cursus *Æstuum*, Fluxus vergat *Occidentem versus* in Freto, ubi *Berneray* sita est, & Refluxus *Occidentem versus*. Itaque Mare fluit & refluit ordinariè, circiter quatuor diebus ante *Plenilunium*, & *Novilunium*, & totidem post. (Ordinariis Fluxibus altioribus excrefcentibus in altitudinem 14. aut 15. pedum perpendiculariter, & aliis omnibus proportionaliter, ut in aliis locis.) Sed postea, circiter quatuor diebus ante, & post *Lunae Quadrantes* constanter obtinet magna & peculiaris Variatio. Nam tunc (*Lunâ Australi* ibi procurante plenitudinem maris) cursus æstus vergit *Orientem versus*, quando incipit fluere, quod evenit circa horam 9 $\frac{1}{2}$ . & non tantum ita pergit, usque ad 3 $\frac{1}{2}$ . pomeridianam, ut sit aqua alta, sed &, postquam incepit refruere, fluentum adhuc tendit *Orientem versus*, durante toto Refluxu, sic ut vergat *Orientem versus* 12. horas continuas, i. e. integrum diem, ab horâ circiter 9 $\frac{1}{2}$ . antemeridianâ, usque ad horam



horam circiter  $9\frac{1}{2}$  vespertinam. Sed cùm fluxus nocturnus incipit fluere, fluentum vertitur, & totam noctem currit *Occidentem versus*, durantibus & Fluxu & Refluxu, alias 12. horas, sicut *Orientem versus* fluxerat . . . . . Et ita Reciprocationes continuant, singulis Fluxibus & Refluxibus, vergentes 12. horas *Orientem versus*, & alias 12. horas *Occidentem versus*, usque ad quartum diem ante *Novilunium* & *Plenilunium*; & tum recipiunt ordinarium suum & regularem cursum, ut ante, vergentes *Orientem versus*, durantibus sex horis Fluxus, & *Occidentem versus*, durantibus sex horis Refluxus. Et hoc observavi curiosè, quamdiu commoratus sum in illo loco, quod accidit, uti memini, Mense *Augusto*.

Sed vir Nobilis, ad quem nunc pertinet *Insula*, & diversi Fratrum & Amicorum ejus, intelligentes & prudentes Viri, expertique omnium talium rerum *Marinarum*, quarum alii *Insulani* haud rudes esse solent, quanquam malè mihi suspecta erat cognitio eorum *Æstus marini*, cùm nondum vidissem quod mihi narraverant, & ego nunc retuli de hisce inordinatis *Cursum* *Æstus Marini*, confidentissimè mihi asserbant, nec non alii quivis, quicum eâ de re loquerer; esse scilicet in *Æstu* illo adhuc aliam irregularitatem, quæ nunquam intermittat, neque sit minùs extraordinaria, quam

quàm ea quæ jam tradita est ; videlicet, Quòd , cùm inter *Verna & Autumnalia* *Æquinoctia* , i. e. sex menses continuos, cursus irregularium *Æstuum* circa *Lunæ Quadrantes* , fiat vergendo totum diem , i. e. duodecim horas , ut ab horâ circiter  $9\frac{1}{2}$ . usque ad  $9\frac{1}{2}$ .  $10\frac{1}{4}$ . usque ad  $10\frac{1}{4}$ . &c. *Orientem versus* , & singulis noctibus, i. e. 12. alijs hõris, *Occidentem versus* ; durantibus alijs sex mensibus, ab *Autumnali* usque ad *Vernum Æquinoctium*, *Fluentum* currat integros dies *Occidentem versus* , & integras noctes *Orientem versus*.

De hoc, utut non habuerim occasionem videndi ipsum, ut aliud, tamen nullus dubito, quum acceperim ad eò credibilem ejus Rei informationem.

Ut penetraremus in *Causas* harum mirandarum *Reciprocationum* *Æstus Marini*, requirerentur accuratæ descriptiones situs, figuræ , & extensionis singularum partium adjacentium *Orarum Eust & Herris*; *Scopulorum* , *Vadum* , *Arenosorum* locorum, *Promontiorum*, *Sinuum*, *Lacuum*, *Profunditatum* , aliarumque *Circumstantiarum* , quæ nunc nullâ certitudine, aut accuratatione possum expromere ; cùm in nullâ *Mappâ* possint inveniri , neque habui ego opportunitatem ea perspiciendi ; neque nunc *Memoria* mihi ea suggerit ampliùs, ut ante aliquot annos, cùm datâ occasione aggrede-

grederer opus construendi *Mappam* totius hujus *Freti Bernerayensis*, sed cùm non fecerim ejus descriptionem, utique non aufferim illud denuo instituere.

II. Domini Auzouti *judicium de Aperturis* Lentium Objectivarum, earumque proportionibus, respectu *diversarum* Longitudinum Telescopiorum.

**H**ic Author, observans in parvo aliquo *Tractatu Gallico* nuper ab eo scripto ad suum Conterraneum, Dominum *Abbatem Carolum*; majora *Telescopia* ferè nunquam habere tantam *Aperturam*, quantam habent minora, in proportionem ad id, quod amplificat, & ideo ea necessaridò debere esse obscuriora; occasionem captat informandi *Lectorem*, quòd ipse repererit *Aperturas*, quas *Telescopia* possint cum distinctione ferre, esse circiter in *subduplicatâ* proportionem ad eorum *Longitudines*; cujus rei rationem & demonstrationem promittit se daturum nobis in *Dioptricis* suis, quæ nunc conscribit, & absolvere sperat, quamprimùm valetudo permiserit. Interea offert *Lectori Tabulam* ejusmodi *Aperturarum*; quæ hîc exhibetur Considerationi ingeniosorum, cùm hîc non sit nisi unum, quod scitur, exemplar *Libri Gallici* in *Angliâ*.

TABULA Aperturarum Lentium  
Objectivarum. Puncta apposita  
quibusdam Numeris deno-  
tant Fractiones.

Longitu- dines Te- lescopia- rum.	Pro Excel- lentibus.	Pro Bo- nis.	Pro ordi- nariis.
Ped. Dig.	Dig. Art.	Dig. Art.	Dig. Art.
4	4	4	3
6	5	5	4
9	7	6	5
I 0	8	7	6
I 6	9	8	7
2 0	11	10	8
2 6	I 0	11	9
3 0	I 1	I 0	10
3 6	I 2	I 1	11
4 0	I 4	I 2	I 0
4 6	I 5	I 3	I .
5 0	I 6	I 4	I 1.
6	I 7	I 5	I 2
7	I 9	I 6	I 3
8	I 10	I 8	I 4
9	I 11	I 9	I 5
10	2 1	I 10	I 6
12	2 4	2 0	I 8
14	2 6	2 2	I 9.
16	2 8	2 4	I 11.

Longitu- dines Te- lescopia- rum.	Pro Excel- lentibus.	Pro Bo- nis.	Pro ordi- nariis.
Ped. Dig.	Dig. Art.	Dig. Art.	Dig. Art.
18	2 10	2 6	2 1
20	3 0	2 7	2 2.
25	3 4.	2 10	2 4.
30	3 8	3 2	2 7
35	4 0	3 4	2 10
40	4 3	3 7	3 .
45	4 6	3 10	3 2.
50	4 9	4 0	3 4
55	5 0	4 3	3 6
60	5 2	4 6	3 8.
65	5 4	4 0	3 10
70	5 7	4 1	3 .
75	5 9	5 0	4 2.
80	5 11	5 2	4 5
90	6 4	5 6	4 7.
100	6 8	5 9	4 10
120	7 5	6 0	5 3
150	8 0	7 0	5 11
200	9 6	8 2	6 9
250	10 6	9 0	7 8.
300	11 6	10 0	8 5
350	12 6.	10 9	9 0
400	13 4	11 6	9 8

III. *Animadversiones Domini Auzouti in Domini Hookii Novam Machinam, quâ Lentes Sphæricæ pro Telescopiis possint confici.*

**I**N supra memorato Tractatu Gallico, præter alia diversa particularia, debito loco producenda, continentur quædam *Considerationes Domini Auzouti super Domini Hookii Novâ Machinâ, pro conficiendis Lenticulis Sphæricis Telescopiorum.* Ubi præmittit in *Generali* suum judicium de structurâ *Machinarum Telescopiorum*, & quidem ope *Torni*; primò omnium affirmans, non tantum *Machinam* esse considerandam pro dandâ *Figurâ*, sed & *Materiam*, quam conveniebat ad maiorem perfectionem perducere, quàm hæcenus factum est. Nam, non ita facile ait posse (ad minimum, in loco in quo commoratur) comparari *Magnas* laminas *Vitri sine Venis*, aut aliis defectibus, neque procurari satis crassas sine pustulis, quales si non sunt, cedere possunt pressuræ & ponderi, sive cum adstringuntur *Cemento*, sive cum elaborantur.

Secundò, comperit verè difficile elaborationem harum *Magnarum Lenticularum ejusdem* crassitudinis, quæ tamen est maxime necessaria, quia, vel minima differentia in

*Figuris* tam parum *convexis*, possit removere *Centrum* ex *Medio*, ad 2. aut 3. *digitos*; & si elaborantur in *Modulis*, diuturnitas temporis, quæ requiritur ad eorum detritionem & lævigationem, possit corrumpere vel optimum *Modulum*, ante eorum perfectionem. Præterea, ait robur viri ita esse limitatum, ut non possit elaborare *Vitra* excedentiâ certam magnitudinem, ita ut ea possit perficere & lævigare ubique tam bene, ac *Lentes minores*; cùm tamen, quò majores sint, eo perfectiores debeant esse: Si verò quoddam pondus aut machina in supplementum Roboris impendatur. periculum est inæqualis pressiois, & totails detritiois *Machinæ*; interea exactitudo omnem facilem imaginationem antecellit. Quare, experienciâ edoctus de hac exactitudine, concipere nequit, qui *Tornum*, in quo debent esse duo differentes, & quodammodo contrarii motus, possit moveri tantâ exactitudine & constantiâ, quæ requiritur specialiter, pro aliquantâ duratione temporis.

His præmissis, disserit de Domini *Hookii* Torno, primò omnium indicans, se avidum fuisse cognoscendi, cujusmodi *Tornum* illud esset, sibi que persuasisse, illud fuisse cum bono successu probatum, ceu quod processerit ex Societate, quæ profitetur se nihil edere, nisi quod fuerit plenariè examinatum.

minatum. Verùm miratum se ait, cùm videret *Micrographiam* Domini *Hookii*, inque eâ reperiret, *Machinam* ejus publici juris factam super fundamento *Merae Theoriæ*, sine ullo Experimento factò, quod tamen & brevi tempore & paucis impensis fieri potuisset; cùm nonnisi nimia profusio *Argenti*, & diuturnitas *Temporis* excusare queat eos, qui inventiones suas *Mechanicarum machinarum* publici juris faciunt, sine prævio eorum experimento, ut ab aliis examini subjiciantur.

Quamobrem proponit difficultates quasdam, ut *Inventori* det occasionem inquirendi viam solutionis earum. Itaque affirmat, quòd, licet in *Theoriâ* sit verum, *Circulum*, cujus *Planum* inclinatum ad *Axem Sphæræ* per *Angulum*, cujus *Semidiameter* vel *Radius* est *Sinus*, quæque tangit *Sphæram* in ejus *Polo*, utique tacturum *Superficiem Spharicam*, circum *Axem* illum motam. Sed verum etiam ait esse, *Circulum* illum tantùm Mathematicum esse debere, & sine *Latitudine*, quique *Corpus* exactè tangat in medio: Cùm in *Praxi*, *Circulus* qui potest *Continere Arenam* & *Pulverem*, debeat habere aliquam *Latitudinem*; nescit quoque an possimus ullâ habilitate tantum ejus, & tanto tempore, ut requiritur, detinere in extremitate *Annuli* dimidii digiti latitudinis. Addit difficillimam esse praxin,



ut semper medium lentis vitreæ exactè respondeat Extremitati *Annali* hujus, quando situs lentis semper paululum variatur respectu *Annuli*, secundum proportionem, quâ teritur, & premitur ob inclinationem. Censet etiam valde difficulter posse *Axi* aut *Mamphuri*, lentem sustinenti, dari tantillam *Inclinationem*, quæ majoribus lentibus necessaria est, aut collocari utraque *Mamphura* in unum idemque *Planum*, quod necessarium est. Et, his omnibus factis, persuasum habet, maximè difficile esse, si non impossibile, duobus contrariis motibus, ubi tot partes sunt, permanere firmum & continuum, prout requiritur, ne aberrètur vel pili latitudine, cum eo minus omnia mutare possit.

Pergit porro, & videns hunc *inventorem* loqui de Telescopiis 1000. s. 10000. pedum, qualia ipsi impossibilia *Machinâ* istâ fabricatu videntur, differit de iis, quæ sunt necessaria ad Constructionem Telescopiorum tantæ magnitudinis; quæque putat hunc *inventorem* fortassis non considerasse. Quamobrem asserit, quòd, si *Tabula* à se composita pro Aperturis Vitrorum Opticorum (quæ supra fuit exposita) continuetur usque ad 1000. pedes, semper accipiendo *Subduplicatam* proportionem Longitudinum, comperietur, pro mediocriter bonis, *Aperturam* debere esse 15. Digitorum; pro bonis

bonis, plus quam 18. & pro excellentibus, plus quam 21. Digitorum; unde possit colligi, quanta lens vitrea, quantæque crassitudinis esse debeat, quæ operationem sustineat. Sed procedit ad dicursum de *Inclinatione*, quam *Mamphur* debet habere in *Plano Annuli*, latitudinis 10. aut 12. Digitorum; & comperit, eam non debere excedere 6. aut 7. minuta, & Lentem habituram minus *Convexitatis*, & per consequens, minus differentię à lente exactè planâ, quàm septimam aut octavam partem Articuli. Et tum iudicio Lectorum submittit, utrum Vitro tantæ Longitudinis comparato, conveniens sit sperare, *Torrum* aliquem tam firmum fore, ut servet tantum corpus Vitri in eadem inclinatione, ita ut *Mamphur* non secedat ab eâ aliquot minutis; &, licet quoque Vitrum possit adaptari *Mamphuri* exactè perpendiculariter, an duo illa *Mamphura* possint locari in unum idemque Planum, & tantillum inclinationis requisitæ possit ne constitui, & *Mamphur* continuo premini in eadem *Inclinatione*, secundum quod Vitrum teritur. Quæ omnia particularia sibi imaginatur difficillima esse in Praxi; præterea, pondus Vitri, quod deberet esse inclinatum ad *Horizontem*, ut proponitur à Domino *Hookio*, faceret illud prolabi super *Cæmento*, & sic variare *Centrum*; neque Vitrum esset pressum *Annulo* eodem tempore

præterquam ab unâ parte lateris, *vid.* circa quartam partem; neque partes Vitri æqualiter detererentur, &c. Quid tum fieret, *inquit*, Vitro 10000. pedum, quod, secundum dictam Tabulam deberet habere plus quam quatuor pedum, aut quatuor pedum & novem Digitorum, vel quinque pedum & septem Digitorum *Aperturam*, & cujus *Annulus*, licet esset duorum pedum & novem digitorum, nonnisi unius minuti *inclinationem* haberet, neque plus quam 4. minuta haberet Vitrum 5. pedum, ejusque Curvitas minor esset centesimâ parte Articuli.

Sed Consideremus, *inquit*, tantum Telescopium 300. pedum, ut videamus, quid inde sperandum, utque ad minimum cognoscamus difficultatem, quæ occurrit in elaborando Telescopio istius tantum Longitudinis. Telescopium ergo 300. pedum deberet, juxta ejus Tabulam, habere plus quam decem Digitorum *Aperturam*, qui tantum conficiunt 16. minuta illius *Circuli*, haberetque ultra 11. Digitos *Aperturæ*, si esset ex numero Excellentium. Si Dominus *Hookius* (addit) uteretur suo *anulo* 6. Digitorum, quo uti vult in Telescopiis, quæ à duodecim ad centum pedum longitudinem habent, *Inclinatio*, quam *Axis* aut *Mamphur*, sustinens Lentem ejus, haberet, tantum 16. minutorum foret,

ret, & *Curvitas* Lentis minor esset octavâ parte *Lineæ*, & si uteretur majore, *inclinatio* ei esset proportionata.

Unde judicandum (pergit) nos adhuc plurimum abesse à videndo *Animalia &c.* in *Lunâ*, cujus rei spem præbuerat Dominus *Cartesius*, & conceperat Dominus *Hookius*. Ipse enim arbitratur, pro cognitione suâ *Telescopiorum*, non posse construi *Telescopia* supra 300. aut ad summum 400. pedes, neque sperat vel *Materiam* vel *Artem* eò processuram.

Si itaque (*inquit*) *Telescopium* trecentorum pedum sustineret Lentem 6. Digitorum, (quod mirandum videretur,) augeret tantum sexcenties *Diametrum*, i. e. 360000. vicibus *Superficiem*; sed posito, tale posse construi, quod augeret centies *Diametrum*, & 1000000. *Superficiem*, concedendo tantum 60000. leucis distare à *Terrâ Lunam*, neque considerando parvitatem *Aperturæ* Vitrorum, (quæ tamen plus quàm tricies sexies diminueret lumen) vel obstaculum *Aëris*, non videri posset *Luna* aliter, quàm uti appareret oculo nudo sine *Telescopiis* octo (fortè octoginta) aut ad minimum 60. milliaria à *Lunâ* remoto. Hîc optat, ut, qui nobis spem præbent videndi *Animalia & Plantas* in *Lunâ*, perpendissent quid *Oculi* nostri nudi possint discernere in *Obje-*

ctis 10. aut 12. leucis tantum ab iis remotis.

Verum non vult hæc dicta, ut de animo remittatur perscrutatio diligentissima & studiosissima inveniendorum mediorum faciendi longa *Telescopia*, aut eorum in elaborando facilitatis reperiendæ studium; sed tantum in admonitionem illis, qui nituntur *Theoriâ* alicujus *Machina*, ne statim eam pro possibili & utili venditent, antequam eam experti fuerint, aut si benè successerit tentamen in parvis, ne protinus contentur persuadere, etiam in magnis successurum.

Sicut (*inquit*) fieri potest, ut *Machina Domini Hookii*, observatis omnibus necessariis præcautionibus, succedat quidem in conficiendis *lentibus*, aut *minoribus* Vitris Opticis, sed non in elaborandis *majoribus*; quemadmodum videmus, instrumentum compositum ex duabus Regulis, quo designantur artus Circulares, satis bene succedere in *minoribus*, sed cum non amplius est dimidius Articulus, quarta pars Articuli, aut minus Convexitatis, desinit esse accuratum, ut ipse narrat se fecisse experimentum in describendis Circulis ope alicujus horum Instrumentorum, confectorum ab optimo quodam hujus temporis artifice, qui dum viveret, illa omni pretio majora asserebat, quanquam non erant exacta; veluti alii &  
ego

ego ipsemet (ait) comperimus experientiâ, cum niteremur *Modulos* illorum ope facere, & qui simili Instrumento conati sunt describere arcus Circulares, 80. aut 100. pedum, &c. in *Diametro*, testari possunt.

Verum, non obstantibus omnibus his, consideravit duo vel tria, quæ censet posse prodesse quibusdam incongruitatibus *Torni Domini Hookii*. Primum est, ut invertatur Lens, & supponatur *Annulo*, ut sic non tantum Lens *Horizontalius* collocetur, & non prolabatur super *Cæmento*, sed & ut *Arena*, & *Pulvis* maneant super lente.

Secundum est, ut sint duo *Capitula*, quibus *Mamphur* sit impositum, ubi *Annulus* est adaptandus; & ut *Mamphur* sit exactè *Cylindricum*, ut ita progrediatur super vitro, prout deteritur ejus pondere, aut ope pennæ resultantis, quæ illud premit, sine vacillatione, sicut statim accideret in modo, quo *Tornus* est compositus. Nam, cum Vitra teruntur præcipuè quando sunt convexa, fieri nequit, quin *Mamphur* vacillet & hinc inde commoveatur, antequam *Cochlea* sit confirmata.

Sed dubitat, quin omnibus possit remedium afferri, quod relinquit industriæ Domini *Hookii*; considerans quod ait in *Prefatione Micrographiæ* suæ, de Methodo, quam sciat, inveniendi tanta in *Me-*

chanicis, quanta invenire possunt in Geometria per Algebram.

Præterea observat, ferè neminem, qui tractant *Telescopia* tantum *Aperturæ* ipsis tribuere, neque lentem ocularem satis convexam. Et in exemplum proponit *Telescopium*, quod sua *Majestas Regia Magnæ Britanniae* obtulit dono *Duci Aurelianensi*, videl. quod sufferret tantum 2. digitos, & 9. articulos *Gallicos*, maximæ *Aperturæ*, quanquam adfunt 5. aut 6. minores *Aperturæ*, quas apparet (*inquit*) Artificem pro iis, qui eo uterentur, communiori, præ maximâ, usui destinasse; quod admittit modò fere dimidiam partem *Radiorum*, quos juxta ejus *Calculationem*, quæ est, ut 9. ad 16. admittere deberet; Cum, secundum ejus *Tabulam Aperturarum* *Excellentis Telescopium* 35. pedum, deberet sustinere 4. digitorum *Aperturam* secundum proportionem *excellentium* minorum. Notat etiam *Lentem ocularem* dicti *Telescopii* compositam ex duobus vitris, non majoris virtutis esse, quando est in summo gradu convexa, quàm vitrum 4½. digitorum; quod, facit illud minimè centies augere objectum. Comperit quoque quod Dominus *Hookius* magni faciat *Telescopium* confectum *Londini*, 60. pedum, (qui æquivalent circiter 57. pedibus

dibus Gallicis, cum pes *Gallicus* se habeat ad Anglicum circiter ut 15. ad 16.) quia ad minimum possit sufferre 3. *Anglicos* indices Aperturæ, & quod sint pauca triginta pedum Telescopia, quæ possint supra 2. digitos sufferre, (qui tantum æquivalent 22 $\frac{1}{2}$ . Articulis *Gallicis*) quanquam ipse (Dominus *Auxontus*) non eam minorem *Aperturam* tribuit 15. pedum *Telescopio*, ejusque 21. pedum *Telescopium* ordinariè habet 2. Digitorum, 4. Linearum, aut 2. Digitorum, 6. Articulorum *Aperturam*.

Hunc Discursum concludit exhortando opifices Telescopiorum, ut ea annitantur ita elaborare, ut possint sufferre magnas *Aperturas* & convexas Lentes oculares; animadvertens non longitudinem valorem *Telescopiis* conciliare; sed potius valorem eorum diminuire, propter adjunctam molestiam, si non plura præstant, quam breviora. Ubi simul indicat, se necdum scire, qualem aperturam suis tribuat *Telescopiis* Dominus *Campanas*, cum nihil adhuc illà de re notum fecerit; sed parvum illud, ab ipso missum Cardinali *Antonio*, non majorem habere *Aperturam*, quàm ordinaria habere convenit.

Promittit quoque, se explicaturum hunc modum in *Tractatu* suo *de utilitate Telescopiorum*.



piorum, in quo intendit definire magnitudinem *Diametrorum* omnium *Planetarum*, eorumque proportionem ad *Diametrum Solis*; nec non *Diametros Stellarum*, quos adhuc multò minores censet, quàm omnes qui de eâ re hæcenus scripserunt, voluere; non credens *Sirium*, qui videtur esse lucidissima *Firmamenti* stella, habere 2. *Secunda* in *Diametro*, neque sextæ magnitudinis stellas habere 20. *tertia*; nec putans, omnes stellas *Firmamenti* adeo illuminare terram, uti illuminaret Corpus Lucidum habens 20. *secunda* in *Diametro*, vel, quia tantum dimidia earum pars simul existit supra nostrum *Horizontem*, sicut Corpus habens 14. *secunda* in *Diametro*; & sicut 18432 pars *Solis* nostram tellurem illuminaret, vel quemadmodum *Sol* illuminaret, si essemus ab eo quatuordecies remotiores Saturno, & centies tricies septies Terrâ: quod, inquit, non esset credibile, nisi paratus esset illud evincere tam *Experientiâ*, quàm *Ratione*. Neque dubitat, quin *Venus*, quanquam nonnisi reflexum lumen nobis communicet, quandoque magis illuminet terram, quàm omnes stellæ simul. Attamen non vult ut nobis imaginemur de iis, quæ dixit de parvitate stellarum, quasi *Telescopia* non augerent eorum apparentiam, propter eorundem nimiam distantiam. sicut augent apparentiam *Planetarum*; nam hoc ipse habet  
pro

pro vulgari Errore, cui meritò renuncian-  
dum. *Telescopia* (inquit) augent apparen-  
tiam *Stellarum* eadem proportione, quâ au-  
gent apparentiam omnium aliorum corpo-  
rum, cùm demonstratio augmentationis  
illarum etiam nitatur radiis *Parallelis*, qui  
supponunt infinitam distantiam, quan-  
quam stellæ talem non habent: Et si *Tele-*  
*scopia* non augerent apparentiam *Stellarum*,  
quomodo nobis possent ostendere quasdam  
*decimæ quintæ*, & fortassis *centesimæ*, imò  
*ducentesimæ* magnitudinis stellas, sicut fa-  
ciunt, & quidem ostenderent adhuc mul-  
tò minores, si magis augerent apparen-  
tias.

IV. Domini Hookii *Responsio ad*  
*Domini Auzouti Animadversiones,*  
*in Epistolâ ad Editorem horum Acto-*  
*rum.*

Domine,

U Nâ cum maximâ gratiarum actione  
pro favore, quo me afficere dignatus,  
mittendo mihi *Epitomen* *Animadversionum*  
ingeniosi Domini *Auzouti* in descriptionem  
meam *Machinæ* pro *conficiendis lentibus Sphæ-*  
*ricis*, tibi me devinctum sensi, tum ut tibi  
satisfacerem, tum ut me ipsum vindicarem,

cui remitterem hæc mea Responsa ad ejus Objectiones. Quarum præcipuæ videntur impetere *Propositionem* ipsammet: Apparet enim, *Opponentem* aliquâ ratione indignè ferre, quòd proposuim rem in *Theoriâ*, sine prævio tentamine *Possibilitatis* ejus in *Praxi*. Sed ante omnia optassem, ut honorandus ille Vir correxisset errores meos, non speculatione, sed experimentis. Deinde respondeo, quòd (quanquam *Lectori* non omnia narraui, ut majori libertate examinaret & judicium ferret de praxi, tamen) non fuerit mera *Theoria* quam proposui, sed & aliquid *Historiæ* & *Res Facti*. Feceram enim tentamina, quanta mihi per negotia icuit, non sine optato successu; sed destitutus tempore & commoditate sufficiente prosequendi ea, non inacceptum iis credidi fore, qui utroque gaudent, ut haberent descriptionem modi omnino *Novi*, & *Geometricè* veri, & verisimiliter *Possibilis* in *Praxi*, quo vel uti vel non uti possent, si viderent rationes. Sed nihil me magis attonitum reddidit, quàm quòd (postquam malè factum dixisset, scribere hanc *Theoriam*, non præviâ praxi) imputet *Regiæ Societati* commissum illud, sicut videtur illud facere quodam loco libri sui, p. 22. Certè, *Domine*, putarem memet injurium fuisse in *Nobile* illud *Collegium*, nisi in ipso libri mei *Capite* prævenire voluissem tali errori.

Qua-

Quare nequeo aliter interpretari dicta Domini *Auxouti* de hac re, quàm dicendo cum vel non adeò peritum esse Linguae, quã scripsi, ut omnia à me dicta intelligat, vel non legisse *Dedinationem* factam *Regia Societati*, quod si fecisset, comperisset sollicitudinem meam, quã tenebar, ne *Illustri* illi *Societati* vitio verterentur errores mei, cui *opera* mea non multum gloriæ conciliare queunt. Et profectò, ut res editæ Sociorum Regiorum jussu aut permissu accipiantur pro *Ipsorum* sententiis, & quasi ab *Ipsis* approbatæ essent, tanquam *certæ* & *veræ*, plurimùm abest ab eorum intentione, siquidem ipsi procurando aut animando ad talia publici juris facienda, hoc præcipuè intendunt, ut *ingeniosi conceptus* & magni momenti *Philosophicæ Res Facti* communicentur erudito & curioso Orbi, ut iis excitentur animi hominum ad examinationem & probationem eorum. Sed, ut revertar unde digressus sum; Quod concernit ejus *Objectiones* contra *Materiam*, comperio eas non tantùm meum, sed & omnes alios modos *conficiendi lentes* impugnare; neque plus continent, quàm ipse observavi in hoc loco ejusdem *Paragraphi*, cujus generis etiam sunt omnes illæ difficultates, quas movet contra *Telescopia longa*, quæ communiter notæ sunt omnibus versantibus in elaboratione eorum.

eorum. *Conveniens etiam esset, (hæc sunt mea verba) nec magno pretio constaret habere quatuor vel quinque diversa instrumenta; unum, &c. Et, si unquam ed processura est curiositas, unum pro omnibus longitudinibus, intra mille & decies mille pedes. Nam certè Principium tale est, ut supposito, Mamphura bene confecta, & bonæ longitudinis esse, nec non supposito magnam curam haberi in eorum elaboratione & expolitione, non video rationem, quin Telescopium mille imo decies mille pedes longum possit confici æquè ac decem pedes longum. Ratio enim est eadem, supposito Mamphura & Instrumenta esse satis firma, ut non possint curvari; nec non supposito, Vitrum ex quo sunt facta capax esse tantæ regularitatis in suis partibus quoad refractionem. Sed deinde dicendum mihi Oppositiones ejus contra me non videri tanti momenti, quanti forte sibi imaginetur. Nam, quod attinet ad possibilitatem acquirendi Laminas Vitri satis crassas & latas sine Venis, non putem illud nunc adeò difficile hic in Angliâ esse, ubi credo æquè bona, si non meliora Vitra pro Opticis Experimentis confici, quàm unquam vidi advecta Venetiis. Postea, etiamsi meliùs esset, crassissimam partem longi Telescopii exactè consistere in medio, possum tamen affirmare Domino Auxouto, non malum esse Telescopium, etiamsi crassissima pars unum duosve digitos distet à medio.*

*Ipse*

Ipse non malum habeo penes me impræsentiarum triginta sex pedum, quod sustinet *Aperturam*, si *Saturnus* vel *Luna Crepusculo* eo conspiciantur, supra  $3\frac{1}{2}$ . digitos, & tamen crassissima pars *Lentis* procul abest à medio. Atque non immeritò dubito *Animadversorem* meum unquam vidisse *Telescopium*, quod fuerit aliter constitutum; quemadmodum mox sibi satisfaceret modo quem ei ostenderem, (si nondum novit) quo differentia crassitudinis laterum possit reperiri usque ad centesimam *Articuli* partem.

Quod concernit summam exactitudinem *Figure Longorum Vitrorum Objectivorum*, non dubitandum est, quin sit res, quæ satis difficulter aliquâ ratione acquiri possit; attamen, puto illud faciliùs fieri *machina* quàm *manu*; & omnium *machinarum* non alteram concipio planiorem & simpliciorē, quàm *mamphuris*. Et pro conficiendis *Lentibus Sphericis*, *machinâ aliquâ*, arbitror vix posse esse modum planiorem & accuratorem, quàm quem descripsi; in quo non est alia motio, præterquam duorum talium *mamphurum*, quæ possint confici sufficienti firmitate, longitudine & exactitudine, ut iis multò amplius efficiatur, quàm crederem posse aliâ ratione fieri quàm casu, manu hominis vel robore destituto *machinâ*, cùm motio & robur in eâ multò certiora & ordi-

ordinationora sint. Optimè novi, in elaborandis robore manûs sexaginta pedum Vitris Opticis, modo vulgari, vix unum inter decem evadere bonum, quod mihi asseruit Dominus *Reeves*; quem arbitror primum fuisse, qui ejus longitudinis bonum aliquod fecerit. Nam *Figura Instrumenti* illo modo statim corrumpitur in elaborando Vitro, & sine multo labore (Anglicè *gaging*) nihil boni efficiet. Præterea robur manus virilis, applicata illi pro ejus elaboratione & expolitione, est maximè inæquale, & motiones, quæ fiunt, sunt valdè inordinatæ; sed in modo, quem ausus sum proponere *Manipulis*, quò diutiùs simul collaborantur *Lens & Instrumentum*, eò exactiora esse videntur, & si omnia fuerint ordinata & directæ, ut oportet, ipsa expolitio Lentis omnium maximè videretur corrigere *Figuram*.

Quod objicit, instrumentum tantum tangere Lentem in *Circulo Mathematico*, verum est forsitan principio, sed antequam Lens detrita est in suam veram *Figuram*, *Extremities instrumenti* deteretur, sic ut *Anulus digitorum* latus possit tangere tandem *Sphericam Superficiem* Lentis; imò, si esset necessarium (sine magna molestia, præcipuè in conficiendis vitris longioribus) tota *Concava Superficies Instrumenti*, potest contactu

tactu applicari Lenti. Præterea, quod concernit affervationem ejusdem Arenæ & quorundam pulverum variè tenuium, secundum quod Lens teritur, idem potest fieri, sicut eadem arenâ elaborata subtiliùs Operationis modo ordinario.

Procuratio *Inclinationis Mamphurum* nullâ ratione difficilis est, etsi fortassis determinatio longitudinis exactæ, quam Lens ita facta feret, non ita facilis est: Sed nil refert cujus Longitudinis sit Vitrum, si bonum, an sexaginta an verò octoginta pedum, vel circiter. Neque adeo difficile est, utraque in idem *Planum* collocare: Eaque *firma* continere, cum semel fixa sunt, facillimum est.

Quod concernit Calculationem proprietatis Telescopii mille pedum, fortè pro illâ speciali Longitudine, tum nondum, nec adhuc supputavi, quòd Convexitas unius octodecim digitos lati, non sit futura supra septimam Articuli partem. Sed inde non sequitur, me non considerasse difficultates, quæ in ejus elaboratione orituræ erant. Nam dico ipsi, me facere posse Vitrum *Plano-Convexum*, licet ejus Convexitas sit minoris Sphæræ, quàm est usitata pro tali longitudine, ut sit *Lens Objectiva* circiter 150. pedum in longitudinem, imò trecentorum pedum, & vel longius vel brevius, *sine ullâ alteratione convexitatis*.  
Sic



Sic ut, si aliquo artificio, sibi noto, præbeat mihi vitrum *Plano-Convexum* viginti aut quadraginta pedum in *Diametro*, sine Venis, & verè elaboratum in istam *Figuram*, statim velim eo facere *Telescopium*, quod unicâ Lente Oculari excurrat in Longitudinem mille pedum: Quam *Inventionem* brevi detegam, cùm, ut arbitror, nihileâ sit facilius aut certius. Et si *Plano-Convexum* Vitrum alicujus *Sphæra*, cujus *Radius* sit medius inter viginti & quadraginta pedes, potest confici, sic ut tam *Convexum* quàm *Planum* Latus Vitri sit exactè expolitum in veram *Figuram*, brevi monstrabo, quomodo eo possit Confici *Telescopium* cujuscunque Longitudinis, Supposito Vitrum carere omni specie *Venarum*, aut inæqualitate *Refractionum*.

Quod concernit delapsum Vitri super *Cæmento*, non ullam ejus rei video rationem, ad minimùm in *Cæmento* illo quo ego utor, cùm nunquam ullum tale accidens observaverim in duro *Cæmento*.

Ac quod attinet ad pressionem (vel *Declinationem*) *Annuli*, quæ tantùm simul fiat ad unum latus Lentis, nequeo videre, quâ *illa* produceret aliquam inæqualitatem, cùm omnia latera Lentis habeant successivè eandem Pressionem.

Argumentatio ejus de Telescopio 300 pedum ferè eadem est cum præcedente de difficult-

ficultate elaborandi veram superficiem convenientis figuræ, quorum tum *illud*, tum ejus Conclusio de eâ re, (*videl. non expectanda Telescopia supra trecentos aut ad maximum quadringentos pedes longa, neque vel materiam vel artem eâ usque processuram,*) quanti sint momenti, judicari potest ex eo quod nuper retuli tibi, constructione cujusvis Lentis Objectivæ cujusvis longitudinis.

Quod optat, ut qui promittunt se ei ostenduros *Plantas*, aut *Animalia* in *Lunâ*, (quorum neminem novi hoc fecisse, etiamsi forte esse possint, qui, nil obstantibus ejus Objectionibus, illud non impossibile existiment) considerassent, quid homo *nudò* oculo suo possit videre in 60. Leucarum distantiam: non possum non rursus optare, ut consideraret differentiam inter Visionem per *crassum & vaporibus refertum* Aërem Terræ circumfusum, & eam quæ fit per Aërem qui est supra nos: Quod, si observet Lunam circa *Horizontem* & in *Zenith* constitutam *Telescopio*, experientia docebitur; & hoc facto, fortassis non ita desperabit amplius de his rebus.

Quod animadvertit in aliis editoribus *Theoriarum*, ipsum comperio non observasse in propria causa. Nam, in asserenda sua *Theoriâ* de *Aperturis* videtur esse nimium confidens, nulla ratione dubitans illa niti, *vid. Aperturas* debere esse *ejusmodi* in *Telesco-*

lescopiis majoribus, quia talismodi repererit in minoribus.

Pro propositionibus ejus correctoriis quarundam incongruitatum hujus modi, gratias ei ago, sed quod ad primum attinet, credo Materiam non difficilius posse contineri in *Concavo* instrumento, quàm in *convexâ* Lente. Quod ait de duobus *Capitulis*, non satis intelligo, si differunt à meis; & asservatio Instrumenti super Lente, penna resultatoria vel pondere, statim corrumpere-  
ret omne; quandoquidem si alterutrum *Mamphurum* facilè retrocedat, *regularitas omnium* corrumpetur; nec omnino metuo vacillationem aut commotionem *Mamphuris*.

*Theoria* ejus *Aperturarum*, quanquam ipse videtur eam habere valde authenticam, mihi tamen non adeo clara apparet. Nam, idem Telescopium majores minoresve *Aperturas* sustinere potest, secundum minus aut majus Lumen *Objecti*: Si videndus *Sol* aut *Venus*, aut si observandi *Diametri Stellarum Fixarum*, meliores sunt *Apertura* minores: si videnda *Luna* in *diluculo*, aut *Saturnus*, aut *Jupiter*, aut *Mars*, meliores sunt majores. Sic sæpe usus sum 12. pedum Telescopio ad conspiciendum Saturnum *Apertura* fere 3. digitorum, & unicâ Lente Oculari duorum digitorum *utrinque convexâ*; sed, cum eodem Telescopio in-  
spice-

spicerem Solem aut Venerem , usus sum & minori *Apertura* , & debiliore lente oculari. Et licet Dominus *Auxoutus* videatur reperire defectum in *Anglico* Telescopio triginta sex pedum , habente tantum *Aperturam*  $2\frac{1}{4}$ . Digit. Gallic. nec non in 60. pedum *Tubo Optico* , usitato tantum *Apertura* trium digitorum ; tamen non comperio eum vidisse Telescopia istius longitudinis , quæ majores *Aperturas* sufferrent , neque impossibile est, quin *Theoria* ejus *Aperturarum* deficiat in Telescopiis longioribus.

V. De modo illuminandi Objectum in proportionem cupitâ ; & de distantis requisitis ad adustionem corporum per Solem.

**A** Liquis modorum usitatorum Domino *Auxouto* ad illuminandum objectum in proportionem desiderata , fit magno quodam *Vitro Optico* , ab ipso appellato *Planetario* , quia ope ejus demonstret differentias Luminis , quod omnes *Planeta* accipiunt à Sole , utendo diversis *Aperturis* , proportionatis ad distantias illorum à Sole , sicut pro singulis novem pedibus , aut circiter , excurrentibus in longitudinem , unus digitus *Apertura* detur pro Terra. Hoc facto , facile ( inquit ) videri potest lumen quod

quod *Mercurius* recipit, multum abesse ut possit adurere Corpora, & tamen idem Lumen satis magnum est in *Saturno*, ut clarè ibi videri possit, cùm (secundùm ipsum) appareat majus in *Saturno*, quàm in *Terra* nostrâ, tempestate nubilâ; Quod (addit) vix credibile esset, nisi ope hujus Telescopii ita in sensus incurreret; quâ de re promittit se fufius disserturum in *Traâtu* suo *de utilitate majorum Telescopiorum*, ubi etiam intendit exponere diversa experimenta à se facta, 1. de quantitate luminis, quod corpus, decies, quindecies, & vices, &c. remotius *Saturno*, adhuc reciperet à *Sole*. 2. De quantitate Luminis, quo *Terra* illuminatur in ipsis *Eclipsibus Solis*, secundùm illarum magnitudinem. 3. De quantitate Luminis, quæ requiritur ad adustionem Corporum: vbi ipse reperit, non diminuto Lumine, reflexo per superficies Vitrorum (cujus quantitatem exactam se adhuc ignorare confitetur,) requiri circiter quinquagies tantum Luminis, quantum hîc habemus, pro adustione *Nigrorum* Corporum; & ferè novies ampliùs pro adustione *Alborum* Corporum, quàm pro adustione Corporum *Nigrorum*; & sic observat immediatas proportionem inter hos duos Colores, pro adustione Corporum *aliorum* Colorum. Inde (ait) se elicuisse quædam Confectaria, de distantia, qua hic possibile est Corpora aduri

aduri, ope *magnorum Telescopiorum* & *magnorum Speculorum Caustriorum*. Ita ut (*inquit*) septies propiores Solem esse debemus, quàm nunc sumus, ut simus in periculo adustionis per illum. Ubi memorat, se dedisse *Instructiones* quibusdam abeuntibus in *Calidas Regiones*, & inter alia specialia iis commendasse ut ope *Speculorum Caustriorum* majorum experirentur, quot mensuris minori *Apertura* ibi sint adustura, quam *hic locorum*, ut inde sciatur, utrum *ibi* sit plus Luminis quàm *hic*; & quot gradibus majus; siquidem hoc fortassis est unicum medium illius Tentaminis, supposito usu ejusdem materiæ: quanquam differentia Aëris jam calefacti tam in *Calidis Regionibus*, quàm in *Planetis*, propioribus nobis, possit alterare, si non Luminis, ad minimum Caloris ibi reperti quantitatem.

VI. *Ulterior Relatio de Domini Campani Libro & Perfectionibus Telescopiorum.*

**I**N supra dicto Tractatu Gallico etiam continetur Domini *Auxouti* opinio de Novis à se repertis in Tractatu Domini *Campani*, cujus mentio facta fuit in primis *Foliis* horum *Actorum*, tam de effectibus *Telescopiorum* usu tractatorum modo peculiari

liari à dicto *Campano Romæ*, quàm de ejus novis observationibus eorum ope in *Saturno* & *Jove* factis.

Quare primò, postquam Dominus *Auzoutus* movisset quasdam difficultates vel scrupulos contra *Campani* Methodum tractandi *magna Telescopia*, in eorum elaboratione sine *modulis*, ope *Torni*, examinat *Observationes* factas talibus *Telescopiis*: Ubi, commendata *Campani* sinceritate in referendo quicquid sibi videbatur observasse in *Saturno*, sine accommodatione ejus ad *Domini Hugonii Hypothesin*, asserit, quod supposito, esse *Annulum* circum *Saturnum*, Dominus *Campanus* non potuit videre omnibus istis diversis temporibus, quibus cum observavit, *easdem apparentias*, quas notat se *re ipsa* vidisse. Nam, cùm illum viderit aliquando in *Aspectu Triangulari* cum *Sole*, & *Orientalem*; aliquando, in eodem *Aspectu*, sed *Occidentalem*; aliquando in *Aspectu Sextili*, & *Occidentalem*; alio tempore, rursus in *Triangulari Aspectu*, & *Orientalem*, non potest sibi imaginari hic Author, quomodo *Saturnus* habuerit omnibus his diversis temporibus differentiam *Phasum* suarum, aut semper servavit eandem *umbram*; cùm, secundum *Hypothesin Annuli*, quando erat *Orientalis*, *umbram* deberet projicere, ad *sinistrum* latus *Annuli* inferius, nullâ projectione ad latus *dextrum*; & quando  
erat

erat *Occidentalis* non poterat non ad *latus dextrum* inferius projicere umbram, & nihil ejus ad *latus aduersum*.

Quod concernit *Umbram* superiùs, quam *Campanus* affirmat fieri *Annulo* in *Corpus Saturni*, *Domitius Auzoutus* judicat, non potuisse ibi esse tale *Phænomenon*, propter illius *Latitudinem Septentrionalem*, quæ fuit illis temporibus, quibus *Observationes* sunt factæ, vid. Mense *Aprili*, 1663. medio *Augusti*, & initio *Octobris* proximè sequentis, & Mense *Aprili* 1664. nisi fuerit Mense *Octobri*, & quidem *umbrâ* satis validâ, ut potuerit fieri visibilis.

Sed quod attinet ad *umbras inferius*, consentit *Campano*, eam apparere, licet non ita ut ipse annotat, cum debeat mox esse ab hoc, mox ab illo latere; & propè *Aspectum Quadratum* cum *Sole* debet apparere maxima, sicut certò affirmat semet hoc anno observasse, in tantum ut aliquando ipsi visa fuerit tegere totum *Annulum*, & *Umbram* conjunctam obscuro spacio intermedio, interrumpere circumferentiam *Annuli*; sed observatione factâ tempestate clara, nulla-que existente *Aëris Trepidatione*, videbatur etiam sibi conspexisse *Lumen* continuatum ab extra, licet valde tenue. Confitetur autem, se hætenus non potuisse præcisè determinare, quanto latitudo *Annuli* fuerit major *Corpore Saturni*. Quod concernit



proportionem Longitudinis ad Latitudinem, affirmat semper existimasse eam se habere ut duo ad dimidium vel circiter; sed quod compererit suis *Observationibus*, proximo Mense *Januario*, aliquando, Longitudo *Saturni* fuerit 12. *Articulorum*, & Latitudo 5. Alio tempore, Longitudo erat 12. *Articulorum*, & Latitudo 4. idque peculiari sua methodo. Verum tamen etiam confitetur, aliquando se eam existimasse habere ut 7. ad 3. & aliis temporibus ut 13. ad 5. &, si non accadat variatio in magnitudine *Annuli*, (quod nec est verosimile) illud necessario provenire ait ex Constitutione Aëris, aut Telescopiorum habentium vel maiorem vel minorem *Aperturam*, aut ex difficultate faciendi exactam æstimationem proportionum illarum. Quomodo-cunque tamen sit (ait,) non multum ablu- dit à proportionem, quam habent duo ad dimidium, licet *Campanus* Longitudinem *Annuli* tantum duplam Latitudinis consti- tuat.

Dominus *Auzoutus* opinatur se fuisse pri- mum qui benè observaverit illam Umbram Corporis *Saturni* in illius *Annulo*; quam asserit accidisse adhuc annis duobus; quan- do observatione factâ Mense *Iulio*, primâ vice *Telescopio* 21. pedum, & aliâ vice 27. pedum *Telescopio* perceperat, *Angulum* lo- ci obscuri à parte dextra inferius, esse ma- jorem

jorem & ampliorem, quàm alios tres *Angulos*, & quandam interruptionem *ibidem* esse, inter *Annulum* & *Corpus Saturni*; quam rem ait ab illo tempore indicasse omnibus suis amicis, & inprimis, quam citò fieri poterat, Domino *Hugenio*.

Confitetur, se non potitum esse opportunitate observandi *Saturnum* in ejus *Orientali Quadrato*; tamen nil dubitat, quin *umbra* appareat à *parte sinistra*, considerans quòd de *Existèntia Annuli* non possit amplius dubitari, post tot *Observationes Umbræ* projectæ ex *Corpore Saturni* in illum, sicut evenire debet, secundum illam *Hypothesin*, cum nulla sit ratio, cur dictam *Umbram* tantum ab unâ, & non ab aliâ parte projiciat.

Quod concernit *Observationem Iovis* ejusque *Satellitum*, quam celebris *Astronomus Bononiensis Cassinus*, edidit nempe quod 30. die *Iulii*, 1664. horâ 2½. matutina, observarit, *Telescopiis Campani*, per latam obscuram *Striam Iovis* duas obscuriores maculas, quas ipse æstimat *Umbras Satellitum circumjovialium*, motorum inter *Iovem* & *Solem*, istumque obscurantium per *Eclipsim*, & emergentium ex ejus *Occidentali extremitate*: Hic *Author* primò conceperat, eas non esse *Umbras*, sed quasdam *Protuberantias*, vel *Prominentias* in *Stria* illa; ad quod credendum moveba-

tur eo quod non perciperet *Prominentiam* illam, quam ibi videbat, esse ita nigram, neque ita rotundam, atque *Cassinus* maculas suas repræsentarat; quare, considerans parvam differentiam coloris ejus à colore *Striæ*, & ita non censens eam rotundam, quia confisteret tantum semidiametro suo extra *Striam*, sibi persuasit, eam potius fuisse *Protuberantiam* aut *Prominentiam Striæ*, quàm rotundam *Umbra*, qualem conveniebat projectam à *Satellite Iovis*. Sed post id temporis melius informatus omnibus observationibus factis per *Cassinum* & *Campanum*, novis Telescopiis, visaque ejus *Figura*, candidè & publicè optat, ut nunquàm locutus fuisset de *Protuberantia* vel *Prominentia*; confitens se non amplius dubitare posse, quin illa fuerit *Umbra Satellitis* inter *Iovem* & *Solem*, cum viderit aliam emergere, simul ac Observationem instituerit 20. pedum Telescopio, & non perceperit *Umbras* illas Telescopio 12. pedum: Sed etiamsi largiatur verius se illos conjectasse, tamen illud facit hac cautione, *vid.* si Observationem illam diei 30. *Iulii* non fecerint Telescopio suo 36. sed 12. vel 17. pedum. Si miratio subit, cur Dominus *Auzoutus* non viderit hanc umbram moveri, ipse semet excusat per suam invaletudinem pro faciendis diuturnis Observationibus, & addit,

addit, potiori jure admirandum esse, quod nec *Campanus*, nec ipsemet viderit in obscura *Stria* Corpora *Satellitum*, utpote partes Lucidiores *Striae*. Nam (inquit) licet *Latitudo* esset *Australis*, cum tamen illa non excederet 9. aut 10. minuta, corpus *Satellitum* deberet, ut opinatur, progredi inter *Nos* & *Striam*, inprimis secundum *Campanum*, qui adeo latam statuit *Striam*, & collocat *Umbras* satis longè intra eam. Inde concludit aut se & illum non satis benè observasse, aut motum *Satellitum* non exactè sequi *Strias*, & esse inclinatum versus eas. Quare constituit, quodocunque compererit eos movendos inter *Iovem* & *Nos*, & exituros è regione *Striae*, observare, utrum eos possit videre apparentes in *Stria*, tanquam in basi obscuriore, præcipuè *tertium* eorum, qui aliis sensibilibiter major est, & lumine antecellit. Sperat etiam, cum tempore videndam *Umbram Lunulae Saturni* in *Saturno*, quanquam adhuc aliquos annos expectare liceat, & nos melioribus Telescopiis instruere.

Ex hac rara Observatione infert *Proportionem Diametrorum Satellitum Iovis* ad *Diametrum Iovis*: & arbitratur, non longius posse dubitari de motu horum 4. *Satellitum*, vel *Lunularum Circum-Iovialium* circum *Iovem*, sicut *Luna* movetur circum *Terram*, eodem

que modo, quo alia Coelestia Corpora nostri *Systematis* moventur: unde etiam firma conjectura fieri potest, *Saturni* Lunulam moveri similiter circum *Saturnum*.

Hinc quoque captam occasionem intimandi, nobis non esse dubitandum concludere, quòd si hi duo *Planetae* habeant *Lunularum* circumvolutionem circum se, sicut *Terra* nostra habet Lunam circumvolutam circum se, conformitas illarum *Lunularum* cum nostrâ *Lunâ* probet conformitatem nostræ *Terræ* cum illis *Planetis*, qui secum rapiantes suas *Lunulas*, moventur circum Solem, & secundum summam verisimilitudinem faciunt *Lunulas* suas circum se moveri motu suo circum *Axem*; nec ait esse causam excogitandi vel comminiscendi perplexas & incredibiles *Hypotheses*, ad recedendum ab hac *Analogiâ*, quando quidem (inquit) si hoc est verum, prohibitiones vel Interdicta publicandi hanc doctrinam, quæ antea fuerant Novitatis Offensâ induta, revocabuntur, cujus spei ansam præbuit quidam maximorum Zelotarum Doctorumque contrariæ Opinioni, teste *Eustachio de Divinis*, in suo *Tractatu* contra *Dominici Hugonii Systema Saturni*, pag. 49. ubi docemur, Doctum illum Societatis Jesu Patrem *Fabrum Poenitentiarum S. Petri Romæ*, in hæc verba scribere: „ Ex Vestris, usque „ *Coryphæis* non semel quæsitum est, utrum  
ali-

„ aliquam haberent demonstrationem pro  
 „ *Terræ motu*, adstruendo. Nunquam ausi  
 „ sunt id asserere: Nil igitur obstat, quin lo-  
 „ ca illa in sensu literali Ecclesia intelligat, &  
 „ intelligenda esse declaret, quamdiu nullâ  
 „ demonstratione contrarium evincitur; quæ  
 „ si forte aliquando à vobis excogitetur (quod  
 „ vix crediderim) in hoc casu nullo modo  
 „ dubitabit Ecclesia declarare, loca illa in sen-  
 „ su figurato & improprio intelligenda esse,  
 „ ut illud Poëtæ, *Terraque urbesque rece-*  
 „ *dunt* „.

Hinc concludit Author ille, quod cum dictus *Societatis Iesu Pater* nobis asserat, *Inquisitionem* non absolute declarasse, loca illa *Scripturæ literaliter* intelligenda esse, cum *Ecclesia* possit constituere Declarationem contrariam, nemo debeat dubitare scilicet *Hypothesin Motus Terra*, sed tantum tollerare dictam Hypothesin publice defendi, donec prohibitio fuerit revocata. Sed ut ad rem præsentem revertamur, Author hic, consideratis omnibus observationibus & Relationibus *Cassini* & *Campani*, nulla ratione se ait posse diutius dubitare de Excellentia Telescopiorum ab ijs adhibitorum, præ suo; nisi fortè differentia illa sit imputanda diversitati *Aëris*, aut *Oculorum*. Sed potius inclinat in illam opinionem, ut adscribat illam bonitati Telescopiorum eorum, idque cò libentius, quòd non velit

videri jactuofus laudare propria, de quibus tamen simul notum facit, se curasse quoddam 150. *Parisiensium* pedum confici; quod licet non possit ferre titulum optimi, tamen nil desperat ex eo se bona, & longè majore longitudine, confecturum.

VII. *Responsum Domini Campani: & Domini Auzouti Animadversiones in illud Responsum.*

**A**Ltera Pars hujus *Gallici Tractatus* continens *Campani Responsum*, & *Domini Auzouti Animadversiones* in illud, initium capit à prætenfis *Umbris Annuli* in *Saturno*, & *Saturni* in *Annulo*. Quâde re *Campanus* declarat se nunquam credidisse illas fuisse *Umbras*, factas per *annulum* in *Discum Saturni*, vel per corpus *Saturni* in *Annulum*, sed *Extremitates* horum *Corporum*, cùm ea sint *inequaliter* *Lucida*, ostendisse hæc phænomena. Cui explicationi, inquantum ostendit, dictum *Campanum* putare tantum notari *Inequalitatem Luminis*, quam ait, sua *Telescopia* detegere, Dominus *Auzoutus* in tantum acquiescit, ut duntaxat optet suis *Telescopiis* videre istas diversitates. Deinde ad *Objectionem*, factam à Domino *Auzouto*, contra Dominum *Campanum*, de *Proportione Longitudinis Annuli*  
ad

ad ejus Latitudinem, Campanus replicat, Telescopia Domini *Auxouti* prorsus non ostendere particularia illa, quæ sua faciant, & propterea inepta esse determinandæ veræ Figuræ & Latitudini apparentis *Ellipsis Annuli*. Ad quod Dominus *Auxoutus* contra replicat, se quidem ægrè ferre, quòd destitutus sit melioribus Telescopiis, attamen difficillimum fore pro futuro *Campano* convincere de *Proportione Annuli*, quandoquidem Latitudo *Ellipsis* semper diminuatur, quanquam, si Declinatio *Annuli* semper eadem maneat, facile est semper cognoscere, quæ fuerit ejus maxima latitudo. Sed ipse asseverat, Latitudinem *Annuli* non esse dimidiam ejus Longitudinis, neque eam tantum extendi ultra *Saturni* Corpus, quam ipse proposuerit. Et simul desiderat cognoscere, quid Dominus *Campanus* possit respondere Domino *Hugenio*, qui, cùm sit persuasus, Declinationem *Annuli* non excedere 23.gr. 30.min. eo quòd viderit *Annulum* extendi supra Corpus *Saturni*, concludit, in literis ad Dominum *Auxoutum*, longitudinem *Annuli* esse plus quam triplam *Diametri* Corporis *Saturni*, quæ secundùm *Campanum* se tantùm habet ad dictum *Diametrum*, ut 67. ad 31. Quæ tamen differentia non videtur Domino *Auxouto* tam magna; sed putat Dominum *Hugenium* illam fortassis imputaturum



Opticis rationibus, quas ipse (*Auxoutus*) produxit de progressu Luminis in locum obscurum; etsi arbitratur, illum non conclusurum fuisse tantam Longitudinem, nisi vidisset Latitudinem magis extensam, quam ipse viderit; nam (*ait*) si Longitudo *Annuli* se habeat ad Corpus *Saturni*, ut 2<sup>1</sup> ad 1. & *Inclinatio* sit 23. gr. 30. min. utique *Annulus* exactè æquè latus esset, ac Corpus sine ullâ Extensione; sed si *Annulus* sit major, paululum extenderetur; & si Proportio esset tripla, necessariò deberet dimidio Latitudinis ejus extendi, quod ipsi non apparuit ita.

Porro, quod attinet ad Domini *Auxouti* mutationem Opinioni prioris in eam, quâ credit *Protuberantiam* aut *Prominentiam* à se visam in *Iove* fuisse umbram alicujus ejus Lunularum, *Campanus* declarat, se nolle esse autorem hujus mutationis: Quamobrem Dominus *Auxoutus* miratur, cur Dominus *Campanus* illam non designaverit in suâ Figurâ; & vellet libenter cognoscere, utrum illa *Protuberantia* facilius detegi possit, quàm *Umbra Satellitum*, quas *Campanus* opinatur, *Auxoutum* non vidisse; & utrum certus sit, obscuras illas partes, quas ibi distinguit, non dimoveri loco suo: nam si non moverentur, tum *Jupiter* non moveretur circa suum *Axem*, quod tamen facit, secundum Observationem factam à Domino *Hooke*,

*kio*, 9. Maji 1665. & insertam in primis foliis horum Actorum. Cujus itaque Particularis plenariam detectionem facit ipse partem operis *Cassini & Campani*, quandoquidem videant tam distinctè inæqualitates in *Striis*, & observent aliquando alias *maculas* præter *Umbras Satellitum*: ubi exhortatur omnes Curiosos, qui fruuntur commoditate observandi, ut allaborent detegendæ materiæ tanti momenti, quæ probatura esset unam ex maximis *Analogiis* pro *Terra Motu*.

VIII. *Relatio de Domini Doctoris Richardi Loweri. recens editâ Vindicatione Diatribæ de Febris Doctoris Willisii.*

**T**Itulus hujus Curiosi Operis est, *Diatriba Thomæ Willisii Med. Doct. & Profess. Oxon. De Febris Vindicatio, Authore Richardo Lower, &c.* In eo occasione datâ discutuntur varix notatu dignæ Medicæ & Anatomicæ quæstiones, e. g. Utrum Febris consistat in Effervescentiâ Sanguinis? Et si sic, cujus generis? Utrum sit Nervosus & Nutritius Succus? Utrum officium Sanguificationis competat Sanguini ipsi, existenti ante *Viscera* (ad minimum) quæ putantur esse Organa sanguificationis? Quomodo *Nutritio* fiat, & Alimentatio assimiletur?

Utrum sanguis præstet tam materiam ad structuram Corporis, quàm etiam tales partes, quæ sunt aptæ alimentationi ejus? Utrum pulsu Cordis cessante remaneat adhuc quædam motio in sanguine, unde evincatur, *Pulsus* & *Vitam* ultimatè remanere in *Sanguine*? Utrum Vasa Umbilicalia derivent sanguinem ex Matre ad Infantem, aut utrum *Fœtus* ut plurimum formetur & agitetur Circulatione Sanguinis, ante existentiam Vasorum Umbilicalium, aut ante connexionem *Fœtus* cum *Utero*? Novum Experimentum ad probandum *Embryonem* non transmutari in sanguinem *Iecinore*. Discursus de naturâ *Sanguinis*, & quæ sit differentia inter *Venalem* & *Arterialem* Sanguinem, & quibus Usibus specialibus tam ille, quàm hic, sint destinati. Ubi consideratur, quid sit *Vita*, & unde *Anima Brutorum*, ejusque subsistentia, & operationes dependeant. Etiam disquiritur, quinam sit usus *pulmonum* in *calidis* animalibus? Et varix aliæ similes dispositiones materiales reperiuntur in illo parvo quidem, sed ingenioso & docto Tractatu.

## A C T A

## PHILOSOPHICA.

*Die Luna, 3. Julii 1665. N. 5.*

Contenta.

I.. *Relatio, quomodo Aditus & Fodinæ elaborentur Leodii sine Spiraculis, communicata ab Equite Roberto Morajo.* II. *Modus facile & citò rumpendi durissimas petras; communicatus ab eodem Viro, prout ipse acceperat à Domino Du Son Inventore.* III. *Observanda in Capite Monstruoso.* IV. *Observanda in Cadavere Comitissæ Belcarrensis, Missa ex Scotiâ.* V. *Relatio de designato Progressu faciendo in Educatione Bombycum, & Confectione Serici, in Gallia.* VI. *Quæstiones concernentes Agriculturam, pro Arvis, & Pratis seu Pascuis.*

*49* I. Re

I. *Relatio*, quomodo *Aditus* & *Fodinæ* elaborentur *Leodii sine Spi-  
raculis seu, Cuniculīs Aëreis commu-  
nicata ab Equite Roberto Morajo.*

**F**odinarum peritis notissimum est, nihil esse incommodius elaborandis *Fodinis* vel *Aditibus* subterraneis, ad deducendam *Aquam*, aut talia *Mineralia*, quæ *Fodina* producit, quàm *Vapores*, *Defectus* & *Impuritas Aëris* occurrentis, quando ejusmodi *Aditus* elaborantur ad interiora, super *Lineam Horizontalem*, vel circiter, 20. 30. aut 40. org. plus minus: Tam propter maximos sumptus, quam propter longi temporis moram, quæ requiruntur in *Ordinario* modo præveniendi aut prospiciendi illis incommoditatibus, qui fit demittendo *Spiracula à Die* (ut *Fossores* vel *Metallurgi* loqui amant) usque ad concursum *Aditus*; quarum ope *Aër* potitur libertate pervagandi totum opus, adeoque fugat infalubres *Vapores*, & , *Procurat Aërem* *respirationi idoneum*. Quorum *Spiraculorum* sumptus, ratione eorum profunditatis, duritiei petræ, & attractionis aquæ, &c. aliquando exæquant, imò excedunt *ordinarios* sumptus totius *Aditus*.

Inter *Remedia* quæ fuerunt considerata  
ad

ad medendum difficultati illi, est quoddam  
usitatum in *Fodinis Carbonariis*, prope ci-  
vitatem *Leodium*, quod videtur aliis præfe-  
rendum virtute, facilitate, & vilitate pre-  
tii: cujus descriptio sequitur.

Ad orificium vel introitum *Aditus* est  
structura ædificata ex *lateribus*, sicut *cam-  
inus*, circiter 28. vel 30. pedes in totum  
alta: in basi duo opposita latera sunt (aut  
possunt esse) circiter  $5\frac{1}{2}$ . pedes; & alia duo  
5. pedes lata: murus *fesquilaterem* crassus.  
In illius submissiore parte, est foramen,  
circiter 9. vel 10. digitorum Quadratum,  
pro excipiendis Cineribus, quo facto, Fo-  
ramen illud Cinerum immediatè obturatur  
adeò arctè, ut per nullam ejus partem Aër  
irrepere possit. Deinde, circiter tribus pe-  
dibus supra fundum, est ab illa parte, quæ  
est prope *Aditum* vel Puteum, Foramen  
Quadratum undique 8. vel 9. digitorum,  
per quod intrat Aër ut ignem faciat ardere:  
In hoc foramine fixus est Quadratus *Tubus*  
vel *Canalis* ligneus, cujus juncturæ & Ri-  
mæ ita sunt occlusæ membrana agglutinata  
super eas, ut nusquam possit Aër inserpere  
præterquam per extremitatem: Et Canalis  
ille, secundum Progressum *Aditus* vel Pu-  
tei, prolongatur, adaptando novos Cana-  
les hac ratione, ut semper una extremitas  
alteri intrudatur, & Juncturæ Rimæque ad-  
huc magna diligentia cœmententur & ob-  
turen-

turentur ut ante. Sic Canali porrò vel Tubo adducto tam prope Muro vel loco, ubi Novus Aër requiritur, quàm necesse est fieri ; Ignis in Camino pergit attrahendo (ut ita dicam) Aërem per Tubum, sine quo non potest ardere, quod nihilominus faciet, uti facile est conceptu, (omnibus illustrationibus & Philosophicis Explicationibus hic superfluis,) & ita, dum Aër attrahitur ab Igne ex remotissimâ & intimâ Parte *Fodinae* vel *Aditus*, necessariò debet novus Aër ab extra intrare ad supplendum locum alterius, qui suâ motionè aufert secum omnes insalubres vapores, quos fundus exhalat ; quibus mediis *Aditus* totus semper repletus erit novo Aëre, sic ut ibi possint homines non minus tutò respirare & Aërem trahere quàm extra, nec tantum Candelæ ardere, sed & Ignis, quando aliquâ occasione eo opus est pro ruptione Petræ.

Ut verò nunquam sit defectus ejusmodi Recentis Aëris, Ignis perpetuus asservandus est in Camino, aut ad minimum secundùm necessitatem frequens : In quem finem adesse debent duo ferrei clathri vel Camini aut foci, ut, si quo casu accidentario inutilis fiat alter, alter sit paratus prioris locum occupare, Carbonibus primùm benè in eo accensis : sed igne propemodum consumpto, Caminus aut focus, vel Clathrus







thrus sublatus ad orificium, implendus est novo nutrimento, vel materie combustibili.

Figura Fabricæ, Camini, omnesque ejus partes hic subnexæ sunt, alia facili negotio intelligentur.

Figura I.

A. Foramen pro excipiendis Cineribus.

B. Foramen Quadratum, cui infigitur Tubus vel Canalis ad attractionem Aëris.

C. Margo vel Ora Lateritia seu Ferrea, de quâ Ferreus Clathrus vel Cunæ, in quibus sunt Carbones ardentes, dependent, sic ut ora exactè sit adaptata clathro, & contra.

D. Foramen, in quo Cunæ collocantur.

E. Tubus Ligneus, per quem Aër deducitur ad Cunas.

F. Orificium per quod Clathrus & Cunæ intro mittuntur, quod collocandum est 8. vel 10. pedibus supra Foramen D. & Fores debent esse ex Ferro, vel Ligno quod non contrahatur, ut arctissimè occludi possint; Orificium illud vel Ostium debet etiam satis amplum esse, ut facilè recipiat Cunas.

G. Clathrus vel Cunæ, quæ sunt arctiores inferius quàm superiùs, ut Cineres eò facilius decendant, & Aër excitet Ignem; cùm basis non minus sit pessulis obdita, quàm latera.

H. Margo vel Ora Cunarum, quæ quiescit super Margine C.

I. Qua-

I. *Quatuor Catena Ferrea affixæ quatuor angulis Cunarum, pro earum attractione in altum, proque demissione.*

K. *Catena Ferrea, cui priores sunt affixæ.*

L. *Trochlea vel Sucula Ferrea seu Aenea, per quam transit Catena.*

M. *Uncus, cui affixa est extremitas Catene Annulo, est verò Uncus fixus positus ad latus Orificii vel Ostii.*

N. *Vestis Ferreus in Muris, cui affixa est Trochlea vel Sucula.*

Quò altior est *Apertura Camini*, eò melius ignis attrahit Aërem. Et hæc inventio adhiberi potest in *Puteis* vel *Aperturis Perpendicularibus*, aut aliquâ ratione Perpendiculo accedentibus, cum in earum fundo destituti sunt recente Aëre, aut cum aggravantur *Exhalationibus* vel *Vaporibus*.

II. *Modus facile & cito rumpendi durissimas petras, communicatus ab eodem Viro, prout ipse acceperat à Domino Du Son, Inventore.*

Quaquam inventio cum facilitate & acceleratione rumpendi duras petras, possit esse utilis in diversis occasionibus, beneficium sanè infinitum est, quo illi affici possunt, quibus *Aditus* vel *Transitus* excidendi





dendi sunt per duras *Petras*, ut Viam præparent Aquæ, quæ per eos effluat ex *Fodinis Plumbi*, *Stanni*, aut alterius cujuscunque Metallî; quales Aditus videntur esse tutissimus, vilissimus ratione sumptuum, & commodissimus modus, qui concipi possit, erivandæ Aquæ istius.

Qui modus hic describitur, inventus fuit ab Excellentissimo quodam Orbis *Mechanico*, *Domino Du Son*, qui ipsemet illum nuper in *Germanicâ* experimento probavit, desiderante id videre *Electore Moguntino*. Methodus fit modo sequente.

*Fodina* vel *Aditus* conficiendus est in altitudinem septem vel octo pedum, quod licet majoris laboris opus videatur deorsum, tamen necessarium comperietur ad majorem accelerationem reddendo inventionem magis effectivam.

Est *Instrumentum Ferreum* bene indito chalybe duratâ extremitate, quæ secat Petram (figura ejus est repræsentata *Fig. 2.* hic annexâ) 20. vel 22. digitos aut amplius longum, & circiter  $2\frac{1}{2}$ . digitorum diametro extremitatis chalybe induratæ, cujus reliquum est aliquantò tenuius. Extremitas chalybe indurata ita est figurata, ut sit apertissima penetrando Petram, utque extremitatis Anguli sint obtusiores, quò durior est Petra. Hoc *Instrumentum* primò manu tenendum est, in loco, quo Foramen faciendum

ciendum in illum usum, qui hîc simul ostendetur, collocandum venit; id est, in medio inter latera Petræ dissevandæ, sed quantum fieri potest, prope basin. *Instrumentum* collocatum percutiendum Malleo, qui eo melior, quò ponderosior, sive suspenso eo ad calamum motum cum axe, sive aliàs constituto, sic ut unus possit dirigere malleum, dum alter tenet Terebram vel Instrumentum. Quodsi fuerit suspensum in *Machina* vel *Structura*, aut alio modo conveniente, ille qui dirigit istud, non opus habet alio opere, quàm ut extollat id quantum potest, & sinat decidere propriâ gravitate, sic ut motus dirigatur, ut directè feriat Terebram. Post ictum Mallei, qui tenet Terebram, debet eam paulisper vertere ad cuspidem, sic ut acies vel Anguli concurrentes in cuspidem omnes feriant novum locum; & sic debet semper locum mutare ad singulos ictus, quibus mediis fragmenta singulis ictibus defringentur, quæ debent successivè auferri, prout necessitas postulaverit. Et ita opus vel labor debet continuari, donec *Foramen* sit 18. vel 20. Digitos profundum, & quidem quo profundius, eo melius. Hoc Foramine confecto in profunditatem requisitam, & conservato in possibili rectitudine & planitie laterum, tum species duplicis *Cunei* facienda, eique exactè adaptanda; cujus figura

gura conspici potest in annexâ 3. Figura.

Hic duplex *Cuneus*, cujus unaquæque pars 12. vel 13. Digitos lata est, & ita facta, ut ambæ debito situ conjunctæ constituent *Cylindrum Diagonaliter* sectum. Ambobo plana latera, quæ sunt contigua oblinenda sunt oleo vel quavis pinguedine, ut altera earum eò facilius prolabatur super alterâ; & una earum, quæ est suprema habeat in magnâ extremitate Cavam Rimam, ut illi affigatur *Macrocolumn* repletum *pulvere Tormentario*, filo, sic ut rotunda extremitas *Cunei* in tantum refecetur, quantum requirit latitudo Oneris chartacei, in quo est pulvis tormentarius, ut ejus latus externum respondeat residuo *Cunei*. Hic *Cuneus* debet habere Foramen perforatum per ejus longissimum latus, quod *illic catapultario* adimpletur, ad displodendum pulverem qui est in *Macrocolo*; sed non opus est ei nisi dimidiâ librâ *Pulveris*, quanquam aliquâ occasione major quantitas possit adhiberi, prout fuerit requisitum.

Deinde hoc *Cuneo* primùm intruso in Foramen, qui habet *macrocolumn*, rotundo latere, ubi Foramen accensorium est, existente superiore, alius *Cuneus* intrudendus est, quousque fieri potest in debito situ, sic ut cura habeatur, eos adaptari Foramini Petræ tam exactè, quantum ejus fieri potest.

Dein-



Deinde extremitate inferioris *Cunei* existente circiter digitum longiore, quàm extremitas superioris extrorsum, & plana, *Illex Catapultarius* superponendus est, & particula ardentis *Chordæ tormentariæ* vel *funiculi igniarii* immersa Sulphuri vel alii simili materiæ combustibili affigenda est, quæ tamdiu ardere possit antequam accendat vel displodat Pulverem, ut qui disponit rem, temporis satis habeat ad recedendum ex toto Puteo vel *Aditu*, postquam ita collocaverit frustum Ligni vel Ferri, ut alia ejus extremitas posita sit contra extremitatem inferioris *Cunei*, & alia contra murum lateralem, sic ut non possit delabi. Quod cum factum est, & Dispositor recessit, pulvis accensus primò expellit superiorem *Cuneum*, quousque procedere possit; sed cum figura extremitatis ejus ita sit facta, ut quò longiùs recedat, eo crassior fiat, donec tandem non possit ulteriùs procedere, tum ignis disrumpit Petram, ut progrediat, & ita diffringit & diruit quodcunque sibi circumpositum est, ut uno tempore maxima ejus pars vel omninò excutiat, vel ita destruat & disrumpatur, ut facilius removeri auferrique possit: Et secundum effectum unius talis *Macrocoli*, plura deinde applicari possunt, uti dictum est.





III. *Observanda in Capite  
Monstroso.*

**H**Oc fuit caput *Pulli Equini*, repræsentatum in annexâ *Figura 4.* primò conspectum à Domino *Boylea*, qui ibat in stabulum, in quo *Pullus Equinus* jacebat, & accipiebat caput abscissum festinanter & incomposite, cujus *Corpus* reliquum oculo ejus videbatur completè formatum, sine ullâ *Monstrositate* in eo observata. Deinde curavit illud imponi Vasi, & contegi *Spiritu Vini*, eo ipso præcipuè intendens, bonum exemplum simul cum experimento probatorio exhibere, posse scilicet ope dicti *Spiritus*, (quem ipse commendavit propter tales *Proprietates* in uno *Tentaminum* suorum de *Usu Naturalis Philosophiæ*) partes *Animalium*, & quidem ipsorum *Monstrorum*, *Æstate* ipsâ satis diu præservare, ut *Anatomici* potiantur commoditate illa examinandi.

Capite dissecto, & examinato, comper-  
tum fuit.

*Primò*, Quod non adesset ullum signum vel indicium *Nasi* in loco vel debito, vel alio quovis loco Capitis, nisi fortè duplex Sacculus CC. qui excreverat ex medio frontis vel Sincipitis, fuit quoddam ejus rudimentum.

*Dein-*

*Deinde*, Quòd *ambo oculi* essent uniti in unum *Duplicem Oculum*, qui fuit positus exactè in medio Supercilii, cùm Nasus deesset, qui illos separare debuisset, unde duæ cavitates oculares in Cranio erant unitæ in unum largissimum rotundum foramen, inque medium ejus, ex Cerebro, prodibat unus bene amplus *Nervus Opticus*, ad cujus extremitatem enatus erat *Magnus Duplex Oculus*; id est, *Membrana* illa, dicta *Sclerotis*, quæ continebat ambos, erat una eademque, sed videbatur habere *Marginem*, quo erant juncti, in perfectè rotundum circuitum, & anterior seu pellucida pars erat distinctè separata in duas *Corneas* albo *Margine*, qui eas distinguebat. Unaquæque *Cornea* videbatur habere *Iridem*, & *Aperturas* vel *Pupillas* distinctas; & factâ dissectione *Corneæ*, in eâ reperti sunt duo *globuli* vel *pupulæ*, aut *Humores Crystallini*, optimè figurati; sed ejus aliæ partes non poterant tam bene distingui, quia oculus tractatione valdè contritus erat, interioresque partes confusæ & loco motæ. Habebat quatuor supercilia, collocata modo expresso in Figurâ 4. per *aa*, *bb*; ubi *aa* repræsentat inferiorem, & *bb* superiorem Palpebram.

*Tandem*, Quòd exacte supra oculos, quasi in medio Sincipitis vel Frontis, esset profundissima depressio, & quòd ex ejus medio excresceret species Duplicis *Sacculi*, *CC*,  
parum

parum vel nihil continens; quibusdam tamen videbatur esse productio materiæ destinatae Naso, sed delirans vel loco suo aberrans per Monstruosam Conceptionem illam; fortassis fuere *Processus Mammillares* in unum Coniuncti, & tecti tenui & pilosa cute.

#### IV. *Observanda in Cadavere Comitissæ Belcarrensis.*

**H**Æ sequentes Observationes, abhinc aliquo tempore missæ fuerant ex *Scotia* per ingeniosum Virum, testem oculatum, ad Equitem *Robertum Morajum*.

1. Quòd *Ventre* hujus Nobilis dissecto, compertum fuerit *Omentum* esse macrum & parvum: *Hepar* valde magnum; *Splen* etiam magnus, repletus nigro spissoque humore. *Stomachus* ejus & *Viscera* omnia vacua, coloris Crocei, distenta solo Vento. *Vesica Felle* tumida humore nigro: *Renes* repleti specie sanguinis grumosi.

2. Quòd in *Thorace*, *Lobi* (i.e. extremæ Partes) *Pulmonum* essent integri, sed malo colore; in sinistrâ parte nigricantes & coerulei, in dextrâ, albicantes; cum tuberculo subflavo sub uno *Loborum*.

3. Quòd *Pericardio* (involucro *Cordis*) dissecto, nil aquæ istius appareret, cui *Cor* solitum est innatare; ejusque exterior

superficies, à *Basi* usque ad *Verticem*, non erat plana, sed asperrima. Cùm seorsim dissectum est, quantitas albi inspissatiquè liquoris effluebat, & infra *Basin*, inter dextrum & sinistrum Ventrículum, *duo lapides* reperiébantur, quorum alter magnitudine æqualis erat *amygdalo*, alter erat *duos* Digitos longus & *unum* latus, habens tres *Auriculas* vel crispas *Angulos*: Et in Orificio dextri Ventrículi, erat materia carnosâ pinguis.

4. Quòd totum corpus esset sanguine destitutum, tenue, & emaciatum, colore nigro & subcœruleo.

5. *Cranio* aperto, tam *Cerebrum* quam *Cerebellum* erant secundùm proportionem Corporis magna; & ex eo plus sanguinis effluebat, quàm in ambabus aliis *Regionibus* visum fuerat.

V. *Relatio de designato Progressu  
faciendo in Educatione Bombycum,  
& Confectione Serici, in Galliâ.*

CUM Rex Gallorum *Henricus Quartus*, promulgasset generale Decretum toti *Galliæ*, pro plantandis & propagandis *Moris*, & *Educandis Bombycibus*, constituens ibi *figere* & *firmare Bombycinam Mercaturam*, vel *Negotia Serici*; & cùm in hoc proposito tam felices progressus fecisset, ut in multis locis  
ejus

ejus Dominii magna copia talium Arborum  
exsurgeret, & Multitudo Bombycum pro-  
pagaretur, in magnum commodum Gen-  
tis *Gallorum*, in quantum erat satis memo-  
randum initium repagulum obdendi tran-  
sportationi multarum Millionum pro em-  
ptione Serici, & simul excellens medium  
bene utendi operâ plurimorum pauperum  
Orphanorum & Viduarum, multorumque  
senum, mancorum, & alterius generis ho-  
minum egenorum & inopum; Rex moder-  
nus *Gallorum*, nuper refuscitavit & suppe-  
tias tulit Instituto isti, expresse mandando,  
ut promoveretur quovis modo possibili, &  
præcipue in Regni sui *Metropoli*, circum-  
que jacentibus vel vicinis Regionibus; ut-  
que in eum finem totus modus Operis illius  
& Negotii vel Mercaturæ plenarie & accu-  
rate communicaretur scripto publico; quod  
etiam exsecutus est Dominus *Isnardus*, in  
Tractatu edito *Lutetiæ Parisiorum*, lingua  
*Gallica*, cui titulus: *Instructiones pro plan-  
tandis albis moris, Educandis Bombycibus, &  
Dispositione Serici Lutetiæ, & in circumja-  
centibus locis.* In quo libro, postquam Au-  
thor proposuit methodum, qua magnus  
ille Princeps *Henricus Quartus* usus est in or-  
dinando dicto opere & negotio vel Merca-  
tura, unâ cum illius rei successu, & fru-  
ctibus inde ad subditos derivatis, *Author*  
propriâ *experientia* longoque usu edoctus,



tradit nobis (videturque id candidè facere) quidquid hoc negotium concernit, in quatuor præcipuis capitibus. *Primò*, docet modum ferendi, plantandi, & erigendi Albas Moros (ceu Fundamentum Operum Sericeorum) ostendens, quot modis diversis *ista* possint fieri. *Secundò*, Educationem *Bombycum*, electionem bonorum Ovorum, eorumque *exclusionem*, ut & Nutritionem *Bombycum*, & præsertionem eorum imò & Curationem à morbis, unà cum modo faciendi illos texere modo utilissimo. *Tertid*, modum revolvendi eorum Sericum à Basibus ipsorum, addito *Schemate instrumenti* huic rei apti. *Quartò*, modum *conser-*  
*vandi Ova Bombycum* pro anno insequente.

Per totum librum dispersa sunt multa non indigna consideratu particularia, quamquam fortassis vulgaria. *Alba Morus* sicut aliis qualitatibus antecellit *Nigram*, sic *Autor* hic illam optimam censet, non tantum propter durabilitatem ligni, ejusque amplissimam extensionem utilitatis in opere tignario & scriniario: sed & propter aptitudinem foliorum ejus (præter illorum usum principalem in nutriendis *Bombycibus*) ad pinguefaciendas Oves, Capras, Vaccas, & Sues, factâ coctione & mixtione eorum cum fursuribus. Ipsæ Baccæ commendantur ab ipso ceu quæ sint excellentissimi usus in pinguefaciendis avibus domesticis, & in  
pro-

procurando, ut plurima ova ponant. In *Metamorphosis*bus, *Operatione*, & *Generatione* hujus *Insecti*, curiosissimus est observandarum plurimarum rerum. Metamorphoses eorum, ut scitur, quatuor sunt, quarum nulla forma cum aliâ conformitatem aliquam habet. Prima fit ex Ovo (magnitudine grani Sinapis, & colore obscurè fusco, si bonum est) in *Vermem* vel *Erucam*, sed speciei domesticæ, nobilis, & fructuosæ; quæ cum primum in lucem edita est, *Nigra* est, sed deinde *Alba* fit; habens 24. pedes, octo ex utraque parte corporis, & præterea 4. angustè fitas ex utraque parte capitis. Durante hac formâ constanter afficiuntur quatuor morbis, in quibus abjiciunt pelles suas, quorum singuli durant circiter 4. dies, quibus nihil omnino edunt; sed evadunt clariores, breviores, & crassiores. Secunda Metamorphosis fit ex *Verme* in *Aureliam* vel *Chrysalida*, præditam figura parvi pruni, in quam transformatur, texturæ suæ tempore finito; inque statu illo manet conclusa, in Calidis Regionibus, 14. vel 15. dies, in temperatioribus 18. vel 20. sine ullo nutrimento Aëris, quantum nos scimus. Quo tempore durante *Insectum* hoc duas tunicas relinquit, scilicet & illam *Vermis*, ex quâ fuerat transfigurata in *Aureliam*, & illam *Aureliæ*, ex quâ fit *Papilio*, in *Thecâ* vel *Involucro*. Tertia Metamorphosis fit ex *Aureliâ* in *Papilionem*,

prodiens ex *Theca* cum capite, pedibus & cornibus; cui transitui viam parat aqua subalba, quam projicit super Sericum, quæque humectans & eo ipso quodammodo putrefaciens illam, nova creatura extollit caput suum per acutam Extremitatem involucri, idque per foramen sibi æquale. In *Involucro* nullum excrementum reperitur, nisi tantum duæ pelles, jamjam memoratæ.

Antequam incipiant texere, & circa ultimum terminum nutritionis eorum debent, ut ait *Author*, sæpiùs loco moveri, & satis Aëris habere, per apertas Fenestras Loci, in quo sunt, nisi forte sit pessima tempestas; alias, inquit, sericum quod est in ipsorum Ventribus, causaretur in illis tam extraordinarium Calorem, ut adureret ipsorum viscera vel intestina, imò quandoque disrumperet eos; atque idem illud (existens materia similis Gummi vel Burgundicæ pici) putrescit & vertitur in materiam subflavam.

Prodit optima indicia maturitatis eorum ad texendum esse, quando incipiunt perdere albedinem suam, circulosque suos virides & flavos, & quando accipiunt Colorem carneum, præcipue in caudâ suâ; habentes speciem *consistentis* mollitie, ostendentis habere illos quiddam substantiale in Stomachis suis.

Quod

Quod attinet ad *Operationem* illorum, hanc relationem de eâ tradit, quòd prima die tantum *Telam* faciant; secunda, formant intra hanc *Telam Involucra* sua, & contegunt se ipsos undique Serico; die tertia, non amplius videntur, diebusque sequentibus crassa faciunt involucra sua, semper una *extremitate* vel *filo*, quod ipsi nunquam abrumpunt. Hoc, asserit, eos tanta celeritate expromere, & tam subtile & longum protrahere, ut sine *Hyperbole*, *extremitas* vel *filum* singulorum involucrorum extendatur in longitudinem duarum *Leucarum*. Advertit nulla ratione debere eos interrumpi in opere suo, ut omne Sericum, quod habent in ventribus suis, proveniat.

Octo circiter diebus post absolutionem operis eorum, tot ex optimis *Involucris*, quæ pro *semine* servire debent, *vid.* primò factum durissimum, maxime rubrum & optime coloratum debet seligi & seorsim poni; & omnis diligentia adhibenda ut pro possibili festinatione revolvatur sericum, præcipue si *Vermes* celeriter absolverunt opus suum.

Hic magnam partem libri sui impendit, dandis specialissimis instructionibus, concernentibus modum revolvendi Sericum, simul describens figuram Fornacis & instrumentorum huic operi necessariorum, quod

est omnium laboriosissimum & tenerrimum

Quod concernit *Generationem* illorum, præscribit ut eligantur tot mascula, quam foeminea *involucra* (quæ discernuntur eo, quòd mascula sint acutiora in utraque extremitate, & foeminea obtusiora in extremitatibus, & majora circa medium) & ut cura adhibeatur, ut nulla *Involucra* accipiantur, nisi in quibus *Vermes* percipiuntur volutari; quo facto, & cum jam processerunt in forma *Papilionum*, habentes quatuor alas, sex pedes, duo cornua, & duos nigerrimos oculos, positos in loco convenienti, mares volitantes alis suis, adhærebunt & coibunt cum foeminis, postquam hæ se puras præstiterint à quadam specie liquoris rubicundi relictis in basi: in quo situ relinquendi sunt à tempore Matutino (quod est tempus ordinarium productionis eorum) usque ad Vespertinum, & tum leniter foeminæ abstrudendæ vel dimovendæ sunt, quo facto tandem ova sua ponent, primùm emissio super basin alio humore, qui creditur procedere ex semine marium; sed mares tum abjiciuntur ceu inutiles. Admonet quòd, si in coitu permanferint ultra 9. vel 10. horas, (quod accideret, & id quidem horas 24. continuas, si soli relinquerentur) foemina inde vel magnum detrimentum acciperet, vel multum seminis in ventre ejus permaneret.

Se-

Semen primò proveniens est albissimum, sed intra diei spacium fit subviride, deinde rubrum, tandem pedetentim cineritium, quem colorem semper retinet, optimum est potissimum coloratum colore obscure fusco; illa autem grana, quæ nunquam perdunt suam albedinem, sunt sterilia omnino.

Quævis foemina communiter emittit circiter 300. grana, quædam non possunt omnia reddere, & moriuntur cum illis in ventre existentibus. Una uncia feminis requirit centum paria *Involucrorum*, totidem marium quàm foeminarum.

Cura adhibeatur, ne Glires, Mures, Formicæ, vel alia insecta, neque ullæ Gallinæ, vel Aves, appropinquent Semini, quia maximâ aviditate iis inhiant.

Hæc est summa contentorum in *Gallica* illo scripto, edito *Lutetiae Parisiorum*, pro promovenda *Confessione Serici* ibi locorum, prout jam usitata est in aliis Provinciis Regni istius; quæ in eum finem hîc est proposita, ut ex hac occasione consilium, quod Natio Anglica aliquando agitabat de *augmentandis amplificandisque Moris, & Educatione Bombycum*, pro *Confessione Serici vel Manufacturâ Bombycinâ* in suis Regionibus, renovetur, & animatio illa facta per Regem *Jacobum* Gloriosæ memoriæ, in hunc finem, (teste *Epistolâ*, quam misit Dominis Locotenentibus singulorum Comitatum Angliæ)

gliaæ) & promota à *Sua Serenissima Majestate* Rege moderno, executioni mandetur, in honorem *Angliæ & Virginie*, & incrementum Boni publici gentis istius; inprimis cum sit ratio sperandi; *duplicem Messum Serici* posse una *Æstate* in *Virginiam* evenire, sine minimo impedimento *Mercaturæ Nicotianæ Herba* ( vulgò *Tabaci* ) *Regionis* istius.

## VI. *Quæstiones concernentes* *Agriculturam.*

CUM *Regia Societas* in prosequendâ *Culturâ Naturalis scientiæ*, propositum sibi habeat, colligere *Historias Naturæ & Artis*, & in eum finem jam distinxerit semet ipsam in diversis suis Membris, pro distinctis inclinationibus & studiis eorum, in varia *pensa*, ad executionem dicti propositi: Hi Viri, quibus fuit *Commisssa* Consideratio *Agriculturæ*, & *Historia* ejus *Perfectionis*, opus suum aggressi sunt instituendo quædam *Capita Quæstionum*, distribuendarum *Viris Experientissimis Oeconomiae* in totâ *Angliâ*, *Scotiâ* ( i. e. *Magnâ Britanniâ* ) & *Hiberniâ*, ad procurationem *fidelis solidæque* informationis de *scientiâ & usu* jam obtinente & usitato in his Regnis; unde præter subsidium, quod illo modo accipiet generalis *Scopus collectionis* supra dictæ *Historiæ*,

ria, quivis locus utilitatem capere possit per auxilia, in quibusdam reperta, & occasio dari consideranti, quæ promotiones perfectionum in tota hac re ulterius fieri possint. Ut verò hæc *Quæstiones* universalius cognoscantur, & periti & economiæ publicè invitentur, ut communicent hac in re cognitionem suam, in *commune* bonum regionis suæ, non abs re duximus *præcipuas* illarum typis divulgare, simul precantes ut quodcunque Viri illi boni agnoverint ex propria sua *Peritiâ* & *Experientiâ* dignum illa de re communicatu, velint transmittere ad Typographos *Regiæ Societatis*, ut tradantur alterutri *Secretariorum* ejusdem. *Quæstiones* itaque sequuntur.

## I. Pro *Arvis*.

1. Suppositis diversis generibus Soli *Anglicani* esse, vel Arenosa, Sabulosa, Petrosa, Argillosa, Plastica, Levia, Ericosa, Paludosa, Syrtosa vel Sabulosa viva, Bituminosa, vel Frigida (Anglicè Weeping;) Informatio petitur, quo genere Soli vestra Regio maximè sit conspicua, & quomodo unumquodque præparetur, cum *Aratro* destinatum est?

2. Quæ *peculiares* Præparationes adhibeantur hisce terris, pro quovis genere Granorum; qua genere Culturæ præparentur,



rentur; quando, quomodo, & qua quantitate Cultura instituatur?

3. Quibus anni temporibus & quam sæpe Arvum iteretur; qualia Aratra adhibeantur pro diversitate Soli?

4. Quamdiu diversi Soli vervacta permittantur jacere inculta?

5. Quomodo, & pro quibus frugibus, Agri vel Campi *Ericosi* coli possint? Et quinam sint (siqui sunt in vestrà Regione) qui reducerunt *Solum Ericosum* in Agrum fertilem & frugiferum?

6. Quale Solum sustineat *Marga*? Quàm profundè communiter jaceat a superficie? Quænam est profunditas *Marga* ipsius? Qualis illius color? Quales agri illâ stercorentur? Quo tempore anni agris adhibenda? Quot vehes tribuantur Jugero? Quæ grana ferre possit Ager *Marga stercoreatus*, & quot annis continuis? Cui usui deinde Ager *Marga stercoreatus* possit aptari, &c.

7. Suppositis generibus Granorum vel Seminum, usitatorum in *Anglia*, esse Triticum, Farraginem, Siliginem, Hordeum, Avenam, Pisâ, Fabas, Vicias, Fagopyrum, Semen Cannabis, Lini, Navi; desiderio tenemur cognoscendi, qualia Grana serantur in vestrà Regione, & quomodo singula eorum præparentur sationi vel sementi? Utrum *immergendo*, & in cujus generis Liquorem, an verò *commiscendo*, & quibus?

8. Cùm

8. Cùm sint multæ species Tritici, ut *Triticum spica mutica*, *Robus vel Triticum spica mutica albicante granis rufescentibus*, *Triticum aristis donatum granis & spica rufescentibus*, quod est Tritici hybernici primum genus cristatum, *Triticum aristis circumvallatum*, *glumis hirsutis spica albicante*, *Triticum aristis circumvallatum vel munitum*, *Triticum aristis donatum, spica albicante, granis rufescentibus*, *Triticum aristis munitum glumis fuscis hirsutis*, *Triticum Conica figura hirsutum cum & sine aristis*, *Triticum aristis & spica & granis rufescentibus*, *glumis præ cæteris aristatis levibus & splendentibus*, &c. Et similiter *Avenæ*, ut *Avena Vesca*, *Nigra*, *Coerulea*, *Nuda*, *Caudata in Septentrionali Cambrobrittannia*: nec non *Hordei*, *Pisorum*, *Fabarum*, &c. Quæritur, quænam harum crescant in vestrâ Regione, & in quali solo; & quæ illarum ibi sint fertilissimæ; & utrum earum quælibet requirat peculiarem Culturam; & quomodo differant bonitate?

9. Quænam sint præcipua particularia observanda in electione Seminum frumenti, omnisque generis Granorum; & quæ species Granorum aptissimæ sint, ut aliis aliæ succedant?

10. Quæ quantitas cujusque speciei seratur in Statuto Jugero? & quâ ætate Lunæ & quo tempore Anni seratur?

11. Qui

11. Quibus Instrumentis Occident, i. e. terræglebas disrumpant, & conterant, & quibustemporibus?

12. Quantum boni Frumenti jugerum bene cultum, communiter solitum sit ferre, fertilibus, mediis, & sterilibus annis?

13. Cùm quædam communia Accidentia vel defectus, quibus subjectum est frumentum in suo incremento vel profectu, sint, Uredo vel Rubigo, Consternatio, inquinamentum; quænam putentur esse illorum causæ, quæque Remedia?

14. Cùm sint alia nocumenta, quibus incrementa capiens frumentum est subiectum, ut Lolium vel Zizania, Vermes, Muscæ, Aves, Mures, Talpæ, &c. quomodo contra illa cura adhibeatur?

15. Quibus occasionibus soleant fecare Frumentum recens in herba, aut illud nutrire; & quænam inde proficiantur commoda?

16. Quænam sint Anni tempora quibus metantur & disponantur cujusvis generis grana, antequam ex Arvo deducantur?

17. Quinam sint diversi modi præservandi Grana in culmo, in vel extra horrea, ab omnis generis nocumentis, qualia sunt Mures, Aduersiones, Pluviæ, &c.

18. Quinam sint modi separandi diversas species Granorum à Culmis, (i. e. tritrandi) & præparandi?

19. Qui-

19. Quinam sint modi præservandi quosvis acervos separatorum (vel trituratorum) Granorum à Nocumentis, quibus sunt obnoxii?

## 2. Pro Pratis seu Pascuis.

1. Quomodo supra memoratæ species Soli præparentur ad usum Pascuorum vel Pratorum?

2. Suppositis communibus Nocumentis horum Pascuorum vel Pratorum esse, Zizania, Muscum, Oxalin, Ericam, Filicem, Spinas, Tribulos, Rubos, Genistam, Juncoſ, Scirpos, Genistam Spinosaſ: quænam sint Remedia contra illa?

3. Quinam sint modi optimi erivandi Paludes, Arenam bibulam, Loca Uliginosa, &c.

4. Quænam sint diversæ species Graminis, & quæ habeatur pro optima?

5. Quænam sint præcipuæ circumstantiæ observandæ in reſecando Gramine; & quæ in faciendo & præſervando Fœno?

6. Quænam Species Graminis aptiſſima ſit aſſervationi in nutrimentum hiemale? Et quodnam Gramen optimum ſit Ovibus, Vaccis, Bobus, Equis, Capris, &c.

## Admonitio.

*Lectori hisce notmu sit, quod propter presentem Contagionem, quæ grassatur Londini, & infauſtam cauſari poterit interruptionem tam Commerciorum Literarum, quam Publicorum Conuentuum, Impreſſio horum Philoſophicorum Actorum ad tempus ſit intermittenda, quanquam cura habebitur, ut ſi poſſibile ſit, continuetur.*

A C T A  
PHILOSOPHICA.

*Die Luna, 6. Nov. 1665. N. 6.*

## Contenta.

I. *Relatio de Speculo quodam Concavo Cauſtorio. haud vulgari, nuper confecto Lugduni Allobrogum, & comparato cum aliis pluribus antehac confectis.* II. *De Domini Hevelii Promiſſo communicandi Orbi Inventionem ſuam Conſficiendorum Teſcopiorum; & de ſpe,*  
*quam*

quam præbuit Dominus Christianus  
 Hugenus de Zulichem, efficiendi  
 aliquid ejusdem nature; ut & de Ex-  
 spectationibus conceptis à quibusdam  
 in Angliâ, de Perfectione Teleσκο-  
 piorum. III. Intimatio modi fa-  
 ciendi expressiores Naturales Imagi-  
 nes in Cerâ, quàm unquam fuerint  
 depictæ; & de novâ specie Mappa-  
 rum arte depressâ Anaglypticâ vel  
 Sculptoriâ elaboratarum, quæ utra-  
 que in Galliâ in praxin deducuntur.  
 IV. Quædam Observationes Anato-  
 micæ, de Lactæ reperto in Venis loco  
 Sanguinis; & de Gramine, reperto  
 in Aspera Arteria quorundam Ani-  
 malium. V. De loco in Angliâ, ubi,  
 sine Aquâ Petrificâ, Lignum verti-  
 tur in Lapidem. VI. De naturâ  
 cujusdam Lapidis, reperti in Indiis  
 in capite Serpentis. VII. De mo-  
 do usitato in Dominiis Mogolis, con-  
 ficiendi Salem nitri. VIII. Re-  
 latio de Hevelii Prodromo Come-  
 tico

tico & de quibusdam Animadversionibus in *eum* factis à Philosopho Gallico; ut & IX. De Jesuitæ Kircheri Mundo Subterraneo. X. *Uterior Relatio de Observatione supra dicta, Sanguinis Albi.*

---

I. *Relatio de Speculo quodam Concavo Caustorio haud vulgari, nuper confecto Lugduni Allobrogum, & collato cum aliis pluribus antehac confectis.*

CUM opportunitas illuxerit, quâ reanimari possit Editio horum Foliorum aliquot menses interruptorum, propter gravitatem Pestis Londini grassantis, ubi imprimi cœperant; eam arripere placuit, eâque uti in gratificationem Curiosorum, qui dignati sunt bene sentire de ejusmodi Communicationibus: Atque ut ad Propositum redeamus, offert se nobis primò omnium Relatio de haud communi *Speculo Concavo Caustorio*, non ita pridem confecto in *Gallicæ* civitate *Lugduni*, à quodam appellato Domino *Viletto*, prout ea fuit missa *Editori* horum *Actorum*, duabus Epistolis, quarum

rum alia *Latina* sermone, alia *Gallico* idiomate conscripta erat in hanc modum:

Quod Concernit Efficaciam Speculi Concavi Cautorii Domini *Viletti* verum est quodcunque P. Bertetus de eo scripsit. Vidimus Effectus ejus bis terve repetitos, mane, meridie, & à meridie, semper validissimè Virtutem suam exferentis; adurendo aut liquefaciendo quamcunque Materiem, paucissimis exceptis. *Figura* ejus rotunda est, Diameter 30. Digitorum & paulò amplius. Ab uno latere circulo quodam Chalybeo cinctum est, ut exactè figuram suam retineat. Facile removeri potest, quamvis ultra centum libras ponderis habeat, & minimo labore in quemvis situm collocatur. *Punctum ustorium* circiter tres pedes à Centro Speculi distat. Focus in latitudine exæquat *Semiaureum Ludovici*. Manus quidem per eundem moveri potest, si videlicet sine omni morâ id fiat; Quod si enim commoraretur ibi saltem ad unius minuti secundi spatium, periculum esset, ne insigne exinde malum sibi quis conciliaret.

Lignum viride ut & plura corpora alia ignem inde concipiunt in momento.

Minutia Ferri ex Lebetae resoluta est in guttas, ut destillare in terram potuerint, 40. secundorum minutorum spacio.

Numus 15. Solidorum Gallicanorum  
(i.e.



(i. e. æqualis pretio  $\frac{1}{4}$ . Thaleri Imperialis) perforatus est 24. secundis.

Clavus Canthi resolutus est in guttas, ut destillare potuerint 30. secundis.

Extremitas Laminæ Ensis Olindensis adusta est 43. secundis.

Calculus Orichalceus perforatus est 06. secundis: (NB. in *Gallicis Ephim.* 8. Mart. 1666. sunt 43. secunda.)

Minutia bractæ ferreæ perforata est 6. minutis secundis, (NB. hoc in *Anglico* omis-  
sum est.)

Æreus nummus Putorius resolutus est in guttas, ut destillare potuerint 42. secundis.

Frustrum Laterculi Quadrati ex Camerâ Vitrificatum est in bullam seu guttam Vitri 45. secundis.

Chalybs, ex quo Automatopœi pinnas suas seu lingulas horologiorum fabricant perforatus est 09. secundis.

Lapis mineralis, qui affigitur sclopetis cum machinâ rotatili, quæ ignem excitat, calcinatus est & vitrificatus præcisè minuto uno.

Frustrum cœmenti vitrificatum est 52. secundis.

Ut breviter dicam, vix corpus ullum est, quod non consumatur hoc igne. Si liquefacienda esset major aliqua metalli copia, plus requireretur temporis, præsertim quia actio ignifera nonnisi juxta magnitudinem  
foci

foci fieri solet, ita ut communiter parva saltem frustra illi exponi soleant. Quidam dictus *Alibertus* Caustorium illud speculum emit mille quingentis Libris.

Post hanc Informationem fuere, occasione hinc datâ, super eâdem re, ulteriùs communicata *Luteriâ* Sequentia Particularia:

Optimè ex binis tuis literis percipio, te arbitrari *Magini* & *Settale* specula convenire cum illo *Lugdunensi*. Verùm affirmare tibi possum, nimium ea distare ab invicem. Consuli à Te potest *Magini* liber, in quo suum describit, & sunt etiam qui aliquod subjecerunt oculis, quod quidem ex maximis ipsius habitum fuit, quod verò vix 20. digitos in Diametro exæquavit; Unde maximè liquet *Lugdunense* duplo ferè majorem effectum edere. Quod ad *Settale* (vel *Septalii*) speculum attinet, exspectandæ sunt eorum, qui hujus rei bene gnari & æqui Arbitri sunt, relationes; Verùm vix comparari cum *Lugdunensi* præterquam in magnitudine poterit, & si verum est, ut dicis, habere id 5. palmos, qui circiter tres cum dimidio Pedes *Gallicos* circiter constituunt, esset quidem pede uno in Diametro major, & unâ fermè vice majorem superficiem haberet, quoad effectum verò, quoniam ad tantam distantiam urit, (dicitur enim ad 15. passus urere) tam violentum sanè haud edet; Imò me-

memini me audisse à quodam, qui id usurpaverat oculis, quòd non excitaverit ignem in ligno, nisi post elocutionem unius *Miserere*. De differentiâ effectuum iudicium optimum feres exinde, quòd *Lugdunense* 7. aut 8. *Articulorum* spacio, Settala verò nonnisi 3. digitorum spacio radios colligere potest. Quidam hic loci intendunt conficere talia, imò majora specula; sed expectandum est donec fuerint confecta, &c.

II. *De Domini Hevelii Promissa communicandi Orbi Inventionem suam Conficiendorum Telescopiorum; & de spe quam præbuit Dominus Christianus Hugenus de Zulichem, efficiendi aliquid ejusdem naturæ; ut & de Expectationibus conceptis à quibusdam Ingeniosis in Angliâ de Perfectione Telescopiorum.*

**E**Xcellentissimus ille Astronomus *Gedonensis*, Dominus *Hevelius*, scripsit Amico suo, quicum ei intercedit literarum commercium, *Londinum*, in hæc Verba:

Gestio audire quantum inter vos profecerit Artificium Telescopiorum, & quo fructu & successu initia illa, quorum ante  
men-

mentionem injecistis, progressâ sint. Abhinc annos decem ipse inveni peculiarem modum conficiendi talia Telescopia, & deduxi inventionem in praxin; quo facili negotio, sine ullo magno periculo aberrandi, confici & expoliri possint Lentes cujusvis sectionis *Conica*, idque (quod maximè notandum) in quovis orbe cujusvis Sectionis *Spharica*: quam Inventionem necdum ulli exposui, cum mihi propositum sit, in Perfectionem Scientiæ Naturalis, describere universam ejus Methodum in meâ *Cœlesti Machinâ*, eandemque Subjicere Examini vel Censuræ atque Judicio *Regiæ Societatis*; nihil dubitans, quin methodum illam sit compertura & veram & utilem, quando ipse jam confeci aliquot Telescopia ejus ope, quæ multi Docti & viderunt & probarunt.

Dominus *Hugenius* etiam inquirens in Epistolâ, non ita pridem Amico suo in *Angliâ*, scriptâ, de successu conaminum Ingeniosi *Angli* ad perfectionem reducendi talia Telescopia, & urgens eorum prosecutionem, sic ut per Effectus ostendat possibilitatem deducendæ in Praxin Inventionis, addit, sibi propositum esse brevi aliquid in re illâ tentare, de cujus bono successu asserit se spem concepisse.

Dominus *Du Son*, præstantissimus ille Mechanicus, interea incumbit *Londini* Perfectioni

fectioni Telescopiorum, conficiendo Lentes Figuræ *Parabolicæ*, quarum ope sperat Curiosos plura detecturos per Tubum unum pedem longum, vel circiter, munitum hujusmodi Figuræ Lentibus, quam detegi possit per quosvis alios Tubos multoties isto majores: Hujus rei successus brevi (ut opinor) illucescet.

III. *Intimatio modi faciendi expressiores Naturales Imagines in Cera, quàm unquam fuerint depictæ; & de novâ specie Mapparum arte depressâ Anaglypticâ vel Sculptoriâ elaboratarum; quæ utraque in Galliâ in Praxin sunt deducta.*

HÆc fuere communicata ab Ingenioso Domino *Johanne Evelyno*, cui fuere transmissa in Epistola Lutetia, ut sequitur.

Hic est in Viciniâ nostra *Gallus*, qui conficit expressiores Naturales Imagines in Cera, quàm unquam viderim *depictas*, pollens haud vulgari habilitate formandi Figuras, & miscendi Colores, Umbraſque; nec non ita ad vivum exprimens oculos, ut infinitis paraſangis superent quævis opera istius Artis, quæ per vitam oculis meis subjeci: Instituit proficisci in *Angliam* cum nonnullis Artificii sui operibus.

Vidi

Vidi quoque Novam speciem *Mapparum* arte depressa Anaglyptica vel Sculptoria elaboratarum : Nempe , Insulam *Antibe* in Quadrato circiter octo pedum , confecto ex ligno , cum Formatione simili Picturæ : Repræsentatur ibi Mare , cum Navibus aliisque Vasis Artificialiter confectis , cum eorum *Tormentis* & armamentis ligneis affixis superficiei , modo novo & summè admirando. Scopuli circa Insulam sunt accuratè formati , sicut apparent in ipso Loco Naturali : nec non insula ipsa , cum omnibus suis Protuberantiis , Montibus & Vallibus : Urbs , Arx , Casæ , Machinarium Propugnaculum , & Tormenta elevata ; ut & ipsi Horti & Aræ Arborum , cum suis frondibus erectarum , non secus ac si Naturali Colore florent : In *summa* , exstant Homines , Bestiæ , & quicquid concipere possis habere aliquam protuberantiam supra Lineam Horizontalem Maris. Hæc nova , jucunda & utilissima forma *Mapparum* , aut *Ligneorum Regionum* aspici potest vel *Horizontaliter* vel *ex obliquo* , & repræsentat undique æquè jucunda objecta.

IV. *Quædam observationes Anatomicæ de Lacte reperto in Venis loco sanguinis; & de Gramine reperto in Aspera Arteria quorundam Animalium.*

**V**ir Curiosus haud pridem scripsit *Lutetia*, ibidem Domi Medici nuper dissectam fuisse Viri Venam, in quâ repertum fuerit *Lac*, loco *Sanguinis*. Ad hanc rem communicatam Domino *Boylæo Oxoni*, ipse respondit, non dissimilem Observationem *Albi Sanguinis*, factam à Docto Medico sibi familiaritate conjuncto, & cum eam rem judicet observatu dignam, se gestire ante potiri circumstantiis ipsis ab eodem Medico communicandis, quàm plura de illâ verba faciat. Mensis proximus nos forte deducet in hanc Relationem.

Alterum particulare, memoratum in Titulo hujus Capituli, transmissum fuit per Epistolam scriptam quoque à Domino *Boylæo*, in hæc verba: Familiariter tibi notum facio, Duos ingeniosissimos Viros, D. *Clericum*, & D. *Lowerum*, communicasse mihi Relationem miræ cujusdam Observationis: quorum alter mihi affirmabat, se diversis vicibus, in Pulmonibus *Ovium* reperisse satis magnam copiam Graminis, in ipsis ramis

mis *Aspera Arteria* : & alter narrabat, se abhinc aliquot hebdomadibus, cum aliis duobus Medicis, invitatum fuisse ad conspiciendum *bovem*, qui duobus tribusve diebus continuis Collum suum tenuerat erectum, & interierat morbo quodam, quem Possessor divinare non poterat; quamobrem, partibus spectantibus ad Collum & Guttur dissectis, reppererunt ad admirationem suam, ipsam Cavitatem *Aspera Arteriae* repletam Gramine, quasi magno robore intruso: quod ipsum justam praeberet causam admirandi & inquirendi, tam qui tanta copia Graminis eò pertingere potuerit; tam, qui Gramine ibi existente, tale Animal tamdiu vivere potuerit.

V. *De Loco in Anglia, ubi, sine Aqua Petrifica, Lignum Vertitur in Lapidem.*

**I**dem Naturæ perscrutator, qui fuit citatus in immediatè præcedentibus Observationibus, etiam communicavit sequentem, per aliam Epistolam missam *Oxonia*, ubi ait.

Ante aliquod tempus invisens me Nobilis narrabat, se offendisse locum in his partibus *Angliae*, ubi, non obstante defectu Fontis Petrificantis (in illum enim specialiter



inquisivi) Lignum vertatur in Lapidem in ipsa *Terra Arenosa*, idque modo meliore, quàm in ullâ Aquâ unquam tactum videre licuit: Desideravi enim videre frustra Ligni, quæ inde apportarat, & exspecto opportunitatem quædam tentamina faciendi circa hanc materiam paulò ampliùs, quàm hactenus facere potuerim. *Hucusque Epistola illa*. A quo tempore, dedit ulteriorem informationem ejusdem materiæ, una cum Mantissâ aliorum quorundam Particularium, concernentium hoc subiectum, his verbis.

Nuper feci quædam tentamina petrifacti Lapidis, cujus mentionem tibi feceram, quam substantiam comperio valde miram, mireque duram & fixam. Si daretur opportunitas reïterandi impressionem *Historiæ Fluiditatis & Firmitatis*, diversa possem addere de *Lapidibus*, quæ forsan non futura sint ingrata; Spero quoque, si Deo placuerit mihi largiri aliquid otii, à me insertum iri varia in locis commodis *Historiæ* istius, proximâ *Editione*. Est hic peculiaris Lapis, qui putatur esse Os petrifactum, figura similis Ossi, cui Medulla exempta; sed apto *Menstruo*, reperi illum facile dissolubilem, ut alios molliores Lapides: & forsitan ejusdem virtutis erit cum *Osteocolla*, pro iisdem Medicinalibus Præscriptionibus.

VI. *De Naturâ Singularis Lapidis*, reperti in India in Capite Serpentis.

**A**Bhinc aliquo tempore missus fuit per *Philebertum Vernattum* ex *lavrâ Majore*, ibi commorantem, ad Dominum *Robertum Morajum*, pro Repositorio *Regiæ Societatis*, peculiaris Lapis, quem affirmat Vernattus repertum in Capite *Serpentis*, eundem impositum Vulneri inflicto à bestiâ quavis venenata, illi inhærere, & attrahere omne Venenum: & deinde injectum Lacti, in id evomere Venenum, & eo cœruleum reddere; quo modo adhibendus est Lapis tamdiu, donec Vulnus prorsus sit expurgatum.

Cùm similes Relationes fuerint datæ per varios alios, de tali Lapide, & præterea quidam in hac Civitate affirmarint, se Experimentum cum fructu fecisse, operæ pretium duximus, penitus inquirere in hujus Rei veritatem: à quo tempore nihil occurrit, præter Informationem expositam ab Ingenioso *Parisiensi*, Domino *Thevenoto*, in Tomo suo secundo *Relationis Variorum Curiosorum Itinerum*, cujus Operis Exemplaria quædam obtulit Amicis suis in *Angliâ*. Cum liber sit Gallicus, neque communis, censuimus non

præter rem facturos, si hic infereremus dictam Informationem, cujus sensus est ut sequitur:

In *Indiâ Orientali*, inque Regno *Quam-sy* in *Chinâ*, reperitur Lapis in Capitibus peculiarium *Serpentum* (quos appellant nomine significativo *Serpentes Pilosos*) sanans eorundem serpentum morsus, qui aliàs mortem inferrent Nychthimeri spacio. Lapis ille rotundus est, albus in medio, & circa extremitates cœruleus vel subviridis. Applicatus vulneri sponte suâ illi adhæret, nec priùs decedit, quàm venenum exfluxerit: Tum illum lavant Lacte, in quo aliquandiu detinetur, donec statui suo naturali reddatur. Rarus est Lapis, nam si secundâ vice admotus vulneri ei adhæreat, plenum est, non exhausisse omne venenum primâ vice applicationis; sin non maneat affixus, certum est omne venenum primâ vice fuisse extractum. Hucusque Autor noster *Gallicus*: in quo non apparet alicujus momenti differentia à Relatione ante memoratâ.

## VII. De modo usitato in Dominiis Mogolis, conficiendi Nitrum.

Modus ille exponitur in eodem libro Domini *Thevenoti*; cumque modus ille

ille fuerit disquisitus per diversos curiosos, ad comparandum eum cum modo usitato in *Europâ*, arbitramur non ingratam fore Lectori ejus insertionem in hunc librum sermone *Latino*; se verò habet, ut sequitur:

*Salnitri* reperitur in multis locis *India Orientalis*, sed præcipuè circa *Agra*, inque pagis, antehac magno numero incolarum habitatis, nunc desertis. Extrahunt illum ex tribus Terræ speciebus, nigra, flava, & alba: optimus est extractus est Nigra, destitutus enim est Sale *Communi*. Modo sequenti eum elaborant: Faciunt duos puteos à superficie fundi, non dissimiles iis, in quibus conficitur sal cômmunis; quorum alter alterum Peripheria antecellit, eumque replent Terrâ, super quam faciunt delabi aquam, & curant illam conculcari pedibus Virorum, sicque eam reducant in similitudinem Glutinis, & finunt duos dies ita quiescere, ut Aqua extrahat omnem Salem, qui est in Terrâ illâ: Deinde transferunt Aquam in alium Puteum, in quo Crystallizat in *Nitrum*. Coquunt eum semel vel bis in Aheno, secundum quod albiorem & puriorem desiderant. Dum igni impositus est, continuè illum despumant, & exhauriendo translocant in magna Vasa fictilia vel testacea, quorum singula capiunt 25. vel 30. libras, illaque exponunt clavis noctibus; & siqua remanserit impuritas, ea fundum

petet: Postea confringunt Vasa, & siccant Salem in aprico. Maxima Copia Salisnitri posset confici in his Regionibus; sed Incolæ Videntes Nos illum emere, *Anglosque* incipere idem facere, non minoris nobis nunc vendunt 6. libras (i. e. *Maon*,) quàm duabus cum dimidiâ *Rupis*, cùm antè istius pretii dimidio saltem constiterint.

VIII. *Relatio de Hevelii Pro-*  
*dromo Cometico unà cum quibus-*  
*dam Animadversionibus in illum fa-*  
*ctis à Philosopho Gallico.*

**M**agnus ille Astronomus *Gedanensis*, *Hevelius*, in *Prodromo* suo (ab eo ita dicto, quia sit quasi Præcursor. *Cometographie* ejus, quæ jam tantos sub Prælo progressus fecit; ut ex duodecim libris nonnisi tres imprimendi reliqui sint) tradit Relationem de Observationibus, quas fecit circa *Primum* duorum ultimorum Cometarum; reservans Observationes factas circa *Secundum*, magno illi Operi, in quo etiam propositum illi est, Materiam *Primi* illius specialius & plenius deducere; quàm hic fecerit.

In hac relatione exponit Ortum, Locum, Motum, Celeritatem, phases & caudam illius Cometæ, inspergens conceptus suos  
tam

tam de Regione Cometarum generaliter (utrum sit *Aër*, an *Æther*?) quam de Causis Generationis illorum: In hujus ultimi membri investigatione ait sibi multum profuisse *Telescopium* suum.

Non observavit hunc Cometam ante  $\frac{4}{14}$  *Decemb.* (etiamsi putat videri potuisse a 23. *Novemb. st. n.*) neque conspexit eum post  $\frac{8}{18}$  *Febr.* quanquam diversi alii viderunt illam & citius & tardius: non obstante quòd ipsemet continuerit investigationem ejus usque ad *Mart. 7. st. n.* licet frustra, quare censet ejus rei causam fuisse nimiam ejus distantiam & tenuitatem.

Comperit Motum ejus apparentem non fuisse in *Exactè* Maximo Circulo, sed aliquammultum declinantem ab eo; & conjicit singulos Cometas obnoxios esse huic Deviationi, cùm apparens ille Motus sit tardior, & Stellæ fiunt Stationariæ (quod ait accidere ratione *Eclipticæ*, non ejus proprii *Orbis*.) Hic observat Motum ejus, à  $\frac{8}{18}$  *Decemb.* usque ad *Decemb. 30. st. vet.* vel 9. *Jan. st. n.* fuisse ut plurimum in Circulo Maximo: sed inde statim cœpisse declinare ex illo Circulo *Septentrionem* versus; sic ut postea maximè notandâ & conspicuâ curvitate dirigeret cursum suum *Primam* versus *Arietis*: Cujus deflexionis Causam non dubitat tribuere *Materiæ Cometice*, vario situi & distantie Cometæ à Terrâ & Sole, annuo Motui Ter-

ræ, & impressio Motui, nec non inclinatio-  
ni *Disci Corporis Cometici*.

Apertè affirmat, sine *Motu Annuo Terræ* non posse dari rationem apodicticam ullius Cometæ, sed omnia esse involuta perplexitatibus, & deformata absurditatibus.

Inquirit etiam; cùm omnes Cometæ moveantur peculiari modo sibi *ingenito*, qualis sit Linea, quam motu proprio describant? Utrum Circularis, an Recta, an verò Curva, vel an partim recta, partim curva sit? Et quidem si Curva, utrum Regularis an Irregularis; si regularis, utrum Elliptica, an Parabolæ, an verò Hyperbolica? Respondet autem, Motum illum esse *Conicum*; & opinatur, Via *Conica*, posse omnia *Phænomena* Cometarum, sine ulla absurditate, facilè solvi; etiam illius, qui (teste Historiâ) spacio quinquaginta dierum transit ultra 12. signa *Zodiaci*, nec non istius, qui spacio duorum dierum pervagatus est 8. signa: & alterius, qui 48. dierum spacio prope-  
ravit cursu suo per omnia signa, C. S. S. (i. e. *contra Signorum Seriem*.) Quod quomodo explicari possit per hypothesein *Quietis Terræ*, & denegationem ejus *Motus Anni*, neutiquam intelligit.

Remittit ad *Cometographiam* suam has Disquisitiones: Utrum Cometæ (motu sibi connaturaliter innato) moveantur per æqualia *spacia* æqualibus *Temporibus*? quis-  
nam.

nam sit celerrimus, quisque tardissimus Motus, quo moveri possunt? quænam causa hujus Accelerationis & Retardationis veri ipsorum Motus?

Extra omnem dubitationis aleam ponit, esse eos in *Æthere* ipso, cujus Rei rationes profert non minimi valoris, & inter alias producit, Quod illud clarissimè evincant *Parallaxes*, quas multò minores comperit in Cometis, quàm in *Luna*, imò & quàm in *Sole* ipso aliquando. Ubi etiam proponit, se deduxisse *Horizontalem Parallaxin* hujus Cometæ ex unâ solâ Observatione, facta Febr. 4. st. n. qua reperit, Eum tum abfuisse à Terrâ 5000. Semidiametros Terræ, qui juxta Calculum ipsius efficiunt 4300000. milliaria *Germanica*. Ex hac ejus distantia a Terrâ deducit porro, illo die, cùm ad eò remotus esset à Terrâ, verum ejus *Diametrum* fuisse 2560. miliarium *Germanicorum*, i. e. tribus vicibus majorem Diametro Terræ, & ferè sexies majorem Diametro Lunæ, cujus Diameter, secundùm ejus *Theoriam*, est 442. miliarium *Germanicorum*.

Æstimat *Materiam* Cometarum esse in *Æthere* ipso, distinguens *Æthera* ab *Aëre* solâ puritate, & censens, Planetas emittere suas Evaporationes, & habere suas Atmosphæras, non secus ac nostra Tellus. Ubi affirmat, unicum Solem posse excernere



tantum Materię quovis tempore anno unius quantum sufficere possit inde procreandis non tantum uno vel duobus Cometis, exæquantibus in Diametro Lunam, sed plurimis; quæ cùm ita se habeant, quantum est, quod alii Planetæ contribuere possunt?

Hanc materiam Cometicam arbitratur primò membratim congregari, deinde coagulari & condensari, atque eo ipso reduci ad minorem Diametrum; sed post, elapso aliquo temporis spacio, denuo dissolvi, & fieri dilutam atque pallidam, & tandem dissipari. Et his convenienter asserit, se primùm observasse Caput Cometæ confusius, tenue & pallidum, deinde magis magisque clarum.

Opinatur omnes Cometas respicere Solem ceu Regem & Centrum suum, sicut idem Planeta faciunt, statuens eos speciem *Spuriorum Planetarum*: qui æmulentur *Genuinos* omninò in Motu.

*Caudam* nihil aliud statuit, quam Radios Solares, incidentes in Caput Cometæ, transcurrentesque per eundem refractos & reflexos. Atque inter *Observationes* ejus & *Schemata* hujus Cometæ, occurrit quoddam, in quo Cauda est *curva*, observata illi  $\frac{11}{11}$  Decemb. Assignat causas, qui caudæ adeo variæ sint, simulque ostendit, unde dependeat illarum Longitudo.

Utrum

Utrum *iidem* Cometæ revertantur, ut Maculæ in Sole? &, Utrum tempore magnarum *Conjunctionum* facilius generentur? & utrum possint certò prædici? cum diversis aliis quæstionibus, reservat *Magno suo Operi*.

Quod concernit *Prognosticationes*, conqueritur, quòd homines magis inquirent, quid Cometæ *portendant*, quàm quid *sint*, aut quomodo generentur & moveantur; semet ab illorum partibus stare profitens, qui Cometæ magis *admirantur*, quàm *timent*, cùm nulla appareat ratio cogens, cur Author Naturæ non intendat iis potiùs uti ceu Indicibus *Gloriæ & Immensitatis* suæ, quàm *Iræ & Offensæ*; inprimis quia sint Viri solertissimi, (quos inter est quoque *Gemma Frisius*) qui observarint æqualem numerum *faustorum infauſtorumque* Eventuum, qui insecuti sunt Cometarum apparitiones. *Seneca* etiam narrat, Cometam, qui suo tempore apparuit, adeo felicem fuisse, ut *Cometis detraberet infamiam*.

Datâ Relatione variarum rerum, quæ videri possunt in illo *Prodromo*, reliquum erat, ut etiam quædam dicerentur de *Animadversionibus* in illum factis. Hæ proditiæ fuerant a Philosopho illo *Parisiensi Domino Auxouto*, in Epistola ad Conterraneum suum Dominum *Petitum*, in qua firmiter arbitratur  
Pro-

*Prodromum* illum non carere quibusdam erroribus, quorum unum, tanquam præcipuum, in primis exponit, commissum in *Hevelii* Observatione facta Febr.  $\frac{2}{18}$ . atque declarat, Et se, & diversos alios peritos *Astronomos Gallie, Italiaeque*, secum in illâ re consentientes (cùm Dominum *Hevelium* in hoc particulari ab aliis seorsim ire arbitretur) comperisse suis Observationibus, Cometam illo *Februarii* die non potuisse existere, ubi Dominus *Hevelius* illum locat, scil. in *Prima Arietis*; nisi dicendum, Cometam 18. Febr. visum ivisse stellam illam *Arietis*, & inde 19. reducem, ordinarium cursum profecutum; in quo, secundùm suam, diversasque Familiarium suorum per literarum commercia, Observationes, Cometa 17. Febr. abfuerit à *Prima* illa *Stella Arietis* ad minimum 1. gradum & 17. minuta; & 19. Febr. (18. enim illius mensis spes Observationis tam ipsum, quam alios ejus Familiares fefellerat) in itinere illo 12. 13. ve minutorum progressum fecerat, adhuc distans à dicta stella aliquot minutis supra gradum integrum, adeoque ait illo tempore Cometam procul fuisse à transitu *Primæ Arietis*. Post quod tempus Dominus *Auxontus* affirmat & se eum vidisse & alios complures, pluribus diebus, idque usque ad Martii  $\frac{2}{17}$ . observando, circa Febr. 26. vel 27. cùm Cometa esset proximus sæpe dictam

etiam *Primam Arietis*, non propius tamen illum huic accessisse 50. minutorum intervallo.

Hæc magna Controversia inter duos Literatissimos & Meritissimos Viros, simul atque pervenit ad aures quorundam Doctissimorum *Philosophorum & Astronomorum Angliæ*, operæ pretium putarunt illam examinare: iidem in præsens negotio discussionis ejus suscepto, factâ comparatione eorum, quæ ab Adversariis vel facta vel edita sunt, & collatione cum propriis Domesticis Observationibus, videri possunt errorem detecturi: præviaque decisione certo certius communicaturi sunt ingenuè suam illa de lite sententiam.

## IX. De Mundo Subterraneo Athanasii Kircheri.

**T**Andem diu expectatus ille *Mundus Subterraneus* lucem vidit, dedicatus (ad minimum *Exemplar* illud, quo usus est horum *Foliorum Editor*, qui audit, Alia Exemplaria præferre Dedicationem Aliis *Magni nominis Principibus* adscriptam) tum moderno *Pontifici*, cui quem Author ibi æstimat habere partem *Apostolici* sui *Regni*; tum *Romanorum Imperatori* moderno, qui profectò in locis *Subterraneis* *Regni* sui *Hungariae*,

*garia*, diversarumque Provinciarum *Germania*, possidet plurima, consideratu observatuque dignissima.

Ut *Curiosis* detur prægustus *Contentorum* hujus *Voluminis*, iidemque simul excitentur ad ulteriorem pervestigationem *Recessuum Naturæ*, pro compositione Bonæ *Historiæ Naturalis*; ante omnia sciant, *Autorem*, datâ in *Præfatione* ratione suæ *Animationis*, ad conscriptionem hujus operis, acceptæ ex opportunitate iter faciendi cum *Cardinale Hassiaco* in *Siciliam* (in quo itinere, inquit, occurrisse sibi quasi *Epitomen* omnium *Observandorum* in *Subterraneis Telluris locis*; inprimis autem plurimum profuisse *Terræ motum* 14. dies durantem, sibi imbuendo cognitione complurium haud vulgarium *Secretorum Naturæ*) præviâ, inquam, tali *Præfatione*, distinguit opus suum in *Libros* duodecim, quibus asserit se non solum explicasse *Divinam Structuram Mundi Subterranei*, & admirandam *distributionem Officinarum Naturæ*, ejusque in illis *Majestatem & Opes*; sed & detexisse *Causas illius Operationum & Productionum*; unde, conjugio *Naturæ & Artis*, faustus *Exitus consecuturus* sit in *usum & commodum vitæ humanæ*.

*Primo Libro* agit de *naturâ Centri Terræ*, ubi explicat *diversa Paradoxa* illius, & disse-

differit de Motu corporum gravium, & in specie de globis Pendulis, & Projectilibus.

*Secundo* considerat *Globi Terrestris* Fabricam, tractatque de Influentiis quas recipit de Corporibus Coelestibus, in specie de *Sole* & *Luna*, quorum utrorumque *Luminarium Schema* exhibet; de proportionem Terræ ad Solem & Lunam; de externa conformatione Terræ, ejus Montibus, eorumque Concatenationibus, incremento & decremento, una cum miranda ejus transformatione. Porro, de Aquis circumdantibus Terram, earumque variis communicationibus per transitus absconditos; ut & de Montium altitudine, & Profunditate Marium; de dimensione *freti Siculi*; Constitutione Magnetica Terræ, ejus Heterogenea Natura, Structura Interiore, Laboratoriiis, Caveis, Canalibus, &c.

*Tertio*: De natura *Oceani*, deque diversitate Motuum ejus; de ejus Motu generali ab *Oriente Occidentem* versus, Fluentis, Reciprocationibus, Gurgitibus, Vorticibus, Salsitudine, &c.

*Quarto*: De natura *Ignis* subterranei, ejus necessitate, virtute diffusiva, nutrimento, prodigiosis Effectibus per Montes Ignivomos; nec non de Natura *Aëris* & *Ventorum*, eorum potentiâ & varietate; de Vento Generali, quomodo & unde

unde generetur; de Periodicis & Anniverfariis Ventis eorumque Causis; ut & de productione Ventorum Artificialium, pro refrigeratione & aliis utilitatibus. Quibus subnectit Discursum, quo probet omnia Meteora acceptam referre nativitatem suam Ignibus Mundi Subterranei.

*Quinto*: De Scatebra Fontium, Fluminum, Lacuum; variis differentiis & proprietatibus Aquarum, deque indicibus, ubi in locis subterraneis occurrant; de Aquis Medicatis, Thermis, earundemque Differentiis, Causis, Virtutibus, unà cum mirabilibus qualitatibus seu Proprietatibus quorundam Fontium, quantum concernit eorum Colorem, Saporem, Odorem, Gravitationem, Salubritatem, Fluxum & Refluxum, Virtutem Petrificam, &c.

*Sexto*: De Terra ipsa, & magna varietate in ejus Matrice contenta; de variis productionibus in ea factis, virtute Salis, ejusque Auxiliis, de quorum differentiis fusiùs agitur. In specie de *Salenitri*, ejus Generatione, Natura, Virtutibus; de modo conficiendi *Pulverem Nitratum*, variisque ejus usibus; nec non de Natura, Qualitatibus, Preparatione, Medicinalibus aliisque usibus *Aluminis* & *Vitrioli*.

*Septimo*: De quibusdam *Fossilibus*, ut de Arena, Sabulo, Terris, variisque illarum diversitatibus, Qualitatibus, usibus

Oc-

Oeconomicis, Chymicis, Medicis: una cum mirandis varietatibus & mutationibus accidentibus in Terrâ, earumque causis; nec non de requisitis ad *Agriculturam*.

*Ottavo*: Primò, de *Lapidibus*, eorum Origine, Concretionem, Diversitate Colorum; & in specie, de *Gemmis*, earundemque varietate, causis generationis, transparentiae in aliis, in aliis colorum; nec non de illarum Variis Figuris & Picturis, à Naturâ formatis tam in vulgaribus, quàm in pretiosis Lapidibus, illarumque causis. Secundò de Transformatione Succorum, Sallium, Plantarum, imò Bestiarum & Hominum in Lapides, unâ cum generatione substantiarum quæ Ossa referunt in locis subterraneis, quæque vulgus pro Ossibus *Gigantum* habet; & de substantiis *Corneis* vel de *Cornibus*, quæ cornua dicuntur *Unicornium*: ut & de ligno & carbone *Fossilibus*. Tertiò, de *Floribus Bituminosis*, Lapide *Asbesto* vel *Amianto*, *Ambrâ* ejusque virtute *Electricâ*, quâ attrahit levia corpora; una cum modo, quo insecta, pisciculi, & Plantæ in illâ quasi inhumantur. Quarto, de *Animalibus* Subterraneis; Talpis, Muribus, Avibus, Draconibus; ubi etiam agitur de animalibus repertis in medio Lapidum.

*Nono*: Primò, de Veneno, ejus primitiva origine ex Mineralibus, & accidentaria Generatione in Vegetabilibus & Corporibus  
Ani-



Animalium, unà cum ejus diversitatibus; ubi differitur, non tantum quomodo Venenum possit generari in Hominibus, sed etiam, quomodo Venenum quorundam Animalium inficiat & interimat homines, & ubi Venenum Viperarum situm sit, & quomodo *Canes* rabidi & *Tarantula* hoc modo communicant venenum suum, ut non nisi elapso aliquo tempore illud exferat vim suam nocivam: Ubi simul occasione accepta differitur de Origine Morborum, & cura Venenatorum. Secundò, de admiranda Natura, Origine & proprietatibus *Sulphuris*, *Antimonii*, *Mercurii*, una cum productionibus *Coralliorum* & *Margaritarum*.

*Decimo*: Primò, de *Metallurgia*, & modo, quo Corpus illud Unguinofum, ex quo producuntur Metalla, à Natura elaboratum sit, & quod in eo *Sulphur*, *Sal*, & *Mercurius*; præterea qua re Metalla reddantur fluida per ignem, & non Lapides & Vegetabilia &c. Secundo, de Requisitis ad perfectam cognitionem *Artis Metallicæ*, & de qualitatibus Magistrorum *Fodinarum*, deinde de morbis Metallurgorum, eorumque cura, deque modis purgandi Fodinas à malignantate Aëris; nec non de *Metallognoſiâ*, vel signis latentium Metallorum, quibusque Artibus detegi possint. Tertio, varia Responsa Autori missa, ad ejus quaestiones, ab ipsis Fodinarum Magistris, aut aliis

aliis præcipuis Inspectoribus Metallorum, de varietate, natura & proprietatibus Mineralium, deque variis Accidentibus Fodinarum, in specie *Hungaricarum Schemnitzii*, & *Tirolensium*. Quarto, de diversis *Hydraulicis* & *Pneumaticis* Machinis, ad liberandum Fodinas ab Aquis, nocivisque vaporibus. Quinto, de modo elaborandi Metalla, Aurum, Argentum, Cuprum, Ferrum, & imprimis de methodo usitata *Potosi* in *Peru*, extrahendi Argentum ex Mineralibus: quibus additur Discursus de *Salis fodinis*, deque ejus coquendi ratione.

*Undecimo*: Primo, de *Alchimia*, ejus Origine & Antiquitate, Vasis & Instrumentis eò pertinentibus. Secundo, de *Lapide Philosophorum*, quid eo indigetur, & utrum ejus ope genuinum aurum possit produci? Et in generali, Utrum existat in rerum natura Transmutatio Metallorum: Ubi exponuntur diversi processus Reputatorum *Adeptorum*, *Raymundi Lullii*, *Azoth*, *Arnoldi de Villa nova*, *Paracelsi*, *Sendivogii*, &c. Sed omnes exploduntur ceu falsi & fraudulentii. Tertiò, de Decisionibus in Jure concernentibus Aurum Chymicum, verum vel falsum. Quarto, quis fuerit famosus *Lapis Philosophorum* Antiquis, quidque ejus nomine intellexerint?

*Duodecimo*: Primo, De *Seminali Principio*  
omnium

omnium rerum, ejus origine, natura, & proprietate; de modo quo Natura progreditur in Generatione *Mineralium*, *Vegetabilium*, *Animalium*; de spontanea Generatione; de *Zoophytis*, *Insectis*, cujuscunque speciei, & præcipuè de Vermibus in Homine generatis; unà cum causis, cur Natura producat talia Examina infinitarum specierum insectorum. Secundò, de varietate & differentiis *Vegetabilium*; de requisitis ad cognitionem *Virtutis Plantarum*, & variis *inferendi* & *inoculandi* modis. Tertio, de *Arte Distillatoria*, in quâ Naturam imitamur, quæ secundum hujus Authoris sententiam, omnia sua opera subterranea perficit *Distillatione*. Quarto, de *Laboratoriis variarum Artium*, in quibus, secundum modulum Naturæ, usitatum in illius operationibus Subterraneis, mira possint perfici: ubi tractatio *Chymicorum Secretorum*, veritas Præparationis *Auri Potabilis* discutitur, nec non *Magisteria* Auri, Argenti, Ferri, Stanni, Cupri & Plumbi, examinantur: quibus subnectitur *Appendix* talium Axiomatum, quibus Studiosi Chymix dirigantur in opere suo, veræque operationes à falsis distinguantur. Quintò, de *Metallostatice*, qua mixtura Metallorum & Mineralium certò cognoscatur; unà cum modo ponderandi Proportiones *humidi* & *ficci*, existentis in singulis Compositis, tam

Vege-

Vegetabilibus & Animalibus, quam Mineralibus. Sextò, de *Arte Vitriaria*, ubi agitur de Natura *Vitri*; de artificiali confectione cujuscunque generis lapidum pretioforum, partim ex ipsis Authoris Experimentis, partim ex Communicatione Familiarum ejus, & Collectione Optimorum Authorum, qui eâ de re scripserunt. Septimò, de *Ignibus Artificialibus*, ubi Inventio & Præparatio Pulveris Nitrati fusè ventilatur, & modi faciendi *Rochetas*, *Globos aquaticos*, seu in aqua natando ardentes, & alios plures, usitatos in publicis Festivitatibus, describuntur. Octavo, de quibusdam *Artibus Mechanicis*, ut de *Arte Aurifabrorum*, seu inauratoria, *Ferraria*, *Æraria*, *Stannaria*, *Filatoria*, in quarum ultimâ hoc Problema resolvit; Certo Pondere Metallî & magnitudine foraminis, per quod filum est protrahendum, datis, invenire in quantam longitudinem possit tantum Metallî protrahi.

Sic habes Repræsentationem totius hujus *Voluminis*; cui fortassis non abs re addimus, pro Conclusionem, illa particularia, quæ præ aliis Author magni facit, quæque hinc inde sunt inserta. Exempli gratiâ, in *Prima Parte*.

Usus *Pendulorum*, ad cognoscendum illorum ope *statum Sanitatis* alicujus, ex diversitate *Pulsus*, pag. 51.

*Concatenatio Montium* super Terrâ ita facta, ut constituat quasi *Axem* ductum à Polo altero ad alterum; & diversi ductus transversi, ita secantes *Axem* illum, ut constituent quodammodo *Æquatorem* & *Tropicos* ex Montibus: qua Concatenatione arbitrat, distinctas partes Terræ colligatas esse in maiorem firmitatem, pag. 69.

Historia Famossissimi *Urinatoris*, qui continua conversatione in Aquis, ita à Natura sua degeneraverat, ut potius *Amphibium* diceretur, quàm Homo. Ille mandato Regis *Siciliæ*, se demisit in fundum *Charybdis*, indeque attulit mirandam relationem Conditionis illius loci.

Descriptio Scaturiginis *Nili*, quemadmodum eam Author hic reperit in MS. cuiusdam suæ Societatis Patris *Petri Pais*, quem ait fuisse testem oculatum; ipsumque visitasse Caput Imperii *Æthiopici* Anno 1618. quod MS. inquit, ex *Africa* Romam perlatum, per *Procuratorem Indiæ & Æthiopiæ*, pag. 72.

*Communicatio Marium* mutua per meatus subterraneos, vid. *Communicatio Maris Caspii* cum *Ponto Euxino* & *Sinu Persico*; *Maris Mortui* cum *Mari Rubro* al. *Erythræo*, & *Maris Erythræi* cum *Mari Mediterraneo*; ut & *Scyllæ* cum *Charybdi*, pag. 85. 101.

Subterranea *Repositoria* (in omnibus quatuor partibus Terræ) *Aqua*, *Ignis*, & *Æris*;

ris; unà cum eorum maximis usibus, pag.  
11.

Relatio de statu Terræ circa *Polos*; quo-  
modo Aquæ continuè à Voragine quadam  
absorbeantur sub *Polo Arctico*, & postquam  
per Terræ viscera diffusa fuerint, in altum  
enitantur per Polum *Antarcticum*, pag. 159.

Descriptio Montis *Vesuvii* & *Ætnæ*, spe-  
ctatorum Autori ipsi, anno 1638. eorum  
Dimensiones, Communicatio, Incendia,  
Tractus Igneorum Torrentium ex iis pro-  
jecti, &c. ut & de *Vulcanis Islandiæ* & *Groen-*  
*landiæ*, eorumque Commmercium & Effe-  
ctus. pag. 180.

Relatio famosi & admirandi Vorticis seu  
Gurgitis prope Oram *Norvagiæ*, vulgò di-  
cti *De Maelstrom*; quem hunc autor sibi  
imaginatur Communicantem, per Cana-  
lem Subterraneum, alteri ejusmodi *Gurgi-*  
*ti* vel *Euripo* in *Sinu Bothnico*; quo com-  
mercio, secundum Authoris sententiam,  
Aquæ, cum factâ accumulatione & com-  
pressione in alterutro horum Vorticum,  
absorbentur illius loci Gurgite, secum abri-  
pientes, quidquid sibi mixtum repererint,  
condentesque in peculiari fundi istius rece-  
ptaculo, derivantur per dictum Canalem  
subterraneum ad alium Gurgitem; unde  
denuò, prævio simili confluxu & tumore  
Aquarum, absorptæ, per eundem Cana-  
lem reciprocè recurrunt ad priorem Gurgi-  
tem.

tem; & inde magno impetu offensas res ante submersas in Repositorio, secum rapiunt in altum, & ad littora *Norvagiæ* rursus eiciunt, pag. 146.

Relatio de miris *Terræ* motibus, pag. 220.

Enumeratio omnium famolarum *Aquarum Medicatarum & Thermarum*; in omnibus Orbis Regionibus, pag. 263. & seq.

In *Secunda Parte*, quædam specialium ejus *Observationum*, sunt.

Quomodo *Lapides* colorentur & figurentur in locis subterraneis, pag. 13. 24. 25.

Naturæ peritia Pingendi in *Lapidibus*, pag. 22.

Integrum *Alphabetum* Naturale repræsentatum in *Lapidibus*; nec non omnis generis *Figuræ Geometricæ*, naturaliter iis impressæ, pag. 23.

Causa varietatis Colorum in *Prismatibus*; & Authoris judicium severum de iis, qui eos habent pro merè *Phantasieis*, pag. 15. 16. 17. Ubi etiam proponit experimentum; quod admirationis plenum censet, exhibens omnis generis Colores ope *Mercurii* coagulati Vapore *Plumbi*, & prunis superimpositi in *Cochleari* æreo.

Causa mirabilium Colorum in *Avibus*, pag. 17.

Methodus Naturæ in Generatione *Adamantum*, pag. 21.

Mo-

Modus præparandi talem Liquorem, qui penetret & coloret solidum corpus Marmoreum, sic ut Pictura in ejus superficie depicta, lapide παραμήλας dissecto, in interioribus ejus partibus appareat, pag. 43.

Historia totius Pagi *Africani* in lapidem conversi cùm omnibus ibidem degentibus hominibus, pag. 50.

Experimentum repræsentans Generationem *Calculi Vesicæ*, pag. 52.

Charta *Asbestina*, perpetuo duratura, pag. 74.

Diversæ Relationes de ingentibus Societatibus Populorum in Subterraneis degentium, eorumque *Oeconomia*; quarum aliqua stupenda allegatur reperta in Angliâ, (de duobus infantibus planè viridibus,) testimonioque scriptoris *Anglicani* confirmata, pag. 97, 98, 99.

Relatio de Viro, qui produxit serpentem in Stomacho suo, tandem egressum sesquipedem longum, quem Autor semetipsum vidisse asserit, p. 126.

De integris Sylvis Coralliorum in fundo *Maris Erythraei*, pag. 159.

Vanitas *Virgæ Divinatoriæ*, p. 181.

Peculiaris modus lavandi *minutissimam arenam auream*, p. 198.

De quibusdam extraordinariæ magnitudinis frustis perfecti Naturalis Auri & Argenti, p. 203.



De rarissimo Minerali, Autori misso ex Fodinis *Hungaricis* quod continebat purum Argentum in filamenta sua efflorescens, quasdamque splendide flavas venas purissimi Auri, nec non aliquas partes obscuriores, quæ continebant Argentum Auro distinctum, p. 189.

*Sal, Fundamentum* vel *Basis* Omnium Naturalium Productionum, & admiranda varietas Salium. p. 299.

*Miræ Figuræ Plantarum*, p. 348.

Modus reproducendi *Plantas*, p. 414.

Quanto temporis spacio Hirundo possit circumvolare Orbem, p. 418. &c.

Hæc sufficiant dicta, ut Pervestigatoribus Naturæ detur ansa examinandi hunc Librum, ut & Observationes & Experimenta in eo contenta, unà cum Ratiocinationibus inde exortis, & constituendi omnium severiores & minutiores Quæstiones & Discussiones.

## X. *Ulterior Relatio de Observatione supra dicta, Sanguinis Albi.*

Post impressionem folii præcedentis, accessit hæc ulterior Relatio missa ab eodem Domino *Boyleo*.

Tandem, ut desiderabas, accepi ab Ingenioso Doctore *Lowero*, Relationem Conscriptam de Observatione circa *Chylum* in San-

Sanguine inventum; quod quanquam tibi mirum videri possit; optimè convenit cum quibusdam & ejus & meis Experimentis, quæ nunc nil attinet recensere. Relationem, quanquam brevem, tamen continentem præcipua Particularia, quæ plenius ore tenus mihi narrarat, reddam tibi propriis ejus verbis vel nihil vel parum mutatis.

Virgini cuidam, consumpto non contemnendo horâ septima matutina jentaculo, Vena secta fuit pedis, circa ejusdem diei horam undecimam; primùm effluens sanguis exceptus fuit *Catillo*, brevi que reddebatur albus; ultimum excipiebat *Scutella*, qui immediatè albus evadebat speciem Cremoris Lactis præbens. Post quinque vel sex horas accidebat Medicum videre utrumque, ubi reperit Sanguinem Catillo contentum dimidiam partem Sanguinem, dimidiam Chylum isti innatantem, ut Serum, albedine nil cedentem Lacti, at Sanguinem in Scutella totum Chylum, sine ullâ apparentia vel guttæ Sanguinis, & cùm utrumque distinctè calefecisset lento igne, induratus est: Sicut albumen calefactum, vel potius sicut Serum Sanguinis calefactum, sed multo albior erat. Hæc virgo tum erat bonâ valetudine, nec alia de causa sibi venam secari passâ est, quam quia nunquam menstruum passâ fuerat, aliàs erat florida puraque Complexione.

A C T A  
PHILOSOPHICA.*Die Luna, 4. Dec. 1665. N. 7.*

## Contenta.

- I. Domini de Son progressus in conficiendis Lentibus Parabolicis. II. Quædam speculationes Domini Auzouti de mutationibus, quas verisimile est apparere in Lunâ. III. Eiusdem Petitum, ut Dominus Hooke communicet suam Methodum, quâ facit ut Lentes paucorum pedum Diametro Telescopiis aliquot centenarum pedum inserviant; unâ cum oblatione ejus compensandi hoc secretum alio, quo docetur, quâ ratione Objectorum in Terrâ distantia Telescopio mensurari possint. IV. Experimentum Kircheri in preparando Liquore, qui penetret & coloret solidum corpus Marmoreum, tandem propo-

propositum. V. *Notificatio modi inventi in Europâ, faciendi bonos Orbes Chineses.* VI. *Relatio de miro quodam fonte in Westphalia, una cum Informatione de Fontibus Salinis, & modo separandi Salem ex Aquâ Salsâ.* VII. *De ortu & progressibus, modi derivandi Liquores immediatè in Massam Sanguinis.*

---

I. *De Domini de Son Progressu in elaborandis Lentibus Parabolicis.*

POSTquam publicatum fuerat in immediate præcedentibus *Actis*, Domini de Son laudandum conamen conficiendarum *Lentium Figuræ Parabolicæ*, Editor horum *Actorum* ipsemet vidit duas *Lentes oculares* istius *Figuræ*, profunditate circiter sesquidigiti; & latitudine  $1\frac{1}{2}$  digit. elaboratas ab hoc Excellente *Artifice* raro instrumento Chalybeo, propriâ ejusdem methodo confecto, ab eoque mirè expolitas. Et certè miratio subibit omnes spectatores harum *Lentium*, quomodo bene ad talem *Figuram* potuerint perducì, tali Cavitare; coque ma-

gis, cùm audierint Authorem anniti excavare tales *Lentes Oculares* supra duos digitos, & *Lentes Objectivas Diametro* quinque digitorum. Sic & jam accepit opus *Lentium Objectivarum* aggredi, pro dictis *Ocularibus* ejusdem Figuræ *Diametro* circiter duorum digitorum, quæ totæ apertæ relinquentur, sine ullius coloris productione. De quibus omnibus speramus brevi pleniorẽ & specialiorẽ Relationem datum iri.

**II. Domini Auzouti Speculationes de mutationibus, quæ, ut verisimile est, appareant in Terrâ & Lunâ, per illarum respectivè Inhabitantes.**

**S**olertissimus ille Philosophus in literis suis nuper missis ad suum Familiarem *Londinum*, capit occasionem differendi de suis Speculationibus circa Mutationes illas in *Titulo* memoratas, ut sequitur:

Sæpe (inquit) consideravi *Mutationes*, quas probabile est, in *Terrâ* nostra apparere putatis Incolis *Lunæ*, ut animadvertirem, an similes illis in *Lunâ* observare possem. Exempli causa, videtur mihi *Terra* præbere populis *Lunaribus* diversas species, pro diversis anni temporibus; aliterque apparere *hyeme*, maximam ferè partem omni virore

virore privata, aliis regionibus obductis nivibus, aliis aquis, aliis nubibus, idque spacio continuo aliquot hebdomadam: *Aliter*, mediis temperatisque tempestatibus, i. e. Vere ac Autumno, sylvis ac campis virentibus. *Aliter Æstate*, integris campis flaventibus &c. Videntur, inquam, mihi hæ mutationes satis virium habere ad Reflectiones Luminis Observandas, quando videmus tantam Luminum diversitatem in *Luna*. Sunt nobis fluvii satis spacio aquarum memorabiles, qui in *Lunâ* etiam oculis subijci possint, & satis in Continentem excurrentes, ac amplitudinis observatu facilis. Nunc in quibusdam locis fiunt *Inundationes* diffusæ per vastos tractus, quæ certè non possunt non mutationem visibilem inducere; in aliquibus Maribus nostris quandoque montis instar moles Glaciei fluitat, multò major Objectis, quæ scimus nobis apparere in *Lunâ*. Porro, cædimus Silvas, erivamus paludes vastæ extensionis, unde animadvertendam alterationem oriri necessum est: Quinetiam tanta opera fecere homines, quæ credibile est insignes mutationes visu percipiendas produxisse. In pluribus quoque locis sunt *Vulcani* spectabilis magnitudinis, quos inprimis sub umbra distinctè conspicuos esse quis neget? Cumque ignis occupavit Silvas & Nemora spaciola, urbesque, vix dubitandum est, quin Objecta

illa lucida sint apparitura five in Eclipsi Terræ, five quando tractus illi terræ non illuminati sunt Radiis Solaribus. Veruntamen neminem scio unquam observasse talia in *Lunâ*; unde non sine ratione credi potest, haud esse ibi *Vulcanos*, aut non arfisse illo tempore. Hoc (*pergit*) omnibus Curiosis, bonis *Telescopiis* instructis, accurate observandum esset; nec dubium est fore, quin, præviâ specialissima *Mappa Lune*, qualem ego institui facere, quasi cum *Topographiâ* omnium illius memorabilium locorum, vel nos vel posterius inveniamus in eâ aliquas mutationes. Et si *Mappæ Lunares Hevelii*, *Divini* & *Riccioli* sunt accuratæ, afferere possum, me ibi vidisse quædam loca haud parva, quorum *partes illi lucidas ponunt*; cum ego eas videam *obscuras*. Certum est quod, si sunt *Maria* in *Lunâ*, vix aliter evenire possit in *Lunâ*, quam in *Terrâ* nostrâ, ubi in quibusdam locis fiunt *Alluviones*, in aliis Mare sibi subjicit continentem. Si, *inquam*, maculæ nobis conspectæ in *Lunâ*, sunt *Maria*, quod plurimi credunt; ego tamen pluribus suspensus sum rationibus dubitandi illâ de assertione, de quæ alibi dicendi dabitur occasio. Sæpe etiam cogitavi, annon possibile sit, omnia *Maria Lune*, si qua esse necessum est, subsistere in altero *Hemisphærio*, & ideo *Lunam* non moveri circa suum *Axem*, ut *Terram*

nostram, in qua librantur quasi Terræ Con-  
tinentes & Maria: indeque procedere Non-  
apparentiam ullarum Nubium ibi ortarum,  
aut spectabilium vaporum, quales ex Ter-  
ra nostra exsurgere solent; atque hanc ca-  
rentiam vaporum forte causam esse, quod  
nullum ibi sit *Crepusculum*, ut mihi videtur,  
vel ad minimum necdum observare potui  
vel minimum ejus indicium: Nam, arbi-  
tror haud dubium esse, quin putatitii cives  
*Lunares* videant nostrum *Crepusculum*, cum  
hoc sensus probet plurimis gradibus luci-  
dus esse *Luce Lunæ Plenæ*; paulò enim post  
Solis occasum, cum desimus frui luce *Solis*  
*primigenia*, aër multò lucidior apparet,  
quàm noctu *Lux Plenilunii* fulgentissima.  
Cum interea videamus in *Luna* crescente vel  
decescente, Lumen communicatum illi à  
Terra, indubium est, Populum *Lunarem*  
similiter videre Lumen *Terræ* communica-  
tum a *Luna*; accedente fortassis diversitate  
magnitudinum. Multò ergò magis censen-  
dum est, Populum *Lunarem* videre Lumen  
*Crepusculi*, quandoquidem hoc multis gra-  
dibus majus est. Interea ne minimum qui-  
dem Luminis videmus trans *sectionem* Lu-  
minis, quod ubique fere est æquale, nihil-  
que illic discernimus visu vel in lucidissima  
parte, quem *Aristarchum* vel *Porphyritem*  
dicimus, uti sæpe expertus sum; quanquam  
ibi videri possit Lumen communicatum à



Terrâ, quod aliquando tam lucidum est, ut in decremento *Lunæ* sæpe distinctè viderim omnes partes *Lunæ*, non illuminatas à *Sole*, una cum diversitate partium lucidarum & macularum, sic ut cuncta discernere potuerim. *Umbrae* etiam *Cavitationum Lunæ* videntur expressiores, quàm ut *Luce Secundaria* productæ dici possint. Nam, quamquam ex longinquo, *umbræ* nostrorum corporum *Lumine* circumdatae, videantur valde tenebrosæ, tamen minùs tenebrosæ apparent *Umbris Lunaribus*; neque simili modo apparerent *umbræ* in *Acie Sectionis*. Sed nihil in his rebus definitio. Factis deinde frequentioribus *Observationibus Lunæ majoribus meis Telescopiis*, tempore opportuno, forsitan plura addiscam, quàm nunc scio, ad minimum excitabo *Curiosos*, ut studeant similibus *Observationibus*; & fortè aliis incumbant, quas ego animo non concepi.

III. *Ejusdem Petitum, ut Dominus Hookius communicet Suam Methodum, quâ facit ut Lens elaborata secundum rationem Sphæræ, cujus Diameter sit 20. vel 40. pedum, inserviat Telescopio aliquot centenorum pedum; ejusque oblatio compen-*  
*sanda*

*fandi hoc Arcanum alio, quo docetur, quâ ratione Objectorum in Terrâ Distantiæ Telescopio mensurari possint.*

**N**Um.4. horum Foliorum pag. 108. Dominus *Hookius* significaverat, se brevi detecturum Inventionem, quâ præstat ut Vitrum *Plano-Convexum* secundum rationem Sphæræ, cujus *Diameter* 20. vel 40. pedum, sine Venis, verèque elaboratum in istam *Figuram*, inserviat Telescopio, unicâ Lente Oculari excurrenti in 300, 400, imò 1000. pedes, sine ullâ alteratione *Convexitatis*: Dominus *Auxoutus* respondet & offert pro illo invento quod sequitur:

Ut perficiamus (*inquit*) Lente *Objectivâ* minore effectus *majoris Telescopii*, indagari debet modus præstandi, ut talis *Lens Ocularis* recipiat quotlibet radios, sine sensibili mutuâ illorum distantia; ut, factâ applicatione *validioris Lentis Ocularis*, adhuc sint radii sufficientes, ad videndum Objectum, & obliterandum parvas maculas & defectus *Lentis Ocularis*. Et si novit Dominus *Hookius* inventionem illam, meo judicio maximam novit, quæ in rebus *Telescopicis* inveniri potest. Devinctos nos sibi reddet, si placuerit eandem communicare nobis; ego verò optarem, ut possem *Optico* quodam secreto illum

illum ad communicationem istam incitare. Si crederem pro Arcano habitum iri Inventionem *magnis Telescopiis* mensurandi *distantias Objectorum Terrestrium*; quam non pridem inveni, & quibusdam proposui modo tali Paradoxo; *Locorum distantias ex unica statione, absque ullo Instrumento Mathematico, metiri*; promitterem simul me illam ostensurum ipsi, unà cum Tabulis necessariis, quamprimum me participem fecerit inventionis suæ; quâ secundum ejus permissâ utar. Nam, quanquam *Praxis* non omnino respondet *Theoriæ* Inventionis meæ, quia longitudo *Telescopiorum* admittit aliquam *latitudinem*; nihilo tamen minùs satis est accurata, nec fortassis exactâ Observatione cedat plurimis modis ordinariis, quibus adhibentur instrumenta. Non dubito, quin Dominus *Hookius* protinus sit intellecturus propositum meum, & consideraturus determinationem omnium Casuum possibilium. Hoc duntaxat dicam, quòd Consideratâ *Theoriâ* solâ, liceat uti *Telescopio* communi, cujus *Lens Ocularis* sit *Convexa*: nam, collocatis *Telescopiis* in paulò majorem distantiam, quam sunt, secundum proportionem distantix, cui adhibenda sunt, & additâ novâ *Lente Oculari*, Objectum apparebit distinctum, sed obscurum; & si *Lens Ocularis* fuerit *Convexa*, Objectum apparebit erectum. Duobus modis res per-

fici

fici potest ; five retinendo *Telescopium* in suo ordinario situ , *Lente Objectivâ* positâ ante *Ocularem* ; vel invertendo atque collocando *hanc* ante *illam*. Sed si quis adhibere velit duas *Lentes Objectivas* , quarum *Foci* sint cogniti , earum distantia sit cognita. Si supponatur , *Focum prioris* esse B , & *posterius* C. & distantiam datam ,  $B + 2 D$  , &  $D$  minus C. *æqualem* esse F ; nam , hæc distantia erit *æqualis*  $B + C + F$  ———

$\frac{2}{F}$  ———  $\frac{2}{C}$ . Et si habeas *Focum prioris lentis Objectivæ* , æqualem B , distantiam ubi ponenda est *posterior Lens* , æqualem  $B + G + D$ . *focum posterioris Lentis* reperietur C.D

æqualis ——— Et si vis ut *Objectum tantum* augeatur per duas has lentes , quantum per unam , cujus *Focus* esset distantiaæ datæ , dato *Foco Lentis Objectivæ* æquali B , & distantia æquali  $B + D$  ; distantia prioris *Lentis* à posteriore erit æqualis ———

inde subtrahito B ( *Foco Lentis Objectivæ* dato ) remanet ——— & si hæc summa supponatur æqualis C , facile cognoscemus per præcedentem Regulam , *Focum Lentis Posterioris*.

$\frac{2}{B} + \frac{2}{D}$  ———  
inde subtrahito B ( *Foco Lentis Objectivæ* dato ) remanet ——— & si hæc summa supponatur æqualis C , facile cognoscemus per præcedentem Regulam , *Focum Lentis Posterioris*.

$\frac{2}{B} + \frac{2}{D}$  ———  
inde subtrahito B ( *Foco Lentis Objectivæ* dato ) remanet ——— & si hæc summa supponatur æqualis C , facile cognoscemus per præcedentem Regulam , *Focum Lentis Posterioris*.

$\frac{2}{B} + \frac{2}{D}$  ———  
inde subtrahito B ( *Foco Lentis Objectivæ* dato ) remanet ——— & si hæc summa supponatur æqualis C , facile cognoscemus per præcedentem Regulam , *Focum Lentis Posterioris*.

supponatur æqualis C , facile cognoscemus per præcedentem Regulam , *Focum Lentis Posterioris*. Hæc

Haftenus Dominus *Auxoutus*, quera confido accepturum suo defiderio debitam fatisfactionem, quamprimum felix exitus modernæ Contagionis concefferit initium & refuscitationem studiorum & Actionum noſtrorum Philoſophorum, qui adhuc dum à publicis abſtinent.

Hoc tantum hic addam, Secretum, cuius ipſe meminit. [*Scil. meſurandi diſtanti-  
am locorum Teſcopio (adaptato ad illum  
finem) ex unica ſtatione*] rem eſſe (niſi fallor) jam perſpectam quibuſdam Membris Socie-  
tatis noſtræ; qui jam abhinc aliquo tem-  
pore illam conſiderarunt, & pro praxi ejus  
aliquot modis uſi ſunt, ſed an iſdem, qui-  
bus utitur Dominus *Auxoutus*, nescio. Ne-  
que mihi licuit (per diſtanti-  
am, quâ ab illis  
remotus vivo) opportunè accipere ſpecia-  
lem informationem.

**IV.** *Experimentum modi, quo  
preparatur Liqueur penetraturus &  
coloraturus ſolidum corpus Marmo-  
reum, quo ipſo efficitur, ut Pictura  
picta in ſuperficie, appareat in inti-  
mis partibus Lapidis.*

**C**Um hoc Experimentum, fuerit indigi-  
tatum in proximè præcedentibus ſoliis,  
ex *Mundo Subterraneo Athanaſii Kircheri,*

& diverſi Curioſi, deſtituti vel otio perle-  
gendi Vaſta Authorum ſcripta, vel cogni-  
tione perfectâ Lingux eruditæ, qua dictus  
Liber eſt conſcriptus, deſiderarint illud huc  
transferri, eâ in re deſiderio ipſorum ſatis-  
facere placuit.

Author itaque *Mundi*, &c. viſis quibuſ-  
dam lapidibus æſtimatis *naturalibus*, qui ad  
vivum erant præditi Picturis, non tantum  
in ſuperficie ſua, ſed & penetrantibus cor-  
pus Solidum, & offenſo *Artifice* perito rari  
iſtius Artificii, non tantum pronunciabat  
Lapidum iſtorum Picturas eſſe *artificiales*,  
ſed & renuente *Artifice* illo communicare  
ipſi Secretum iſtud, junctis ſtudiis & cona-  
minibus ipſe & *Albertus Guntherus Saxo* al-  
laborarunt illud adinvenire: Potitque opta-  
to tandem videntur fine, & Experimenta  
feciffe, quorum modum industrius ille &  
Communicativus *Jefuita*, Orbi proponit  
verbis ſequentibus:

„Sic, *ait*, præparantur Colores. Accipio  
„aquæ fortis duas uncias, aquæ fortis ſi-  
„ve regiæ itidem uncias 2. Salis ammoniaci  
„unciam unam, ſpiritus vini optimi drach-  
„mas 2. auri tantum, quantum 9. juliis emi-  
„tur, argenti depurati drachmas 2. Hiſce  
„comparatis argentum calcinatum jam  
„Phialæ impone, & 2. drachmis aquæ fortis  
„ſuperaffuſis exhalandum relinque, & ha-  
„bebis aquam quæ tibi cæruleum colorem,

„&

„ & nigrum postea dabit : deinde Phialæ im-  
 „ pone aurum calcinatum , & superaffusa  
 „ aqua forti , usque dum exhalarit ; sepo-  
 „ no , deinde sal ammoniacum unâ cum  
 „ spiritu vini affuso , relinquo , donec exha-  
 „ laverit spiritus , & habebis aurei coloris  
 „ aquam , quæ diversos tibi colores dabit.  
 „ Atque hac arte ex reliquis mineralibus ,  
 „ diversas colorum tincturas extrahere po-  
 „ teris. Hisce itaque peractis , hisce duabus  
 „ aquis pinges quamcumque volueris ima-  
 „ ginem in marmore candido mollioris sub-  
 „ stantiæ , & singulis diebus renova nova  
 „ aquarum superadditione figuram , & cum  
 „ tempore comperies picturam totius lapi-  
 „ dis soliditatem penetrasse , ita ut sectus in  
 „ quocumque volueris partes , semper ex  
 „ utraque parte eandem tibi figuram ex-  
 „ hibeat.

*Hucusque ille :* quod quo usque sit respon-  
 surum expectationi , relinquitur Experi-  
 mentis Ingeniosorum Artificum. Interea  
 non desunt viri Experientissimi , qui du-  
 bitent de Effectu , nec tamen positivè quic-  
 quam contra pronunciare audent , adeo ut  
 non animum adimant iis , quibus est occa-  
 sio experiendi.

Sed sive succedat modus ibi memoratus ,  
 sive minus , secundum expectationem :  
 Certum interea manet , *Oxonie* habitare  
*Lapidam* , *M. Bird* , qui abhinc aliquot  
 annis

annis invenit modum eadem præstandi, quæ hæcenus memoravimus, & pluribus annis inventa usu praxique comprobavit. Nam novit applicare colorem superficiæ politi Marmoris, ut plurimum penetret in interiora Corporis Marmorei; ibique repræsentet figuras vel imagines similes iis, quæ sunt in superficie extima; (secundum continuationem applicationis, vel longiore vel breviori intervallo temporis, profundius vel humilius.) Cujusmodi diversa opera videre est *Oxonii, Londini, & alibi*. Eorumque quædam suæ Majestati, non diu post faustam ejus Restorationem, ostensa, inque ejus præsentia confracta, responderunt expectationi. Aliaque quotidie videri possint curiosis & videre gestientibus.

*V. Notificatio modi inventi in Europa, faciendi Orbes Chineses.*

**N**uper notum fecerat Curiosus *Parisiensis* amico suo *Londinensi*, se didicisse à quodam suorum familiarium, quod Dominus *Septalius*, Canonicus *Mediolanensis*, sciret secretum conficiendi *Vasa Murrhina*, quæ *Chinensibus* non cederent, eaque transparentia; addens se vidisse eum quædam facere. Hoc, ceu proficuum secretum,



tum, posthac, Deo permittente, ulterius pervestigabitur.

VI. *Relatio de miro quodam fonte in Westphalia, una cum Informatione de Fontibus Salinis, & modo separandi Salem ex Aquâ salsa.*

**V**Ir curiosus nuper scripsit ex *Germania*, in *Westphalia* Diœcesi *Paderbornensi*, esse Fontem, qui spacio Nychthimeri se bis solvat; semperque revertatur post 6. horas incredibili fragore ac vi excurrrens in tria Milliaria à scaturigine. Accolæ vocant *Bolderborn*, quasi diceret *Fontem Tempestuosum*.

*Idem*, factâ mentione variarum *Salinarum* (vel, fontium *Salinorum*, i. e. aquæ salis) *Germanie*, ut *Luneburgensium*, *Hilensium* in *Saxonia*, *Soltquellensium* in *Marchia Brandeburgica*, *Tyrolensium*, &c. observat nullam aquam fontanam salis, continentem aliquod Metallum, commodè posse coquendo evaporari in Salem in Vase ejusdem Specie Metalli, quod continetur in aquâ, excepto *Vitriolo* in Vasis æreis.

*Addit*, si ad Separandum Aquam ab Aqua salsa, sine igne, concavum vas cereum, undique impervium; demergatur in mare, vel quamvis aliam aquam salis, contingere talem separationem, ut vas impleatur  
aqua

aqua dulci, Sale exteriùs manente: verùm, quanquam hæc aqua nullo sapore falso est prædita, tamen, *ait*, reperiri in Probâ Sajem, qui est Spiritus Salis satis subtilis atque tenuis, qui penetret ceram.

VIII. *De ortu & progressibus modi derivandi Liquores immediatè in Massam Sanguinis.*

CUM nuper lucem viderint libri quidam, impressi in loco Ultramarino, qui tractent de Modo *Derivandi Liquores in Venas*; & in quibus *Origo* hujus *Inventionis* videatur adscribi aliis, præter eum, cui meritò tribuenda est; haud certè malè fecerimus, si quædam dicamus, quibus veri *Inventoris* jus omni exceptione majus asseratur & vindicetur: Cui rei sufficit demonstrasse *Tempus* quando, ac *Locum* ubi, quibusque præsentibus *Inventio* fuerit exorta & praxi comprobata. Ut omnes has circumstantias simul jungamus, Notorium est, abhinc se; annis (diu ante quam perceptum fuisset, quenquam de eâ re vel somnium prætendisse) Literatum & Ingeniosum Doctorem *Christophorum Wren* proposuisse in *Academia Oxoniensi* (in qua nunc est optimè merens *Savilianus Professor Astronomiæ*, ubi etiam sunt plures Viri Curiosi parati testimonio suo

suo confirmare Veritatem hujus Relationis) Nobili Patrono Philosophiæ Experimenta-  
lis, Domino *Roberto Boyleo*, Doctore *Wil-*  
*kins*, aliisque bene meritis Viris, Se confi-  
derasse modum, quo facile fieri possit, ut  
quivis liquor immediatè derivetur in Mas-  
sam Sanguinis; *videl.* Faciendò Ligaturas  
Venarum, & deinde earum sectione à parte  
Ligaturæ ad Cor vergente, immittendoque  
iis tenues Syringes vel Calamos, alligatos  
Vesicis (ad modum Clysterum) continen-  
tibus materiam infundendam; quam Ope-  
rationem fecerit in grandiore, pinguique  
Cane, ut Vasa essent satis ampla, & facile  
accessibilia.

Hac propositione facta, Dominus *Boyleus* extemplo curavit fieri *Apparatum*, ut  
tentamen eà de re fieret; quo diversis vici-  
bus, diversisque canibus, *Opium* & infusio  
*Croci* Metallorum fuerant injecta in illam  
partem pedum posteriorum horum Anima-  
lium, unde vasa ampliora, ferentia Sangui-  
nem, facile poterant teneri: quorum Ex-  
perimentorum successus ille erat, ut *Opium*,  
mox circulatum in Cerebrum, brevi stupe-  
faceret Canem, attamen non interimeret;  
verùm magna Dosis *Croci Metallorum* alium  
Canem cogebat evomere cum anima omnia:  
Quæ singula fusius, pluribusque circum-  
stantiis luci exposita sunt à Domino *Boyleo*, in ejus præstantissimo scripto de *Usu*  
*Phi-*

*Philosophiæ Experimentalis*, Part. 2. Tentam. 2. pag. 53, 54, 55. Ubi etiam narratur, quòd, famâ hujus inventionis & tentaminum fructuosorum sparsa, & in specie perceptâ Peregrino cuidam Legato Curioso, tum residenti *Londini*, hic tentamen curavit fieri *Croco Metallorum*, in quodam inferiorum suorum famulorum malefico; cum tali successu, ut simul ac infusio initium caperet, famulus vel verè vel fictè deliquium animi pateretur; quare, nolentes prosequi tam periculosum Experimentum, destiterunt, sine animadversione alius Effectus, excepto quod narratum fuerit Legato, semel operationem in eo deorsum accidisse. A quo tempore frequens fuit ejus usus *Oxonii* & *Londini*; tam in præsentia *Regiæ Societatis*, quàm alias. Atque specialiter Doctus ille Medicus, Doctor *Timotheus Clericus* negotii sui partem constituit, prosequi Experimenta illa magna industria, exactitudine, & memorandis ea de re Observationibus; quas abhinc ultra duos annos produxit & prælegit *Regiæ Societati*, quo factò illa huic injunxerat, ceu Socio suo, complere quæ sibi ea de re proposuerat, deinde eadem publicè edere: Cujus postulati executionem speramus brevi apparituram, nec curiosis ingratam futuram.

Quorum aliqui forsân putarent liquores ita infusos in venas sine præparatione & digestionem.

gestionem ; causaturos inconditas commotiones in Sanguine, disturbance in Naturæ, & mira Symptomata in Corpore, qui tamen aliter sentirent de Liquoribus, præparatis ex iis quæ passa sunt digestionem Stomachi ; exempli gratia, de Spiritu Urinæ, Cornu Cervi, Sanguine, &c. Sperare etiam licet hanc *Inventionem* præter *Medicos* usus proficuam fore *Anatomicis* studiis, hoc modo replendo Vasa Animalis, quantum capere possint, quæ suâ distentione detegent *novæ* Vasa, &c. Sed ne nunc diutiùs immoremur Usibus, Lector tutò accipiat hanc Relationem, concernentem nudam quæstionem facti, quâ luce meridianâ clariùs demonstratur, (tum ex Tempore, tum ex irrefragabilibus Testimoniis plurimorum spectantium Virorum istius Academiæ, qui factum junctim attestari possunt ; tum denique ex speciali isto testimonio haud dubiæ fidei Domini *Boylai* ejusque honorandi socii, qui primi Experimenta oculis subjecere) inventionem hanc deberi *Oxonie*, inque eâ Doctore *Christophoro Wren* ; & consequenter quosvis alios, ea de materia differentes vel scribentes, eam vel à Doctore memorato derivatam habere, aut forte in eandem inventionem aliquot post eum annis incidisse.

A C T A  
PHILOSOPHICA.

*Die Luna, 8. Jan. 166 $\frac{1}{2}$ . N. 8.*

Contenta.

I. *Relatio de Experimentis factis in Italiâ de Campani novis Telescopiis.* II. *Ulterior Relatio de Balænarum captura circa Bermudas, & ad littora Novæ Angliæ, & Novi Belgii.* III. *De quodam notabili fonte Paderbornensi in Germania.* IV. *De aliis quibûsdam haud vulgaribus fontibus Basileæ & in Alsatia.* V. *De opimis fontibus Aquæ falsæ in Germania.* VI. *Quædam Observationes de mirabilibus Examinibus Insectorum, & damnis ab iis illatis: nec non VII. De Exclusionē Serpentum & Viperarum.* VIII. *Observationes admirandarum Constitutionum Corporum Humanorum.*

K

*rum. IX. De modo usitato in Italiâ, conservandi Glaciem & Nivem in Palea. X. Instructiones eorum, quibus longa transmarina emetienda sunt itinera, per Dominum Rookium, nuper Geometriæ Professore Collegii Greshamensis. XI. Quædam Observationes circa Jovem, Eclipsin per Suorum Satellitum quendam patientem: XII. Deque ejus conversione circa suum Axem. XIII. De quibusdam libris Philosophicis atque Curiosis, brevi edendis.*

---

*I. Relatio de Experimentis factis in Italiâ de Campani novis Telescopiis.*

**V**Ir quidam *Parisiensis* Curiosus scripsit Familiari suo *Londinum*, quæ sequuntur;

Nuper accepimus *Româ* à Viro maxime studioso nobis familiari Epistolam, quâ nunciabatur à *Campano* superatum *Divinum*.  
Magnus

Magnus Dux *Hetruriae*, ejusque frater *Leopoldus*, facto Experimento utriusque *Telescopiorum*, comperere *Telescopia Campani* aliis antecellere, istisque potuere commodè discernere populum, ad 4. *Leucarum* distantiam: De quibus specialiora alii occasione reservo.

Inter ea exspectantur *Longitudo* illorum *Telescopiorum*, & *Amplitudo Aperturæ* eorum *Lentium Objectivarum*. Interim hic absolvuntur *Lentes Parabolicae*, quas ante diximus *Londini* confici, omni cura & industria.

## II. *Ulterior Relatio de Balænarum* captura *circa Bermudas*, & *ad littora Novæ Angliæ & Novi Belgii*.

**I**dem ille, qui communicaverat specialia illa concernentia novam *Balænarum* capturam prope *Bermudas*, memorata initio horum *Actorum*, hanc ulteriorem largitur Informationem; Nempe ab illo tempore mandato *Societatis Bermudensis* captas ibidem fuisse sexdecim ejusmodi *Balænas*, quarum *Oleum* 50. vel 60. *Doliis* contentum, abhinc paucis mensibus advectum est *Limricium Hibernia*.

Addit, abhinc annos duos in littus *Novæ*



*Anglia* ejectum cadaver Balænae, ejus speciei quam vocant *Trumpo*, præditum dentibus haud dissimilibus alarum molæ. Os ejus, *inquit*, magno intervallo Naso subjectum erat, Nasus ipse variis capsulis & partitionibus distinctus, velut cauda Astaci; eo dissecto effluebat tenuis materia oleosa, quæ tempori figitur; postea residuum, quæ erat materia spissè pinguis, excipiebatur ex eadem parte, Palâ. Istamque materiam asserit esse *Sperma Ceti*; Subjungens, *Adipem* (quem vocant *Blubber*) ejusdem generis Balænarum, bullitum in superficie producere materiam quasi cremorum, quæ ablata atque injecta Vino albo, demittit fæculentum ac heterogeneousum sedimentum, sed quod superius manet, reddit materiam *Spermatis Ceti* similem.

Concludit relationem suam dicendo, has Balænas reperiri è regione littorum inter *Novam Angliam* & *Novum Belgium*, eandemque ibi capi posse octo vel novem mensibus unius anni, cum tamen *Bermudenses* ibi non occurrant, nisi mensibus *Februario*, *Martio* & *Aprili*.

Quod concernit necem Balænae, quam diximus ejectam in *Novam Angliam*, non est adeò improbable (piscis illo habente plures hostes, quos inter est piscis minutus dictus *Thresher*, qui, ut narrat Dominus *Terry* in suo itinerario *Indiæ Orientalis*, il-

lum

lum celeritate suâ plurimum vexat , non secus atque apis infestat jumenta terrestria ; & alius quidam piscis cornutus , qui cornu suum impellit in Balænae ventrem ) fuisse eam interemptam à posteriore memoratorum animalium ; cujus generis piscem novimus aliquando cornu suo ferri in naves , ( eas forsitan capientes pro Balænis ) easque seorsim rapere ; sicut nuper accidit in Navigio Anglico in Mari *Indiæ Occidentalis* ; cujus cornu pars abrupta , per Gubernatorem navis istius oblata est Regi , & nunc asservatur in suæ Majestatis Repositorio : idem casus evenit in Navigio Gallico , petente *Indiam Orientalem* , secundum Relationem traditam à Domino *Thevenot* in secundo suo *Tomo Itinerum Curiosorum*.

### III. De quodam notabili fonte Paderbornensi in Germania.

**V** Ir *Solers* ex his locis scripsit amico suo, *Londinensi* , quæ sequuntur.

In Diœcesi *Paderbornensi* , duobus ab Urbe milliaribus fons est qui *Methorn* dicitur , unde tres distincti rivi exeunt. Quorum duo , licet sesquipedem tantum ab invicem distantes , qualitates nihilominus contrarias habent. Aqua enim alterius liquida quidem est , sed subcœrulea , tepida & ebulliens , videturque participare nonnihil de Sale.

Ammoniaco , Ochra , Ferro , Vitriolo , Alumine , Sulphure , Nitro , & Arsenico ; eadem feliciter Epilepsiæ medetur , & contra dolores renum atque vermes adhibetur. Alter trahit aquam frigidam ut glaciem , turbidam , albicantem , priore graviolem , saporeque validiori præditam ; multum habet Arsenici , Salis , Ferri , Nitri , & non nihil Salis Ammoniaci , Aluminis , & Vitrioli , ex quo aves bibentes paulò post observatæ sunt mori. Quare privatim inquisivi & examinavi rem animi causa periculo facto in Gallinis. Eis ergò bibendam proposui hanc aquam , postquam comederant. Observavi autem omnes , quæ ederant hordeum , avenam & panis friati micas , & postea biberant , illico temulentas quasi adstitisse , atque titubantes supinum casum meditatas , fuisseque commotas mira convulsione , & paulò post mortuas , baculi instar riguisse pedibus , quantum fieri poterat , extentis. Illas verò , quibus paululum salis communis ingesseram simul ac biberant , supervixisse paulò diutius , neque tam cito periisse , quam priores. Alias , quibus instillari jussieram acetum , hinc inde repressisse septem circiter aut octo dies , maximè verò laborasse pituita , nec tamen inde mortuas. (NB. *Contrarium est in Ephim. Gall. A. 1666. 22. Mart.*) Mortuis autem dissectis , inveni pulmones contractos. Interim tamen certum &

hoc

hoc est, plures à lumbricis liberatos, modico haustu hujus aquæ dilutæ aqua communi. Nam, ut plurimi exinde morbo laborare coeperint, nemo tamen illorum inde mortuus est, sed excreta magna copia lumbricorum mortuorum, sanitati restituti sunt.

Quod ad tertium rivum attinet, qui paulo infra reliquos duos 20. circiter passus situs est, trahit utique ille aquam subviridem, liquidissimam, sapore acido eoque maximè suavi præditam. Levior primo, graviorque secundo, medium inter utrumque pondus tenet. Hinc persuasi sunt, qui Experimenta hac de re instituerunt, rivum illum formari & produci ex mistura duorum priorum, qui in eo simul committuntur. Cui conjecturæ locum fecit experimentum, quo compertum est primorum duorum rivorum aquas æquali mensurâ bene commistas parvæ mensuræ aquæ puteanæ, reddidisse aquam, postquam consedit, & sapore & colore à tertio rivo nihil differentem.

*I V. De aliis quibusdam haud vulgaribus fontibus Basileæ & in Alsatia.*

**V**ir Solers ex his locis scripsit, quod sequitur.

*Basilea fons, excurrens in subjectam*

*plateam Coriariorum* (dictam *Berbergasse*) ex monte *S. Leonardi*, trahit subcoeruleam aquam, & nonnihil turbidam, continen- tem Cuprum, Bitumen, & Antimonium, circiter tres quintas partes primi, unam se- cundi, & duas ultimi, prout examinarunt eam rerum periti. Coriarii nostri lavant co- ria sua aqua illa; cùmque sit grati saporis atque salubris, non modò potui sed & bal- neo utilis est. Committitur alterius fontis aquæ, dictæ *Wirsich*, sic mutuò junctæ, in- ter *Turrem Salis* & *portam Rheni* evadunt in *Rhenum*.

In eadem urbe (frequente aquis fontanis) inter alios fontes sunt duo, dicti alius *Fons Bandulphi*, alius *Fons ad Fontem*, (vulgò *Bjunn zum Bjunnem*/) primo memora- biliores; quorum ille habet *Camphoream* & exsiccantem virtutem, & adhibetur con- tra *Hydropisim*; hic continens nonnihil *Sulphuris*, *Salisnitri* & *Auri*, est potui ap- tissimus, inque præcipuâ hujus Urbis Cau- ponâ frequentata primariis Civitatis usa maximè frequens est, cùm prope eam de- labatur.

In *Alsatiæ* valle quadam dictâ *Jecoris*, (vulgò *Leberthal*/) prope *Geesbach* (per- vetustam Metallurgiam) excurrit ex *Ca- verna*, impurus, subpinguis, oleosus Li- quor, qui, licet ab agrestibus illius loci adhibeatur vili usui inungendarum Rota- run,

rum, loco picis liquidæ, isti usui destinatæ; nihilo minus producit excellens Balsamum, si nonnihil ejus acceptum imponatur vasi fictili bene lutato, ut nihil vaporis possit excludi; & tum primùm lento igni, post acutiore, coquatur tribus horis continuis, ad quas evaporatione redactum erit in quartam partem, subsidetque materia terrestris speciem Picis præbens in fundo; superficiem autem refrigeratæ innabit materia pinguior, similis Oleo Lini, limpida, & nonnihil subflava, quæ est percolanda à Spissò Sedimento, & dein lentè distillanda per Alembicum in *Arena*; quo factò, transibunt duo diversi Liquores, alter Phlegmaticus, alter Oleosus, qui innatans Phlegmatico, ab eo separandus est. Phlegma adhibetur ceu medicina excellens contra Putrefactiones Pulmonum & Jecoris, sanatque quævis putrida Vulnera ac Ulcera. Materia Oleosa diluta distillati Aceti duplici mensura, & ter rectificata per Alembicum, producit rarum Balsamum, contra omnes interiores exterioresque Corruptiones, fœtida Ulcera, hæreditariam contagiosamque scabiem: Multùm etiam adhibetur contra Apoplexiam, Paralyfin, Consumptiones vel Phthises, Vertiginem, & Capitis dolorem. Interiùs assumitur aqua Cichorei contra corruptiones Pulmonum. Species est *Petrolei*, nec continet alium succum Mineralem,

ralem, præter *Sulphureum*, qui ita sub terrâ videtur *naturâ* distillatus, cum artificialis distillatio Olei ex *Sulphure* non ita facile perficiatur.

## V. De ditissimis Fontibus Aquæ sal- sæ in Germania.

Cum expetita fuisset Relatio de duobus præcipuis *Fontibus Aquæ salsa* in Germania, *Halenfi* videlicet, ac *Luneburgensi*, nuper in sequentia verba fuit transmissa.

Quatuor sunt *Fontes Aquæ Salsæ Halæ-Saxonum*, dicti *Guttjahr / Deutschbunni / Mettritz & Mackeldorn*; quorum tres priores continent fere eandem proportionem Salis, ultimus minus habet, sed reddit purissimum. Tres priores continent circiter septem vigesimas quartas partes Salis, tres *Marasitæ*, & quatuordecim aquæ: Præter *Oeconomicum* usum adhibentur *Medicinali Balneo*, & ex illis extrahitur *Spiritus*, cum fructu adhibitus contra *Venenum*, & *putrefactionem Pulmonum, Hepatis, Renum & Splenis*.

*Aqua salsa Luneburgensis* magis subviridis, quàm alba, neque multum transparens, ejusdem propemodum naturæ est cum *Halenfi*. Continet mixturam *Plumbi*, quare nequit bullire in *Plumbeis patellis*; si verò nihil omnino *Plumbi* continet, non tam bona.

bona est, metallum enim illud censetur purificare aquam: unde etiam sal *Lunenburgensis*, cæteris omnibus confectis ex Fontibus Aquæ Salsæ, præfertur.

VI. *Quædam Observationes de Examinibus mirandorum insectorum, deque damnis ab iis illatis.*

**E**Ximius Observator, qui diu vixit in *Angliâ Nova*, occasione oblata, retulit cuidam amico suo *Londini*, ubi nuper fuit, abhinc aliquot annis illic visum fuisse tantum Examen certæ speciei Insectorum in Americana illa *Anglorum* Colonia, quod distantiam 200 milliarium veneno inficeret & destrueret quasvis arbores illius Regionis; repertis innumeris parvis foraminibus in terra, quæ erumperent speciem præbentes *Acarorum*, qui transformabantur in *Muscas* habentes speciem caudæ vel aculei, quem impingentes in Arborem Veneno infectam destruebant.

Idem malum frequentius fertur accidere in Ograina, Regione *Cosaccorum*, ubi Æstate siccâ infestantur ejusmodi Examinibus *Locustarum*, eò perductarum Vento *Solano* vel *Vulturno*, sic ut serenissima tempestate aërem obscuriorem reddant, & consumant omne frumentum istius Regionis; ponunt



ova suo *Autumno*, & deinde moriuntur; ex ovis autem, quorum ducenta vel trecenta ponit quævis locusta, exclusis proximè sequente Vere, denuo producit tanta copia Locustarum, quæ majus longè damnum prioribus inferant, nisi Pluvia enecat & Ova & Insecta ipsa, aut nisi exoritur *Aquilo* vel *Corus*, quo ferantur in Pontum *Euxinum*: Porci etiam istius Regionis avidi devorant non spernendam dictorum Ovorum copiam, & eo contribuunt purgandæ ab iis Regionis, quæ quandoque tanta molestia afficitur ab his insectis, ut ea intrent in domos & lectos, incidant in mensas & cibos, sicut vix homines edere possint, quin simul deglutiant nonnulla: Noctu fatigatis humus cubile est, quam in altitudinem trium, quatuorve digitorum occupant. Rota oppressa foetorem emittunt vix tolerabilem: Quæ omnia ac singula, ut & plura plenius videre est in *Gallica Descriptione Provinciarum Poloniae Domini de Beauplan*, & in *Relatione de Cosaccis*, quæ continetur in *Domini Thevenoti primâ parte Itinerum Curiosorum*.

**VII. *Observatio de Corporibus Serpentum & Viperarum.***

**Q**uidam Observârunt, differentiam esse inter incubationem Serpentum & Viperarum, illos ponere ova sua in fimetis, quorum calore foveantur, has verò Viperas fovere ova sua in ventribus, & viviparas esse: Quibus addi potest, quod quidam asserunt vidisse Serpentes incubare ovis, velut Galinas suis.

**VIII. *Observationes admirandæ Constitutionum Corporum Humanorum.***

**V**ir solertissimus Medicinæ studens *Lugduni Batavorum*, cui communicatæ fuerant Relationes de Materia Lactea Venarum, quarum mentio facta Num. 6. grato animo reddit Observationes sequentes.

Paucis (ait) abhinc annis hic locorum fuit Studiosus, qui valde addictus Studio *Astronomico* plurimas noctes impenderat astris contemplandis, & inde sibi contraxerat Nocturni temporis humida frigidaque temperatura tantam pororum cutis suæ obstructionem, ut parum vel nihil inde exhalaret; hoc verò innotescebat eo quod indusium tritum ab eo quinque sexve septimanas, puritate non cederet indusio unum diem trito.

*Inq.*

Interea contraxit aquam intercutem, quâ tamen curata postea convaluit.

Videmus etiam hic (*inquit idem*) Puellam tredecim circiter annorum, quæ à tempore sexti anni suæ ætatis, quo cum Matre sua incipiebat versari in culina, quotiescunque iussâ fuerat Matri expromere salem, vel quâvis aliâ Occasione Sali accedendi, sacculos suos eo replebat, vescébaturque, non secus ac alii infantes vescuntur Saccharo: hinc ita exsiccata est & riguit, ut non posset pedes agitare, tandemque mortua est.

Eruditus ille atque Curiosus Doctor *Ioannes Beal*, lecto supradicto *Num. 6.* communicare nobis dignatus est notam sequentem.

Observationi Vestræ, de Lacte Venarum, addere possum *Phænomenon* non multum ab Observatione vestrâ abhorrens, quod recepi abhinc supra 20. annos à *Thoma Day* Apothecario *Cantabrigiensi*; vid. Ipse Venam brachii viro secuit, ex præscripto Doctoris *Eade*, istius loci Medici. Sanguis Viri albedine præbebat speciem lactis, ex Venâ erumpens præditum erat paulò diluto rubore, sed simul ac exceptum erat vase, album apparebat; guttasque lactis in pavimento, quocunque fortè ceciderat, referebat. Hujus *Phænomeni* causam conjectabat memoratus Medicus fuisse, quòd *Æger* nimium piscibus pro cibo usus fuisset; simul asserens, ei Lepram maturè præventam Medicinâ imminuisse.

*IX. Mo.*

IX. *Modus conservandi Glaciem & Nivem in Palea.*

**I**ngeniosus Dominus *Guilielmus Ball* hujus rei relationem communicavit, prout eam accepit à fratre suo, jam commorante *Livorni*, in verba sequentia;

Promptuaria Nivis, aut Glaciei hic locorum communiter præparantur à latere montis præcipitis, in modum profundæ caveæ, quibus mediis facile transitum parant ex fundo evasuræ aquæ, quæ si remaneret ibidem stagnans, glacies & nix regelarent: Stramine autem contegunt, in modum operculi patellæ Condimentariæ, nè pluvia penetret. Latera (si in sicco sunt) non muniuntur, prout factum videmus in *Septo S. Iacobi*, ob humiditatem fundi. Hunc puteum replent nive aut glacie, (curam adhibentes, ut seligatur Glacies purissimæ aquæ, quia ea diluunt vinum) prius benè strato fundo *palea*, vel *acere*, purgamento frumenti. Hoc facto, ulterius, impositâ Glacie ac Nive, (quam deprimunt,) muniunt bene latera ejusmodi *palea*, & deinde bene operiunt eadem materia; cumque ita jacuit spacium semestri, compertum est non supra octavam partem ponderis primævi perdidisse. Quandocunque materiam excipiunt Aëre, volutant in eadem *paleâ*, & sic mirum

rum in modum conservant. Usus ejus in *Angliâ* non tantus esset pro refrigeratione potus, (cui fini hîc potissimum destinatus est;) quantus pro refrigeratione fructuum, & bellariorum &c. *Hucusque Author ille.*

Alter modus usitatus cûm in Italia, tum in aliis Regionibus, Conservandi Nivem & Glaciem *Stramine* vel *Arandine*, tam exactè descriptus est à Domino *Roberto Boyle* in ejus *Historia Experimentalî Frigoris*, pag. 408. 409. ut nihil addi queat. *Plinius* videtur non potuisse præterire hæc Conservatoria, & Refrigerationem Potus Glacie, quin adderet non minus severam, quam elegantem & acutam animadversionem in hæc verba: *Hi nives, illi glaciem potant pœnasque montium in voluptatem gulæ vertunt: Servatur algor aestibus, excogitaturque ut alienis mensibus nix algeat:* lib. 19. cap. 4. Sed *Epigrammateus* ea de re ita ludens canit;

*Non potare nivem, sed aquam potare ri-*  
*gentem*

*De nive, commenta est ingeniosa sitis.*  
*Martial. 14. Epist. 117.*

*X. Instructiones eorum quibus  
longa transmarina emetienda sunt itin-  
nera.*

**S**ocietatis Regiæ ab institutione sua prima  
cura fuit, ut Naturæ Inquirendæ potius,  
quam libris pervolvendis studium operam-  
que impenderet, & Historiam Naturalem  
Observationibus suis, secundum varia Na-  
turæ phænomena & effectus, quos adverte-  
runt, institutis, conformem componeret,  
quæ fundamentum impofterum solidæ ali-  
cujus utilisque Philosophiæ haberi possit.  
Qua de re multis Sociis suis demanda-  
vit, ut in inquisitione non solum rerum  
notabilium in peregrinis terris occurren-  
tium, verum etiam in instructione aliqua  
in privatorum gratiam, quibus fortasse  
æque id studium volupe est, adornanda ve-  
lint esse occupati:

Hinc quoniam maxima, quæ ex Itineri-  
bus Anglorum in omnes Terrarum orbis  
partes impofterum instituendis, peti posset  
utilitas, in commodum Philosophici ger-  
minis, bene est perpensa, Excellentissi-  
mus ille Mathematicus & Philosophus,  
Dominus *Rookius*, collegii ejusdem So-  
cius, & *Geometria* Professor in *Collegio Gref-  
hamensi* ( nunc mortuus in magnum  
detrimento

detrimentum Reipublicæ Literatorum) jam antea electus est, impositumque ei hoc laboris, ut Consilia formet iis, qui trans mare in Indias Orientales aut Occidentales navigant, quo magis reddantur idonei observationibus, ad perfectionem Scopi ipsorum facientibus, instituendis. Postea rogati sunt nautæ, ut exactum observatorum conscriberent codicem, cujus duo adornent Exemplaria reduces, alterum quidem *Domino Supremo Thalassiarcho Angliæ*, Celsitudini suæ Regiæ *Duci Eboracensi*, alterum verò *ædibus S. Trinitatis* offerendum, quo perlegi & perlustrari possit à Societatis Regiæ Membris.

*Rookius* igitur antè mortem adhuc demandato functus officio, Catalogum ejusmodi instructionum conscriptum obtulit, quem publici juris facere, nautisque omnibus aliquod ejus exemplar in eo tenore, uti sequitur, tradere commodum fuit visum. Ipse Catalogus sequitur.

1. Declinationem Magnetis, five acus Magneticæ à Meridiano variationem sæpius observent, annotatâ simul paulò accuratius, quoad ejus fieri potest, *Latitudine & Longitudine* loci, quo observatio fuit habita, quaque methodo fuit eadem instituta.

2. Instruati sint acubus magnete bene tinctis & illinitis, eademque ratione acus inclinationem observent.

3. Di-

3. Diligenter inquirent in Fluxum Maris & Reflexum omnium omnino locorum, ubicunque id fieri potest, cumque accidentibus omnibus ordinariis pariter atque extraordinariis æstus; verbi gratia, quale præfinitum habeat Tempus Venilia, quale Salacia in Fluminibus, ad Promontoria sive Capita, cui insistant viæ currentes aquæ, quanta differentia sit perpendicularis inter maximum fluxum & minimum refluxum, mediis æstibus altissimis, & depressissimis, [Anglicè Springtides, & Neaptides, Belgicè Spzinchbloet & Schzaelwater:] (NB. verba subducta omissa sunt in Ephimer. Gall. 16. Aug. 1666.) quota Lunæ die, quoque tempore anni maximus minimusque æstus accidant; nec non accidentia, quæ quidem observari possunt omnia, in æstu se offerentia, præcipuè verò proximè portus & circa Insulas, e. g. circa Insulam S. Helena, & tres ejus amnes, circa Bermudas, &c.

4. Delineent & describant Orarum Maritimarum, Promontoriorum, Insularum & Portuum prospectus, & observent propinquitates & distantias tam exactè, quam quidem fieri potest.

5. Tentent, experiantur atque annotent, profunditatem marium littoreorum, Portuum, aliorumque locorum similium proximè littora, prout id judicaverint commodum.



6. Laborent ut terræ fundi maris naturam cognoscant, singulis experimentis profunditatis, utrum sit vel argillacea, vel arenosa, vel saxea.

7. In Memoriis conscribant mutationes ventorum & tempestatis omnes, quæcunque horis diurnis pariter ac nocturnis omnibus contingunt, observato simul puncto loci, unde spiret ventus, isque vel validus vel debilis; Nec non ad pluvias, grandines, nivem, aliaque similia, tempusque initii & durationis ipsorum præcisum attendant, præcipuè Turbines propriè *Hurricans* dictos, & tempestates illas marinas, quæ Belgis *Wooſe* / Anglicè *Spouts* dicuntur. Maximè verò omnium notent Regulares & constantes Ventos, in quo Longitudinis & Latitudinis gradu initium capiant, ubi & quando cessent, ubi mutentur, validiores & debiliores, & in quâ proportionem evadant; idque tam accurate, quam quidem fieri potest, observare sint solliciti.

8. Observent, notisque literarum consignent meteora extraordinaria omnia, qualia sunt fulgura, tonitrua, Cometæ, ignes fatui, & semper locum ut & tempus apparitionis ipsorum & durationis observent.

9. Exactis stateris & phialis, dimidiam circiter mensuram capientibus, arctaque maximè colla habentibus sint instructi; Hæ aqua marina variorum Latitudinis graduum, quoties libuerit, impleantur, & diligentissimè phia-

phialæ aqua singulis vicibus immiffa plenæ, gravitas annotetur, additis Longitudinis & Latitudinis gradibus loci, dieque Mensis: Idque non minus de aquâ prope superficiem, quam ex majore profunditate hauftâ observetur.

XI. *Quædam Observationes circa Jovem. De umbrâ cujusdam ejus Satellitum visa Telescopio transire corpus Jovis.*

**A** Ccepi Relationem à bonæ fidei viro, qui 26. *Septembris* novissimi media Octava narrat observatam fuisse tam in *Hollandia* & in *Galliâ* (à curiosis observatoribus egregiis Telescopiis) umbram cujusdam *Satellitum Jovis*, transeuntem per corpus ejus. Quædam parvarum illarum stellarum, quæ moventur circum corpus Jovis (& propterea appellantur *Satellites Circumjoviales*) interposita Soli & Jovi, huic parvam Eclipsin intulit, apparentem in facie Jovis adversa in modum parvæ rotundæ nigræque maculæ. Specialia hujus Observationis poterimus, simul ac nobis redita fuerint (si necesse sit) publici juris facere: Quæ observationes, sicut per se maximè sunt notandæ, & comprobant Præstantiam Telescopiorum, quibus sunt detectæ; ita partim attendimus Domini *Cassini* de iis sententiam, qui ante intimans talia Phænomena expectanda, occasionem dedit istis curiosis observatoribus illa investigandi.

XII. *De*

**XII. De fixa macula in Jove :  
qua demonstratur Jovis conversio cir-  
ca suum axem.**

**P**Ræter jamjam memoratam Umbram Transcuntem, observavit primùm Dominus *Hookius* (uti diximus supra Num. I. horum *Actorum*) & deinde Dominus *Cassini* maculam fixam in Disco *Jovis*; cujus ope potuere observare, non tantum *Jovem* circumvolvi circa suum axem, sed & Periodus illius Conversionis, quæ æstimatur esse 9. horarum & 56. minutorum.

Nam quemadmodum *Keplerus* primò quidem conjiciebat, ex motu Primitivorum Planetarum circum Solem, tanquam suum Centrum, Solem circum axem suum volvi, sed non poterat illud demonstrare, antequam per *Galilaum* & *Scheinerum* Maculæ in Sole fuerant detectæ; ita hætenus rationabiliter creditus etiam est *Jupiter* circum suum axem moveri, ob motum secundariorum Planetarum circa *Jovem*; sed nunc demum veritas istius opinionis Observatione ipsa evincitur, simul cum Periodo Temporis Circumvolutionis, quæ singula ante non poterant demonstrari. Et simili ratione judicium ferre licet de *Saturno*, propter secundarium Planetam, quem Domi-  
nus

nus *Hugenius de Zulichem* circum Saturnum moveri animadvertit; (quanquam motus ille nondum sit demonstratus per Observationem:) nec non de *Terra*, ex ejus Satellite *Luna*.

Utrum idem possit inferri de aliis Planetis, *Marte, Venere & Mercurio*, (circum quos necdum observati sunt moveri Planetæ secundarii) non est adeo perspicuum. Potest tamen in illis videri nonnihil verisimilis probabilitatis. Non modo, quia possibile est, illos circum se habere Planetas secundarios, quanquam nondum detectos; (novimus enim diu post detectionem Planetarum secundariorum *Jovis* Planetam secundarium *Saturni* esse detectum; & quis scit, quid de aliis secula ventura sint detectura?) Sed & quia Primarii Planetæ omnes simili modo illuminantur à sole, & (ut summè verisimile est) circumducuntur ab eodem, non improbabile est singulos eisdem Legibus, unaque Methodo moveri; & per consequens circum suos axes rotari, prout manifestum est quosdam eorum circa axes suos rotari.

Verùm quod attinet ad Planetas Secundarios tam *Jovis*, quam *Saturni*; maximè verosimile est eos non circumrotari circa axes suos. Non tam, quia propter eorum parvitatem nihil tale est Observatum, (neque enim posset, licèt circumrotatio illa fieret:) Sed quia propter Analogiam, quam  
ha-

habent cum nostrâ *Luna*, probabile est eos simili ratione moveri. Et licet non negandum sit *librari* quodammodo *Corpus Lunæ*, sic ut non semper nobis exactè appareat eadem facies adversa; (prout evidens est ex *Hevelii* Observationibus, aliorumque;) tamen non accidit in eâ *Reolutio* circa axem; cum eadem semper facies, paucissimis mutatis, nobis sit adversa, veluti videre est in *Hevelii* Tractatu de *Motu Lune Libratorio*; & certè, in omnibus aliis, qui specialiter scripsere de *Maculis Lunaribus*; estque universaliter notum omnibus, qui *Lunam* quavis solertia conspexerunt *Telescopiis*:

**XIII. De quibusdam libris Philosophicis atque Curiosis, brevi edendis.**

1. **D**E *Origine Formarum & Qualitatum*, deductâ ex Principiis Mechanicis; Autore Domino *Roberto Boyleo*, Equite.

2. *Hydrostatica Paradoxa* ejusdem Authoris. Ambo Anglicè conscripti.

3. Tractatus de *Origine Nili*, auctore Domino *Isaaco Vossio*, oppositus Tractatui Domini de la *Chambre*, qui tuetur, *Nitrum* esse causam principalem *Inundationis* istius anni.

4. *Dissertatio de Viperis*, autore Domino *Redi*, Italo.

5. *Diss.*

5. Discursus de *Anatome Leonis*, ejusdem autoris.

6. Alius, *De Figuris Salium*, ejusdem authoris.

7. Narratio de Fundatione *Lynceorum*, *Italicae* Academiae, eorumque Proposito & Statutis: quorum caput est Princeps *Cessi*, qui simul intendit fundare talia Collegia Philosophica in omnibus Orbis regionibus, præcipuè in *Africa* & *America*, ut illorum auxilio addisci possint quævis notandæ productiones *Naturæ* in istis Regionibus obviæ. Author adhuc *Anonymus*.

8. His addam Librum nuper impressum Oxonii, (nondum tamen divulgatum aut dispersum) *Catalogum Stellarum Fixarum*, una cum illarum *Longitudinibus*, *Latitudinibus* & *Magnitudinibus*, secundum *Observationes Uleg-Beigi* (Regis, & celebris Astronomi, pronepotisque famosi *Tamerlanis*, nec non ejusdem inter alios Successoris in quibusdam ejus Regnis) conscriptum *Samarcandi*, quæ ejus primaria regia fuit, (anno Hegiræ 841. Christi 1437.) Ille comperiens *Tabulas Ptolemæi* non satis respondere Coelis, summa diligentia & maximis impensis, de novo fecit *Observationes*, quod & *Tycho Brahe* postea fecit. Est minor pars *Catalogus* ille majoris operis *Astronomici*, cujus diversa exemplaria *Manuscripta Persica* exstant Oxonii. Ex quibus *Catalogus di-*

Etus est versus & editus *Persice & Latine*, interprete *Thoma Hyde*, Magistro Artium nunc Bibliothecario Bibliothecæ *Bodlejana Oxoniensis*: (unà cum Commentariis ejusdem annexis: ) quemadmodum alia pars antè fuerat elaborata à Domino *Iohanne Graves*. Optandum equidem esset, ut totum opus verteretur, quo melius cognosceremus, quæ tum temporis fuerit *Orientalium Astronomia*.

## A C T A

## PHILOSOPHICA.

*Die Lune, 12. Feb. 1664. N. 9.*

## Contenta.

I. Appendix ad Instructiones *Nautarum*, quibus longa transmarina emetienda sunt itinera. II. De sententia quorundam *Astronomorum Anglicanorum* de controversiâ, inter duos eruditos de Observatione aliquâ, circa priorem ultimorum duorum *Cometarum* habita. III. De  
Com-

Commercio literario procurando, pro inventione Veræ distantia Solis & Lunæ à Terra. IV. De Observatione non ita pridem facta in Anglia de Saturno. V. Relatio de nonnullis Observationibus Mercurialibus, factis Baroscopio, earumque Confectariis. VI. Observationes de Viperis habitæ à Philosopho Italo.

---


I. Appendix ad Instructiones Nautarum, quibus longa transmarina emetienda sunt itinera.

CUM maimè utile sit *Philosophiæ Physicæ ac Arti navigandi*, cognoscere modum, quo profunditas maris sine Chorda tentanda, & haurienda aqua ex quacunque Maris profunditate; invenit Dominus *Hooke* sequentes modos utrumque perficiendi; (qui additi fuissent nuper impressis *Instructionibus Nautarum*, si tum convenienter fieri potuisset.)

Primò igitur Profunditatem Maris sine Chordâ experiendam quod concernit, globus aut Sphæra aliqua abiegna, aut ex acere, vel ex alio quovis levi ligno confecta requi-



ritur, perinde uti in prima *figura* per literam A indicatur. Ea bene illinitur atque munitur Vernice, pice aut alia materia simili, ne videlicet imbibat aquam; Quo facto moles aliqua plumbi aut lapidis, cujus gravitas ad sum mergendum globum A satis idonea sit, applicetur: globus verò habeat rutabulum aliquod ex filis æreis C confectum, ut & pinnam ex filo æreo C, cujus extremum F aduncum sit & incurvatum. In illud rutabulum digitis constrigenda est pinna ærea, extremumque ipsis aduncum & incurvatum comprimendum, eique sit appensum annulo quodam E pondus D, & ita juxta rationem in 1. *Figura* repræsentatam in aquam leniter demittendus est globus cum appensis; usque ad fundum, ubi pondus D, primum attingens fundum, ibidem detinetur: Globus verò ligneus, qui nonnisi motus violentia, quam descendendo acquirit, in imum deprimitur paulò post detentionem ponderis, solvit pinnam, reditusque libertati in altum enititur. Ita ut observato, quanto temporis spacio globus ille sub aqua moratus sit. (quod fieri potest indice quodam minutis primis & secundis instructo, aut bono Clepsammo Minutario, aut potius globo pendulo secunda minuta metiente) facillimum est ex quibusdam *Tabulis* Maris profunditatem cognoscere.





Advertendum autem est, gravitatem & figuram ponderis plumbei, magnitudini, gravitati & figuræ globi lignei proportionem respondere debere, & quidem ut experientia innotescet, convenientissima.

In Experimentis nonnullis, quæ instructo illo jamjam instituta sunt, globus ligni acerni, benè munitus pice,  $5\frac{1}{2}$  digitorum in Diametro,  $2\frac{1}{2}$  vero libras pondere aquabat. Plumbum ponderabat  $4\frac{1}{2}$  libras, & secundum Conicam figuram undecim digitos longum erat, mucrone vel vertice deorsum verso,  $1\frac{1}{2}$  dig. latitudinis Diametri superioris &  $\frac{1}{2}$  latitudinis Diametri inferioris. In Thamise, ubi experimenta illa in aquæ 19. pedum altitudine sunt observata, nonnisi sex minuta secunda horaria inter summersionem & emersionem globi intercessere; In profunditate vero aquæ decem pedum,  $3\frac{1}{2}$  secunda minuta, aut circiter. Quodsi nonnulla adhuc experimenta ea ratione fuerint facta, haud erit difficile invenire methodum, qua supputari & cognosci possit profunditas aquæ ex eo temporis spatio, quo globi commemorati sub aquâ morantur.

Observatum etiam est, cùm experimenta fierent in Thamise, globum eo in loco dejectum, ubi aqua satis alta est, non longius temporis intervallum absumpsisse, priusquam supra aquam, ad longitudinem

duarum navium, adeoque longè ab illo quo injectus fuit loco (ablatus enim fuit a corrente falacia) emerfit iterum, quam tum insumpsit ad emersionem, cùm ad unius saltem ulnæ longitudinem aut circiter ab eo loco, quo dejectus fuit, emergeret.

Instrumentum *alterum* quod extrahendæ aquæ è fundo marino inservit, se habet, uti *secunda Figura* refert. Est enim fitula ex ligno Quadrato confecta, cujus Fundi E E earatione sunt fabricati, ut dum pondus A submergit ferrum B (cui fitula C median-  
tibus duabus ansis D D sub extremitatem duos fundos mobiles E E quasi duas portæ valvulas habentibus, annexa est) & ita fitulam in profundum agit; aquæ resistantia fitulam continet in situ C, ita ut aqua facili-  
mè transire possit eo tempore quo descendit. Verùm simul ac fitula à chorda F in altum trahitur, aquæ resistantia à motu illo excitata in profundum agit fitulam, inque situ G eam servat, ita ut nec aqua interior inclusa exire, nec exterior intrare possit.

Hoc instrumento cognosci potest, utrum aqua marina in fundo magis vel minus salsa sit quam in vel prope superficiem, ut & utrum aqua quibusdam in locis marini fundi sit dulcis, uti putat *Iohannes Hugo Linschotanus*, qui in relatione sua de Itineribus in Indias Orientales susceptis Anglico conscripta idiomate, pag. 16. refert, proximè in-  
su-





ſulam Barem, vel Babarem, in Sinu Perſico quibuſdam instrumentis, quorum deſcriptionem ſicco pede tranſit, aquam hauriri infra ſaſam, ad profunditatem 4. circiter aut 5. Orgyiarum contentam, eam verò dulcedine haud inferiorem aqua fontana quavis.

II. *De Sententia quorundam Aſtronomorum Anglicanorum, de controverſia inter duos Eruditos de Obſervatione aliqua, circa priorem ultimarum duorum Cometarum habita.*

QUoniam Num. 6. horum Aſtorum diximus, contigiffe controverſiam aliquam inter celeberrimos duos Philoſophos *Hevelium* puta atque *Auzoutum* in Obſervationibus circa priorem Cometam  $\frac{2}{18}$  Feb. Anno 1665. habitis; & aliquos poſtea Aſtronomos Angliæ illuſtres, conſiderato Controverſiæ momento, examinare eam conſtituiſſe; putavimus illos, qui hac de re dictum nonnihil perceperunt, non ægrè laturus, ſi certiores fiant de eo quod ea de materiâ adverterunt.

Quando igitur duorum illorum Virorum ſcripta typis excuſa invicem ſunt collata, & diligentiffime inquiſitum in Obſervationes domeſticas, cum Teleſcopiis à quibuſdam



eruditioribus Astronomis suis habitas, qui exactissime Cometæ positum cum stellis Telescopicis; in ipsius via offensis observarunt,

communis consensu concluderunt, quod, quæcunque etiam apparentia illa, quam *Hevelius* penes primam *Arietis* stellam advertit, fuerit, (de cujus apparentiæ veritate ipsi dubitare nollent) supra tamen dictus Cometa nunquam attigerit illam stellam, quæ est in aure sinistra *Arietis*, quorsum *Hevelius* supponit transiisse illum; sed cepisse cursum suum proximè stellam lucidam, quæ est in *Sinistro Cornu* juxta *Bajeri* Tabulas. Quoniam igitur Observationes à judicissimis Galliarum, Italiæ & Germaniæ Astronomis habitæ, quæque ad manus & notitiam Anglorum pervenerunt, omnes omnino cum suis conveniant, non dubitare se, quin in tanto unanimi tot tantorumque virorum circa hanc rem consensu, cum disceptatio sit quæstio saltem facti, qua in re autoritas, numerus & existimatio palmam deportat, *Hevelius*, cujus sinceritas non minus, quam Eruditio, toti Orbi innotuit, juncturus se sit illis, communique ipsorum sententiæ subscripturus.

III. De Commercio literario  
procurando, pro inventione Veræ di-  
stantiæ Solis & Lunæ à Terra, per  
Parallaxes Observatas sub eodem  
Meridiano, vel propè eundem.

Cum cognitio hujus Distantiæ magno  
commodo sit futura Perfectioni Astro-  
nomiæ, & meliori confirmationi Doctrinæ  
Refractionum: nonnulli Solertissimi Viri in  
Anglia pro ejus inventione conceperunt,  
Commercium literarium cum quibusdam  
peregrinis, peritis rerum Astronomicarum,  
& longè distitis ab invicem in Latitudinis  
gradibus, sed sub eodem Meridiano, vel  
prope eundem habitantibus, instituen-  
dum.

Cui negotio perficiendo sequens Metho-  
dus proponitur observanda, vid. Certis  
temporibus, de quibus inter se convenere  
duo Observatores, adhibitis Telescopiis am-  
plis, bonis, huicque instituto adaptatis,  
virgula mensoriâ, ad convenientem distan-  
tiam imposita Lente Oculari, ut distinctè  
videri possit, & ut inserviat parvis distantis  
per minuta prima & secunda dimetiendis,  
(quod facile fieri potest amplis Telescopiis,)   
certis, inquam, illis temporibus, uterque  
observatorum ita munitus, observet viam

visibilem *Lune* inter *Stellas fixas*, (annotando istius accuratam distantiam à quavis *Stella fixa*, quæ in *Lunæ* semita, vel prope eam sita sit, una cum exacto tempore istius apparitionis) & tunc apparentem Diametrum Disci ejus; continuando has Observationes singulis vicibus duas tresve horas, ut ita, si fieri potest, duabus exactis Observationibus ejus loci *Apparentis* inter *Stellas fixas* habitis, in duobus locis multum distitis in *Latitudinem*, & quoad ejus fieri potest, sub eodem *Meridiano* sitis, ab his Observatoribus eodem tempore concurrentibus, vera *Lunæ* & exacta distantia inde colligi possit, nec tantum pro illo tempore, sed & pro quibusvis aliis, præviâ unius Observatoris contemplatione ejus *Telescopio*, & accurata dimensione ejus *Apparentis* Diametri. Similiter optandum foret, ut quotiescunque ibi accideret magna aliqua *Eclipsis Solis*, hanc etiam observatores memorati observarent, in ea annotando accuratam mensuram maximæ obscurationis comparatam tunc *Apparenti* Diametro Disci ejus. Nam his mediis, *Lunæ* distantia exactâ inventa, distantia quoque *Solis* facili negotio deducetur.

Quod attinet ad tempus aptissimum habendis Observationibus *Lunæ*, utique definitur illud esse, cum *Lunæ* circiter quadrans aut minus illuminatum apparet, quia  
tunc

tunc lumen ejus non adeo splendet, quin bono Telescopio observari possit transire proximè & aliquando supra *stellas fixas* diversas, quod tempus incidit circiter quatuor quinqueve diebus vel ante vel post Plenilunium: Vel id quovis alio etiam tempore fieri potest, quoties *Luna* transit proximè, vel supra aliquot notabilioris magnitudinis *Stellas fixas*, quales sunt primæ vel secundæ *Magnitudinis*; quod facile supputari & prævideri potest: Omnium commodissimum tempus est, quando accidit *Lune Totalis Eclipsis*; tunc enim vel minimæ *Stellæ Telescopicæ*, videri possunt adjacentes ipsi corpori *Lune*. De quibus specialibus inter se convenire oportet ambos familiares negotii curatores, quàm primum socius in externis regionibus curando operi fuerit inventus; quo facto mutuo sibi communicare debent, quod quisque suo loco observaverit.

#### IV. *De Observatione non ita pridem habita in Anglia de Saturno.*

**H**Æc Observatio fuit habita à Magistro *Guilielmo Ball*, sociato germano, Doct. *Ball*, Octob. 13. 1665. hora sexta, in loco dicto *Mainhead* prope *Exonium* Comitatus *Devoniensis*, egregio Telescopio 38. fere pedes longo, & duplici Lente oculari, ut ob-

servator ipse annotat, dicens, se nunquam Planetam illum distinctius vidisse. Observatio est expressa per *Figuram 3.* de quâ Author in Epistola sua amico missa scribit in hæc verba: „ Hæc figura *Saturni* hoc modo mihi apparuit, & quidem alio, quem animo conceperam, exspectans eam decementum accepturam, sed semper plenam comperi, & quidem paulò cavam inferius & superius. „ His lectis, amicus cui literæ erant missæ, examinans hanc figuram, Literis missis petiit, ut Author *Systematis hujus Planetæ* nunc attentè consideret præsentem *Figuram Ansarum* aut *Anuli* ejus, utrum ita sibi appareret, ut in *Figura* demonstratum est, & consequenter utrum nihil appareret, quod suaderet non esse unum Corpus *Figuræ Circularis*, circumdans *Discum*, sed duo.

Atque ut alii Viri Solertes aliorum locorum alliciantur ad adjungendas Observationes suas, quò videant, utrum possint similem faciem reperire ei, quæ exhibita est hic, præcipuè tales incisuras aut Cavitates, quales apparent prope A & B, commodum visum est nuper acceptam Relationem hic inferere.

V. Relatio de nonnullis Observa-  
tionibus Mercurialibus, earumque  
Confectariis.

**M**Oderni Philosophi evitandæ Circum-  
locutionis gratia, Instrumentum il-  
lud, in quo Cylinder repletus Mercurio,  
altus circiter 28. aut 31. digitos tenetur  
suspensus ad modum *Torricelliani* Experi-  
menti, vocant *Barometrum* vel *Barosco-  
pium*, primò publici juris factum ab Eximio  
illo Scrutatore Naturæ, Domino *Boyleo*,  
& ab eo aliisque adhibitum ad ostendendas  
minutissimas variationes Pressionis & pon-  
deris Aëris. Pro quarum minimarum mu-  
tationum exactiore & accuratiore distin-  
ctione, descripsit Dominus *Hookius* in *Præ-  
fatione Micrographiæ* suæ tale Instrumen-  
tum *Orbiculatum*, à se inventum, & per  
novissimorum duorum annorum experi-  
menta ejusdem, perpetuò compertum, ad  
illud propositum, accuratum: quæ res  
cum sit exacta, nec confectu difficilis,  
optamus, ut, quibus est ingenium &  
opportunitas habendarum Observationum  
hujus generis, sibi prospiciant de talibus in-  
strumentis, accuratè confectis & adaptatis  
juxta Methodum propositam loco jamjam  
memorato.

Antequam aliquid dicamus de Observationibus hoc instrumento factis, & simul excitemus studiosos *Physicæ* ad sedulam illarum prosecutionem, monendus est nobis *Lector*, *Primò*, jamjam memoratum Dominum *Boyleum* (prout ipse non pridem *Authori* horum *Actorum* intimavit) jam fecisse diversas hujus generis Observationes. Annis 1659. & 1660. antequam ullæ essent editæ, quantum ipse sciat; sed hætenus nondum curasse divulgari, propter alias quasdam chartas, (quibus comitatæ erant in lucem processuræ) quarum absolutio fuit præventa ac impedita aliis studiis & occupationibus.

*Deinde*, præter alios diversos, qui postea curiosi fuerunt talium Observationum habendarum, Doctorem *Johannem Beal* magnâ assiduitate, quantâ potest, & ipsum observare, & Observationes ejusdem generis procurare per plurimos familiares commorantes in diversis *Angliæ* tractibus; (quales amicis suis *Londinum* pluribus literis misit,) censens magni interesse, ejusmodi Observationes fieri in locis aliquantum ab invicem dissitis, ut sic ex comparatione illarum accuratè habitarum cognoscatur, utrum Aër gravior sit in regionibus *Orientalioribus*, an in *Occidentalioribus*? *Septentrionalioribus* an *Australioribus*? propioribus *Mare*, an remotiùs sitis in ipsa Regione?

Tem-

Tempestate calidiore an frigidiore ? procellosa an tranquilla ? humida an sicca ? Vento Borea flante , an Austro , vel an Euro , an verò Zephyro ? Utrum servet eadem tempora mutationum ? Et utrum constitutiones & variationes Aëris & Tempestatis eo ipso possint detegi , & causæ variorum aliorum *Phænomenon* , nunc occultæ , manifestari ?

Dicto *Doctori* adeò placet detectio jam facta ope hujus instrumenti , ut æstimet eam maximè admirandam omnium rerum , quas Orbis unquam cognovit , si habeatur ratio varietatis , justæ admirationis , & Philosophici momenti , separata à ratione lucri. Nam (*inquit , in quadam suarum Epistolarum* ) quis unquam expectasset vel sperasset , nos homines inventuros Artem , qua ponderaremus quidquid Aëris capitum nostrorum fastigiis superfusum est , secundum singulas ejusdem alterationes , & quæ quasi ponderaremus vel gravitate distingueremus Ventos & Nubes ? Quis verò credidisset , unquam palpabili evidentia demonstrari potuisse , maximè *Serenum* quemque Aërem ponderosissimum , & *densissimum* esse ; *levissimum* autem , nubilis obscurissimis nobis impendentibus , dissolutioni proximis aut destillantibus. Et quanquam (*pergit* ) nondum possumus pertingere ad omnes ejus usus & Applicationes ; tamen interea ad tempus detinebimur studiis *Domini Boylei* , qui



qui nos hac in re manu ducet ad voluptatem & admirationem usque. *Magnes* cognitus fuit multis centenis annis, antequam in *Novis Orbibus* inveniendis, ejus auxilio uteremur. Mihi quidem (*ait*) mira est voluptas, semper inter studia mea contemplandi tam *Curiosam Stateram*.

Facta hac *Generali* expressione suæ sententiæ de illa inventione, & singulari voluptate, quâ fruatur in *Observationibus* ejusdem, descendit ad specialia, eaque per diversas epistolas communicat familiari suo, ut sequitur.

1. *Barometrum* meum *Orbiculatum* nunquam poteram tam exactè implere *Mercurio*, ut omnem Aërem excluderem; & propterea magis fretus *Tubo Mercuriali*, omnes meas *Oblervationes* eo facio. Tubus ille tantum 35. digitos longus est, tenuissimâ Cavitate,

crassoque vitro. Ille *Exclusio* omnis *Aëris* facile deduci potest hic est necessaria, quia si in quemvis locum, *Aëris*, qui est subjectus ad instituenda tentamina. *Caloris* & *Vas* pro *Frigoris*, aliquid remaneat in *Barometro*, *Mercurio* Stagnante, cui dictus *Tubus* immergitur, exoritur variatio in demonstratione veræ pressionis *Aëris*, est circiter duos digitos amplum.

*Mercurius* tam bene inditus est, ut aliquot dierum spacio non sub-

subsideret, sed adhæreret Tubo Vitreo. Aservo illum in Musæo satis impervio, 9. pedes alto, 8. lato, 15. longo, prope fenestram. Et id quidem, quia fortassis Conclavis aër nimium occlusus impediret, quo minus plenè demonstraret omnes Variationes, ac in Aëre magis libero.

2. In omnibus meis Observationibus habitis à die 28. Maji, Anni 1664. usque ad diem præsentem (qui est 9. Decembris Anni 1665.) Mercurius nunquam ascendit altiùs, quàm paulò supra 30½. Digit.

3. Rarissime in tantam altitudinem excrevit (videl. ad 30½. Digit.) præcipue Decemb. 13. 1664. vesperi, tempestate quidem serena, sed dubia atque variabili.

4. Reperio in Ephimeridibus meis, Jun. 22. 1664. hora 5. matutina, tempestate diu constanter serena, Mercurium ascendisse circiter dimidium digitum supra 30. sed vereor ne aberrarim, quia tum non subiit animum meum admiratio istius rei, attamen spacio trium quatuorve dierum, illo tempore continuavit in altitudine, tempestate satis constanter serena & calida, ut plurimum excedente 30. digitos. Iccirco annotare licet, Mercurium non minus ascendere calidissima Æstatis, & frigidissima Hyemis tempestate.

5. Adhuc certò observavi ascendere paulò altiùs tempestate frigidiorè; & frequentissimè cum Hieme, tum Æstate altiorem esse

*Forte illud accidit ob quendam Aërem inclusum.* esse tempore frigidiore matutino & Vespertino, quàm calidiore Meridiè.

6. Generaliter tempestate constante & serena tam Brumali quam Æstiva, *Mercurius* est altior, quàm paulò ante vel post, vel tempestate pluviosa.

7. Rursus generaliter depressior est post pluviam, quàm ante.

8. Generaliter etiam cadit tempestate procellosa; & videbatur aliquantulum subfidere, apertâ illi ampla porta, qua irrueret procella; attamen comperi illum permanere præaltum, *Videntur illi fuisse Ventis Orientaliores.* procella diuturna, trium quatuorve dierum.

9. Rursus, generaliter altior est Ventis *Euro*, & *Borea* flantibus, (*Cæteris Paribus*) quàm *Austro* & *Zephyro*.

10. Tentavi sæpius, plurimis fumis, densisque vaporibus, alterare Aërem in Conclavi meo; sed non possum asserere, *Mercurium* altiùs ascendisse, quàm expectari poterat ex quodam caloris incremento. Qui sunt instructi accuratis *Barometris* Orbiculatis tentent utrum Odores vel Vapores Aërem reddant leviores.

11. In hoc Musæo toto illo tempore comperi

peri extremas alterationes Mercurii non excedere  $2\frac{1}{4}$  vel  $2\frac{1}{2}$  digit. ad summum.

12. Sæpissimè magnas variationes Aëris deprehendi, sine sensibili alteratione *Barometri*; ut noctibus rorantibus, cum humor copiosus delabatur, ejusque spissitas videtur aliquando Stellas oculis nostris subtrahere: diebus antecedentibus & sequentibus, Vapores adeò *Invisibiliter* fuere attractæ, ut totâ die Aër & Coelum maximè serenum appareret. Hanc ego æstimo magnam alterationem inter ascendentes & descendentes rores atque Vapores: quæ mutationes quandoque continuant alternis Vicibus *Nychthimeri*, ad unam duafve hebdomadas; *Baroscopio* tamen manente invariato.

13. Aliquando (non Sæpe inquam) *Baroscopium* non cedit aliis maximis Aëris alterationibus. Sic nuper (*Decembris* 18.) die haud vulgariter serena atque clara, & proximè sequente omnino obnubilata, effusa nive distincta pluvia; *Mercurius* idem manebat: idem accidit procellis tranquillisque tempestatibus.

14. Opinor conversantes multum sub dio, & foras ambulantes, reperturos plura specialia accuratiùs, quàm ego suscipere possim, qui destituor otio deambulandi foris. Exempli gratiâ, *Decembris* novissimi die 16, tempestas erat serena ac frigida, *Eurus* acriter magna vi flabat, *Mercurius* proximè

ximè 30. finum digitum erat elevatus, hora circiter tertia pomeridiana, vidi amplam ac obscuram nubem, *Euro* impulsans nos adversum ab *Oriente* & *Vulturno*. *Mercurius* nec illo nec sequenti die alterabatur; *Stellæ* scintillabant cœlo sereno ad usque horam nonam; tum subito spissæ nubes intendere se cœlo, & quicquid lucis internitebat, effusa caligine extinctum est, nullâ tamen tempestatis variatione; *Decemb. 17.* gelu continuabat, eratque cœlum sudum usque ad secundam pomeridianam; tum verò multæ spissæ nubes videbantur infra in *Occidente*; nulla tamen hic erat temporis variatio; *Ventus*, *Frigus*, & *Mercurius* eadem manebant; *Decembris 18.* *Mercurius* subsiderat fere  $\frac{1}{2}$  digiti, erat autem *Æther* tam serenus & clarus flante *Euro*; ut mirarer quid *Mercurium* descendere cogeret. Expectaveram ascensurum, ut solet æthere sereno. Forte ablegaveram foras famulum meum, qui remotos ad 20. milliaria montes nive stratos nuntiabat. hoc ipsum videbatur indicare, Aërem nubilis levatum nive effusa; levio-  
factum.

15. Rarè vidi uno tempore alterationem summam. Nam, quanquam nunc non studio percurro Annotationes meas, tamen aliquando mirabar, una die subsidere circiter  $\frac{3}{4}$  digiti.

16. Nuperrime mutavi Methodum meam concernentem *Barometrum*, id observans, ut oculis meis subiectum est, totâ die & magna noctis parte, invigilans momentis singularum specialium mutationum, ad examinandam causam, quæ in Aëre vel coelis apparere possit ad producendas istiusmodi mutationes. Et nunc non satis mirari queo, qui fiat, ut sit tam depressus Mercurius, perseverans non diu ferè inter vigesimum nonum & tricesimum altitudinis digitum.

17. Nunc itaque (*Ianuarii* videlicet 13. 1667.) nunciandum tibi duxi, *Mercurium* hoc ipso die (ut & die hesterno) pertingere in altitudinem 30 $\frac{1}{4}$  digit. utroque tamen & Obscuro & nubilis obducto, quandoque aëre valde spisso & nebuloso; quod raro accidit. Nam, ut plurimum, altiore observo serenissima constante tempestate, quam nubila & nebulosa, qualis nunc est. Spissitas illa atque Obscuritas Aëris durat ultra septimanam; nuper tempestas fuit frigidior, & Ventus *Eurus* ac *Cecias*.

*Hactenus* Annotationes Summi huius Observatoris; de quibus Dominus *Boylaus*, cui quoque communicatae fuere, hanc sententiam fert, videri scilicet sibi fidelissimo labore conscriptas, & in præcipuis, cum suis observationibus

bus Convenire, quantum memoria suggerbat: videtur enim illis, cum hæc scriberet, destitutus fuisse; & etiam si optat Observatoris Tubum Vitreum fuisse aliquantulum ampliorem; nihilominus laudat diligentiam ejus in

*Hoc videtur optandum, quia motus Mercurii liberior est in Tubo ampliore.*

eo adaptando tam curiosè, vel potius peritè, ut ante dictum est.

## VI. Observationes de Viperis.

**S**olers *Italus*, nomen ei *Francisco Redi*, habitâ nuper opportunitate, per numerosam multitudinem Viperarum, allatarum *Magno Duci Hetruriae*, ad compositionem *Theriace*, examinandi quod vulgo & narratur & creditur de Veneno harum bestiarum, absolvit (secundùm Relationem editam in *Ephemeridibus Eruditorum* impressis, *Januarii 4. 1662*) propositum suum summâ solertia, & edidit Tractatu Italico, nondum allato in *Angliam*, Observationes sequentes.

1. Observavit, Venenum viperarum non in ipsarum latere dentibus, quod quibusdam adhuc persuasum, neque in caudâ, quod alii prætendunt, nec in ipsarum felle, quod plurimi Physici credidere; sed in duabus vesiculis dentes ipsarum, tegentibus, quæ

quæ per Viperarum morsum compressæ & reclusæ, liquorem quendam sub flavum emitterent, qui juxta dentes, fluere omnes, vulnusque veneno inficeret. Experimentum hujus rei, quod expromit, hoc est, quod fricatis vulneribus animalium plurimum felle Viperarum, aut fixis dentibus, nullum insigne quidem malum accidere illis exinde adverterit. At verò quoties vulnera liquore illo subflavo fricuerit, ne ullum quidem evasisse saluum.

2. Creditum est vulgo hæcenus, Venenum Viperinum absorptum esse maximè lethiferum. Verùm hic Autor per experimenta sæpe repetita dicitur Observasse non in Vipera esse, aut humorem, aut excrementum, aut quamvis partem, aut fel denique ipsum, venenosum, quod Eruditiores Medici plerique omnes Venenum incurabile dicunt, absorptumque infallibilem inferre mortem. Quin imò asserit se vidisse edere homines, seque deglutendum sæpe dedisse bestiis, quod maximè venenosum habetur in viperis, neque tamen ullum exinde malum secutum fuisse.

Unde monstrat mirandum aded non esse, Empiricos quosdam succum animalium maximè venenatorum absorpsisse, nec tamen ullum exinde malum fuisse expertos. Quod verò attribuitur vulgò Antidoti ipsorum Virtuti, attribui debet potius naturæ



exemplo confirmatur, qui *Marforum* olim & *Psyllorum* nomine in historiis celebres sunt, quorum opus erat sugendo vulnera sanare læsos serpentum morfu.

3. Addit etiam Autor, se, licet *Galenus* plurimique Medici moderni asserant, nihil magis elicere sitim quam carnem *Viperarum*, expertum esse contrarium ex illis, qui semper inter *Epulas* vesci *Viperis* soliti, firmiter asseriebant, se nunquam minus siti-  
visse, quàm postquam observarint hunc vi-  
ctus modum.

4. De Sale *Viperarum* plurimi æstimato Chymicis quibusdam, ait: Non habere ipsum virtutem ullam purgantem, neque inter salia singula alterum altero majori præ-  
stare virtute, uti quidem se demonstrasse putat in libro alio, *De natura Salium*; qui etiam in nostras regiones nondum est trans-  
missus.

5. Tandem negat id quod dicit *Aristoteles*, quodque *Galenus* se sæpe observasse scribit; Salivam scilicet hominis jejuni ne-  
care *Viperas*; aliisque Observationibus illu-  
dit plurimis, quas *Physici* retulerunt de *Vi-  
perarum* antipathia cum aliis quibusdam re-  
bus, de ratione ipsarum concipiendi, ge-  
nerandique, tandem de variis etiam pro-  
prietatibus, quæ ipsis vulgo tribuuntur;  
*Gallicus* verò author ait *Philosophum* il-  
lum *Italum* ita refutasse illas, tot experi-

mentis quibus ipsemet (*Italus nempe*) oculatus testis adfuerit, ut dubitari amplius nequeat (ejus judicio) ea de re, post testimonium adeo autenticum.

## F I N I S.

## E R R A T A.

Pag. 1. in fine pro *Bale* - leg. *Nova*.

Pag. 29. lin. 4. & pag. 44. lin. 16. leg. Microscopii. *Perperam enim vertit interpres Ephim. Gall. 20. Dec. 1666. Telescopiorum.*

Pag. 39. lin. 4. dele *quod*.

In Ephim. Gall. 5. April. 1666. de pluribus Officiariis minus recte legitur, quod in Anglico de uno dicitur. Sequentia etiam ejusdem periodi verba Interpres latina fecit omissis pluribus, quæ nulla ratione omitti poterant.

Pag. 90. pro *punctis* leg. *die priori*.

Pag. 160. lin. 2. leg. *notum*.

Pag. 166. lin. 1. pro. *audire*, leg. *audisse*.

Pag. 222. post lin. 28. leg. (*N.B. contrarium legitur in Ephim. Gall. A. 1666. 22. Mart.*)

Pag. 173. lin. 9. leg. *reperiri*.

pag. 176. lin. 16. post *Precursor* dele.

Pag. 178. lin. 30. leg. *infra*.

Pag. 135. lin. 15. pro 16. Aug. leg. 19. Apr. A. 1666.

Pag. 263. lin. 2. leg. *subflavum*. lin. 3. post *dentes* dele.















LX

a

28-32

C. sg.

